

Nrpakxmrlz Kx Yr Mak Natq Ngr Nzaplxtqngr Mz Nrpakxmrlz Kx Yr Mak

Mak kc tqryr Nrpakxmrlz lc nide mrlx Mxri kc Jerusalem. ☆ Kzdg kz drtqde Jon Mak. ☆ Nide kave kr Banabas, ☆ x mz nzvzpxkr Pol mz Banabas kc ayrrngr, nzvzng badr. ☆ Mz nibrde Pol trbrtiu drtwrde Mak, murde rlaszle nidr. Kxmule-esz', a' nzwz mou badr Banabas. ☆ X mz nibr kzdung mzli sc tqmnc-zpwxtrpebz mz Pol. ☆ Kzdung leplz, mz drtwrdr nzrpilr kx Mak nide kzte Pita, murde mzli kc pnz buk kc tzipibz *Nrpakxmrlz kx Yr Pita*. Mwx Pita okatrle Mak nzlxngiti-krde Jiszs ☆ x pibzle da kcng kqlu bade, tqyroleng mz buk lc. Mwx ni-kzde **obla** kc tzmale-lvi mrkc Getsemzni. ☆

Mwx Mak yrle buk lc mz mzlr yiz 50—70 AD mz nibr nzrmcngz mz Jiszs. X mz nibrde ncblo ngr vea ne Rom sc tzodatipelr Mangr-nzangiongr Yawe mrkc Jerusalem, mz yiz 70 AD. Kzdung leplz nzrpilr kx Nrpakxmrlz lc nzyr kai. A' kzdung nzrpilr trtingr. Yrle buk lc mzli kc tzmnc-ngdr Rom badr Pita. Mzli lc Pita sc tqngipe lrtzlvz, x ycpe pipz nzbz-krde. X opx angidr kx yrbzle mz leplz kxtrngiulrJiu,

☆ : Aposol 12:12 ☆ : Aposol 12:25 ☆ : Kolosia 4:10 ☆ :
Aposol 12:25; 13:5 ☆ : Aposol 13:13; 15:37-39 ☆ : Kolosia
4:10; Filimon 23; 2 Timoti 4:11 ☆ : 1 Pita 5:13 ☆ : Mak
14:51-52

murde yokaetipxle nqmq kr lr Jiu x nzyr-krde natq ngr Nzryrngrkxtr Kc Kai nzpipzng. X yr-kzle kzdung nzalvztrngr mz nzaetq-ngrbz drtq kxnzrlxngiting x nzbzngr murde nzrlxngitingr ☆ kc naokatrle lr Rom kxnzrlxngiting mz nztu-amqngi-krdr mz mzlir nzxpu-krdrng.

Nrpakxmrlz kcng pwx nzbletipx-lxblrng mz kxmu nzaelwapx-krmlr Jiszs bagu. Murde Matiu okatrle nigu nzkrlez-krgr kx Jiszs nide Mevalu x King. Mz buk sc Luk, Jiszs nide Mrlx Leplz. X mz buk sc Jon nide Mrlx Gct. Mz buk sc Mak, Jiszs nide Kxnzawz ne Gct kc tqwztrpz mz leplz, mz nzamrlz-krde nrkrdrdqdr mz zyagox x mz nzbz-krde nidr mz kros mz nzxpe-krde alwx ngrdrng. Mak tryrleu nqvi lr Jiszs, murde trtakitrdeu kxnzawz kxavzo-lzbq.

Mrkcng Mz Buk Lc

Kraes wztitrpzle mz Gct x leplz nedeng mz nzrlrpx-lzbq-krde.

Jiszs alvztrle leplz nedeng kx narlrpx-lzbq-kzng mz nzwztr-krbzlr mz leplz. [8:34-37; 10:43-45]

Mak rlwapele da kxnzmatqng kxnzkctipxng nzpnu-esz'-nrade-rpwxmz (19) mz nzaelwapx-krde kx Jiszs ni-kzde Gct.

Nzryapwpxkr Jon Kxawrkxtr

Matiu 3:1-12; Luk 3:1-18; Jon 1:19-28

¹ Krlc nzyzutrkr Nrpa ngr Jiszs Kxnzmcp, Mrlx Gct. A' mzli kc tryzutr-ngrka nzwz-krde, Jon Kxawrkxtr vz-kaip mz nzyapwx-krbzle mz leplz.

²⁻³ Asaea, profet kc bqnc, yrole da kx pibz Gct mz

☆ : 8:34-38; 13:9-13

mrlxde. Ycmnetr-ngarde Jon Kxawrkxtr mz nzrpi-krde kx,

“Krlc menrpa nenge. Sa na-atwzlr-ngrne nartwayz-kaipz bam, murde naokatrle leplz nengeng mz nzoliqti-krdr nzvz-krbzme. ☆ Natq kzdq ncblo kx natqde etu mz nzryapwx-krbzle mz leplz lzke. Natq lcde rpile kx, ‘Oliqtiamu nabzmu mz nzvz-krm Kxetu Gct. Atubqtibzmu lrpzki kx nangi nyzde na-apule nzoliqtikr leplz kzdq lrpzki kx navz kim king.’ ” ☆

⁴ Zbz mz nzatutr-krde Nzryrngkxtr lc, Jon Kxawrkxtr tupxm lzke mrkc Provins kc Judiz. X yapwxtipxbzle nrpa lcde seleng, “Tekqtramu nqmq nr drtwrmu kxtrka. X rlr-lzbq-ngrmamu mz nzawrkxtr-krbo nimu mz nzaelwapx-krmu nzvzkr drtwrmu mz alwx ngrmu, murde Gct naipqle nimu.” ⁵ Leplz kxkqlu zlwz mrkc Jerusalem x mz provins kc Judiz, vz zvz nzvzpx-krmir mz nzlaltq-krbzlr mz Jon. Nzplxtitx-pxbzlr alwx ngrdrng, x sc tqawrkxtrpeleng mz LueJodzn.

⁶ Jon vz-nqblqnepwzle nqmq kr ncblo kx tr-rngibau, da kc tzwai profet kcng bqnc. Pxine-ngrpwzle lrpz kx nzwzngz mz nrpnr kamel. X amqngitr-ngarde lrpxi rde nrkalo kx nzwzpx-ngrm mz bekzu. X dakxnzng nade ngi txpwz dalr lzke, krlcng kionabr x hane. ⁷ X Jon sc tqyapwxtipxbzle kx, “Kzdq la ncblo kc sa navzm mz nibnge, namyaszlzle ninge. X trtakitrpwc'u nzwztr-ngrbz bade, kxmule-esz' nzryokaepxngz

nqvi lr sadol ngr nanycde. ⁸ Awrkxtrtxpwo nimu mz lue, a' sa na-awrkxtrle nimu mz Mqngrkxtr.”

Mz Nzwrkxtrngr X Nzatalzngr Jiszs

Matiu 3:13—4:11; Luk 3:21-22; 4:1-13

⁹ Mzli lcde, Jiszs vzkimle mztea Naszret mrkc Gzlili Provins. Vzm mz Jon x sc tqawrkxtrpe Jon nide mz LueJodzn. ¹⁰ Mzli kcpwz Jiszs tqvzdz-ngrmle mz lue kc, mcle Heven nzlvpwx x Mqngrkxtr vzom bade, apule nran. ¹¹ X natq Gct vzom Heven, rpile kx, “Nim Mrlxnge Kxnmrlzti. X abrtzlvz-zlwzx nim.” ☆ *

¹² X mzli kcpwz Mqngrkxtr sc tqngi-batrpebzle nzvztr-krde lzke. ¹³ X mnctipxmle mrkc zbq nzpnu-pwx, tqtamiti Setzn nide mz nzatao-krde nide mz alwx, a' trtao-pnzu. Kxmule-esz' animol kxnztrkating nzmncng badr, a' enjrl neng Gct nzacive-angidrlr nide.

Jiszs Yapwxtipxle Nrpakxmrlz X Kqlele Ncblo Nedeng Kcng Ayrnrngr

Matiu 4:12-22; Luk 4:14-15; 5:1-11

¹⁴ Mz nibr King Herot Antipas nzadwatr-krde Jon Kxawrkxtr mz presin, Jiszs kc tqvzpe mz Gzlili Provins mz nzyapwxtipx-krde nrpa ngr Gct. ¹⁵ Rpile kx, “Tekqtramu nqm q nr drtwrmu x rlxngititramu mz Nrpakxmrlz lc. Murde mzli ka Gct sc tqvectrple leplz bade, mz nzmncnz-krbzlr bade mz nzngini-krde King rdr.”

☆ **1:11** Nou 22:2; Sam 2:7; Asaea 42:1 * **1:11** Krlzku kx ngi Gct Trte kc tqycmneom Heven murde rpile kx Jiszs nide mrlxde. Delc mz ngalrde lcng 10-11, mcku leplz kcng tq, mz Gct kc esz'txu, tzrpibz Tqtrbz. Mc kz Matiu 28:18-20; Aposol 1:8; 2:38, x 8:16 x natq kxnztopwzng elr.

¹⁶ Kzđq zbz Jiszs kx vnzede kc mz nrlar Dxbu Gzlili, sc tqrmctipele kc ncblo kxnmwang nzling, Saemon nidr ncdz mзде Adru. Tzmwaneng mz br scdr. ¹⁷ Zbz rpibz Jiszs badr kx, “Vz-nqblqmamu ninge, murde na-alvztrpo bamu nzrtangrngr leplz, kx nangi nengeng.” ¹⁸ X mzli kcpwz nzrlasztx-pnzlr nzwz-krdr x sc tzvz-nqblqpelr Jiszs.

¹⁹ Zbz Jiszs vznebz kxpipz mz nrlar dxbu kc x sc tqrmctipe-kzle kzđq mou mзде-lzbq nzling, Jemes x Jon. Trtedr drtqde Sebedi. Tzmnclzmqng mz nabz bot scdr, tzngqtitrir br scdrng. ²⁰ X mzli kcpwz sc tqkqlepe-kzng Jiszs nidr mz nzvz-nqblq-krdr nide. X nzrlasztxdr trtedr Sebedi mz nabz bot kc badr ncblo kcng tzawzlrng, x sc tzvz-nqblqpe-kzlr nide.

Jiszs Maszlrpx-ngrde Kzđq Drka'

Luk 4:31-37

²¹ Zbz Jiszs badr ncblo nedeng nzpwxng sc tzvzpeng mz taon Kzpnizm mrkc Dxbu Gzlili. Kx nzkrľzbzlr kc Kzpnizm, sc tzvztrpeng mz mangr-nzkrka'ngr nyzdr lr Jiu mz nzalvztr-krde leplz mz Satde, kc tqngi Sabat nyzdr. ²² Leplz amrlx nzktitxpx-zlwzlr nzalvztr-krde. Murde trapuleu kxnzakrlz kcng tzalvztrng mz Loukxtr, a' ycmnemile zmatq angidr.

²³ Zbz kzđq kc ncblo kx mncpx-ngrm drka' sc tqdwatrpebz mz mangr-nzkrka'ngr. Sc tqnetx-pxpe mz natqde kxwzpx. ²⁴ Rpipele kx, “Vrr! Vzpe Jiszs kc Naszret! Vz, dwasz nigr! Vz-ngrme nzodati-krm nigr! Krlzx ncblo kznike tqnginim! Nim Ncblo Kxtr kc tqatwzlr-ngrm Gct!”

²⁵ Ycmne-plztitxtr Jiszs drka' kc. Rpibzle kx, “Mnc-lrpi! Dwapxm mz ncblo la!” ²⁶ X drka' kc arnrcitxde ncblo kc, netxpx, x sc tqprszpxpele nide. ²⁷ Dzbe leplz kcng nzktitxpx-pnzlr x sc tzveatine-etrpelr mz nizrpi-krdr kx, “Eke! ? Nike tqpile? ?Krlc nzalvztrngr kxmRNA? Rngisc zmatq mz nzkra-krbzle natq mz drka' kcng, x nzlxngitibzlr natqde!” ²⁸ Zbz nrpa ngr da lng tqaleti Jiszs sc tqvztx-anipepwz mz Gzlili Provins tqlvzo.

Jiszs Amrlzle Kxnzyagoxng Nzqqlung
Matiu 8:14-17; Luk 4:38-41

²⁹ Mzli kc tqyrkrtpx-ngrpwz nzkrka'-krdr, Jiszs badr Jemes, Jon, Saemon x Adu, ncblo kcng tzvz-nqblq-kailr nide nzrlashtxdr mangr-nzkrka'ngr kc. X sc tzdwatrpeng mz ma nyz Saemon ncdR Adu.

³⁰ Kzdo Saemon kc tqngi olvz sc tqmnz me mnz-ngRde murde yagox x drtqde pqpXm. Mzli kc Jiszs tqkrlzpe-ngRbzle mrkc, lr nabz ma kc sc tzpipebzlr bade olvz lc tqyagox. ³¹ Jiszs vzbz bade, otibzle mqde x sc tqokatrpele nzatulz-krmlele. Zyagox kc yrkrtpx pnz, zbz sc tqoliqtipebzle dakxnzng nadR.

³² Mzli kc nepi tqtaope-ngRde, x Sabat kc tqyrkrpxpe-kzpZ, lr Kzpznmzm nzvzmitimlr mz Jiszs kztedrng kxnzyagoxng x kxnzmncpx-ngRmqng drka'. ³³ Lr mztea kxnzkqlung nzyrl-wrtrpzng yz mz ma kc tqmncpx-ngRm Jiszs. ³⁴ X amrlztibzleng leplz kxkqlu mz nzyagox-krdrng amrlx. X maszlrpx-kzpZleng drka' mz leplz kxkqlu. A' tr-rlr-ngRpwzleu mz drka' lcdeng

nzymne-krdr, murde nzkrzlzr kx nide Mevalu kc tqmcpz Gct.

*Jiszs Ryapwx Nrpakxmrlz Mrkc Gzlili Provins
Luk 4:42-44*

³⁵ Mzli kc nrlc tqbqbe-ngrde, mzli boibe x nrlc kc tqbrlawxpxpe, Jiszs dwalzm x rlasztxde ma kc, vzpx mz nrlarde kx yz mz taon kc me tunabungr, x sc tqkrka'pe. ³⁶ Mzli kc tzdwalz-ngrmlr, Saemon nidr badr kztedeng trnzmcpeiru Jiszs. X sc tzvznepeng mz nzrtabrti-krdr nide. ³⁷ Mzli kc tzmcti-ngrdr nide sc tzipipebzlr kx, "Leplz kcng tzrtabrtilr nim!"

³⁸ A' ayzlu-ngrbz Jiszs natqdr kx, "Kxmule-esz', a' navzki-kzx du mztea kzbleng mz nzryapwpx-kz-krbong badr Nrpakxmrlz. Murde delc tqngi nou nzvzo-krmc mz nrlc ka." ³⁹ Zbz sc tzolvxtipe-kzlrng mztea amrlx mz Gzlili Provins. X sc tqyapwxtipxpebz Jiszs Nrpakxmrlz mz leplz mz mangr-nzkrka'ngr nyzdrng, x tqrmaszlrpx-kz-ngrbz drka' kxkqlu badr.

*Jiszs Amrlzle Kzdq Ncblo Kx Ycngz Lepz
Matiu 8:1-4; Luk 5:12-16*

⁴⁰ Kzdq zbz kzdq ncblo kx ycngz lepz vzm x rwetxobz zpr mz Jiszs. X sc tqyrnitrpebz bade mz nzipi-krde kx, "Kx tqsutu drtwrm le, krlzx kx nzm krlzq nzamrlzngr ninge!" ⁴¹ Jiszs yctx pnz mz drtwrde mrlx kc. Kxmule-esz' mz Lou sc Mosis batrpzle trnztakitr-krdeu nide mz nzprtrngr mz nzangiongr, a' maletxtrpzle nide. Sc tqrpipebzle kx, "Mrlzm bange. Namrlzq." ⁴² X mzli kcpwz lepz kc dwasztx-pnzle ncblo kc, x nrkrdrdqde mrlztx pnz. ⁴³⁻⁴⁴ Zbz Jiszs rkabz

natq, rpibzle bade kx, “Vzpe! X da lc, bzqk ena ncblo kx napi-nebanle. A' vz-kaipz mz pris, x pibz bade napwxlitibzle nim, kx namcpzle kx mrlzpeq. Zbz sa napipxbzle mz leplz, murde namnc-lxblr-mouamu badr. X kabz mz Gct blz kx nangi dalr nzamrlzngr nim, da kc tqwai nzpikr Lou sc Mosis le, x nakrlzngr leplz amrlx le kx tubqpeq mz Loukxtr.” ☆ 45 A' mrlx kc pitxnede da lc mrkcng kqlu tqvzkile. X rblxbz mz Jiszs nzvztr-krde mz mztea lcng murde dzbe leplz kx nzyrlwrng mrkc nzqqlu-aning. Delc tqmncpe-ngrmle rlr, a' kxmule-esz' lr mztea kang kqlu sc tzvzmqng ye bade.

2

Jiszs Ipqppe Alwx Ngr Kzdz Ncblo X Amrlzle Nrkrdrtdqde

Matiu 9:1-8; Luk 5:17-26

¹ Mz nibr kzdung zbq, Jiszs sc tqyzlupe mou Kzpnizm. A' leplz kxnzkqlu nzxrlr kx sc tqmnc mrkc. *

²⁻³ Zbz sc tzyrkrpebzng mz ma kc tqmnc-ngrde. Nznulvzlr ma kc x nzyrlwrtrpz kcng yz. Mzli kc Jiszs tqyapwxtipx-ngrbzle Nrpakxmrlz badr, ncblo nzpwxng nzvzmqng, nzglqmlr kc ncblo kx nrkrdrtdqde bz. Nzglqtimlr nqni. ⁴ A' rblxtx nzglqtr-krbzlrle mz Jiszs murde leplz kqlu zlwz mrkc. X sc tzglqlz-alzupelr mz nibr ma kc, x nzlvlzlr mrkc tqmnc-zbzlbz Jiszs. Zbz sc tza-voopebzlr ncblo kc mz nqni mnrde. ⁵ Kx krlztrpz

☆ **1:43-44** Livae 14:1-32 * **2:1** Mz nibr Jiszs nzabzo-krde nzyrapwpx-krde sc tqapuspe-ngrde Kzpnizm mztea nyzde kxmna trngipeu Naszret.

Jiszs nzbtrtkr drtwrdr nide mz nzamrlz-krde kztedr, sc tqrpipebzle mz ncblo kc tqyagox kx, “Mrlxnge, alwx ngrmqng ipqpxpebo.” ⁶ Kzdung lr Jiu kcng tzalvztrng mz Loukxtr kcng tzwxbung mrkc, sc tzipelr mz drtwrdr kx, ⁷ “Rlr! Mrlx lc tqpivxitile Gct. Murde Gct txpwz kx krlzle nzipqpxngr alwx!”

⁸ Mzli lcdepwz mz nzokatrkr Mqngrkxtr, Jiszs krlztitrpebzle mz mqngrde da kx yc mz nabzdr. X sc tqrpipebzle badr kx, “Bzkq nzaokrmu drtwrmu da kxmule lc. ⁹ Nzmu narpibo mz ncblo kxyagox lc kx, ‘Ipqpxbo alwx ngrm,’ rblx nzrmcng. A' nzmu narpibo bade kx, ‘Tulz, oti nqni pnrm, x vzpe,’ opx angidr nzrmcng. ¹⁰ Mz nzmu-krde lcde, na-amrlzbo nrkrdrdqde mz nzaelwapx-krnge kx ninge, Mrlx Leplz, rngisc-kzng zmatq ngr nzipqpxngr alwx mrka mz nrlc.” X sc tqrpipebzle mz ncblo kc nrkrdrdqde tqbz kx, ¹¹ “Mrlxnge, tulz, oti nqni pnrm x vzpe mrnyzm!” ¹² X ncblo kc sc tqtulzpem mz mztr amrlx ngrdr, oti nqni mnrde x sc tqvzpe. Leplz amrlx nzktitxpx-atwrnr-ngrdr nide, x nzglqpxlr Gct mz nzipi-krdr kx, “Rlr! Trgalr da kx mcku kxmule ka.”

Jiszs Kqlele Matiu

Matiu 9:9-13; Luk 5:27-32

¹³ Jiszs yzlu mou mz nabz drta' Dxbu Gzlili. Zbo ngr leplz nzyrkrmqng bade x sc tqabzopele nzalvztr-krde nidr. ¹⁴ Mzli kc tqvzne-ngrde mz nabz drta' kc, mcle kc ncblo drdqde Livae. X kzdq kz drdqde Matiu. Ncblo lc nide mrlx Alfizs, x sc tqwxbu mz ofis nyzde kc tzipkitr takes. Rpibz

Jiszs bade kx, “Vz-nqblqm ninge.” Livae tutxlm, axtxbze da amrlx, x sc tqvz-nqblqpele Jiszs.

¹⁵ Mz nibrde, Jiszs sc tzmupeng badr ncblo nedeng mz ma nyz Livae. Zbz kzdung ncblo kx nzatakqting takes x kzdu-moung leplz kx nqm q krdr trka mz nzobqkr leplz nzm-lxblr-kzng badr. Murde leplz kxnmulr lcng nzkqlung nzvz-nqblq-kzlr nide. ¹⁶ Mzli kc tzm-ngrbzlr Farzi x krkcng tzalvztrng mz Lou sc Mosis da lc, drtwrdr trmrlzpeu. Murde mz drtwrdr trtakitrdeu ncblo kxmrlz nzngini-krde kzte ncblo kxnztrkang. X sc tzveapebzng mz ncblo nedeng kx, “?Nike Jiszs tzm-lxblr-ngrdr badr leplz kxnmulr lcng?” †

¹⁷ Xlrpebz Jiszs natqdr x sc tqrppebzle badr kx, “Leplz kx trnzyagoxung trnzsutiu drtwrdr dckta. A' kxnzyagoxng la tzsuti drtwrdr dckta. Trvz-ngrpwc'u nzkqlengr leplz kx nzrpilr nztubqng. A' vz-ngrmc nzkqlengr kxnzaleng alwx, murde naesablqtilr alwx ngrdrng.”

Ncblo Neng Jiszs Trnzaxtx-ngrpwxlru Dakxnzng

Matiu 9:14-17; Luk 5:33-39

¹⁸ Mz nqm q kr lr Jiu nzaxtx-ngrbz dakxnzng zbq li mz wiki kxes' mz nzkrka'-krdr. Kzdz zbq oblamzng Jon Kxawrkxtr x kr nedrng Farzi kcng nzaxtx-ngrbzlr dakxnzng. X kzdung leplz nzvzmqng mz Jiszs, x sc tzveapebzng kx, “?Nike ncblo nemqng trnzaxtx-ngr-kzpzlru dakxnzng?”

† **2:16** Mz nzm-lxblrkr Jiszs badr ncblo lcng tztrkang, drtwrdr tresz'tiu badr mz alwx ngrdr. A' rpil na-aelwapx-ngrbzle nivz lr Gct badr.

19-20 Jiszs rpibzle kx, “Apux ncblo kxnayrlz. Mz nqm̄q lcpwz trtakitrdeu leplz nzaxtx-krdr dakxnzng mz mzli r nzabrtzngr mz nzyr-lzngr, trtakitr-kzdeu ncblo nengeng nzaxtx-krdr dakxnzng mzli ka mz nzmnc-aepztr-krbzlr mz Gct. Murde nzabrtz-ngdrdr ninge lc tqmncbepo badr. A' mz nibrde, mzli kc nakatxpx-ngrmc badr, sc tqtakitr-atede nzaxtx-krdr dakxnzng mz nzkrka'-krdr. ²¹ Nzycmne-ebzpxngr lcng li nzaelwapx-ngdrdr nqm̄q krnge kxm̄rna. Murde trpnzngr ncblo kx rkxsilvztr dzlvq lrpz kxm̄rna mz nzakqlvztr-krde me bxnge mz lrpz kxblz-longr. Nzmu nawailele, dzlvq lrpz kc tqmrna sc tqbxplixpem mz lrpz kcma tqblzlongr, x sc tqbxplix-zlwzpe myaszpxle mzli kc kai tqbxpli-ngrde. ²² X trpnz-kzngr ncblo kx narbzlutr dakxnzng kxm̄rna mz ncblei kx nzrbzlutrpengr dakxnzng. Murde ncblei kxm̄mule lcde ngcplxtxtr kai mz nzmrnabekr dakxnzng, x da lcng li sc tzatrkatipeng. A' dakxnzng kxm̄rna nabzlutrpwz mz ncblei kxm̄rna.” ‡

Jiszs Nide Kxetu R Sabat

Matiu 12:1-8; Luk 6:1-5

²³ Mz kzdq zbq ngr nzangiongr, zbq lc nzrpibz Sabat, Jiszs badr ncblo nedeng nzo-zlilr lrpzki

‡ **2:22** Nqm̄q keng tqmrna tqprmitrp Jiszs bletxpx-zlwzngr mz nqm̄q keng pnz. X rblxbz mz kxnzetu r lr Jiu nzesz'tikr drtwrdr badr, murde rblxbz mz leplz keng tzabrtzlvzpelr nqm̄q keng pnz nztekqtr-krdr nqm̄q krdr mz nztwz-krdr nqm̄q kxm̄rna.

kx vztr mz kzdung lclr wit. Ncblo nedeng, sc tzcpgpxpemqng nra wit mz nc ngrdr. §

²⁴ Zbz kzdung Farzsi sc tztpipebzlr bade kx, “Mc ena da kc tzalelr! ?Nike ttxpqbrrlr-ngrdr Lou sc Mosis mz nzwz-krdr mz Sabat?”

²⁵ A' mz nzaelwapxkr Jiszs kx takitrde nzoka-trngr ncblo mz Sabat, sc tqayzlupe-ngrbzle natqdr, rpibzle kx, “Krlz-angidr-kzamu da kc tqale melrmqmu King Devet kc tqamatqamu, mzli kc tzbtrale-ngrdr badr ncblo nedeng. ☆

²⁶ Nzvztrng mz ma nyz Gct mzli kc Abiata tqngini-ngrde Nardr Pris. X Nardr Pris lc kabzle mz Devet bret kc tqngi blz, kxmule-esz' rpwa'ngr Loukxtr scgu. Murde bret kxtr nangqpww pris. A' Devet ngqde bret lcde x ka-kzpzle mz dzbede nede. X nakrlzamu kx mz nzobqkr Gct, Devet trpnzngr da kx avz-rbrle. Murde Lou sc Gct rlr-ngrmle bagu nzokatrngr leplz. ☆ ²⁷ Murde Gct wz-ngrde Sabat mz nzokatr-krde leplz. A' trwz-ngrdeu leplz mz nzvz-nqblq-krdr lou ngr Sabat. ²⁸ Delc ninge Mrlx Leplz, tqngininge Kxetu r Sabat. X tqrngiscnge zmatq mz nznzkr drtwrnge da kx takitrde nzalengr mz Sabat.”

3

Jiszs Amrlzle Kzdz Ncblo Mz Sabat

Matiu 12:9-14; Luk 6:6-11

¹ Mz kzdq mou Sabat, mz nzvztrkr Jiszs mz kzdq mangr-nzkrka'ngr, rmctile kc ncblo kx

§ **2:23** Lou sc Mosis rlrpx-ngrde nzcpgpxngr wit nyz ncblo kzble, a' bzkq nzlakilzm noude. [Lou Kcpwz 23:25] ☆ **2:25** 1 Samwel 21:1-6 ☆ **2:26** Livae 24:9

m̄qde bz. ² Kzdu kcng Farzsi tzyrlwr-kzng mrkc nztangrtrpzng da kx vz-rbrti Jiszs. Sc tzaukzti-angidrpelr mz nzmc-krdr nzmu na-amrlzle doa kxyagox mz Sabat. Murde mz drtwrdr nzamr-lzngzr doa kxnzyagoxng ngi nzwzngzr. ³ Sc tqrpipēbz Jiszs mz mrlx kc m̄qde tqbz kx, “Vzpxm x tu mrlc.” ⁴ Zbz sc tqrpipēbz Jiszs mz leplz kcng kx, “?Nike rlrpxngz Loukxtr scgu nzalengzr mz Sabat? ?Nzokatrngz leplz o nzatrkatingzr? ?Nzarlapxngz nzlukz ncblo o nzrlr-ngrbz nzbz-krde? Murde krlz-angidramu kx Loukxtr scgu rlrpx-ngrmle bagu nzalengzr da kxmrlzti mz Sabat.” A' leplz kcng nzmnc-lrpi-tpwzngzr murde nzkrlzlr kx mrkc tqvzki nardz vz-rbr. ⁵ Jiszs obq-ngale-ngzde nidr amrlx ngzdr. X drtwzde ngza x talvzo-ngzde nzrsaprlr-krdr natqdeng. X sc tqrpipēbzle mz ncblo kc kx, “Atwztqpx m̄qm.” X atwztqtpxle m̄qde, x mrlztx pnz mou. ⁶ Zbz Farzsi kcng nzrlasztzdr mangz-nzkrka'ngz. X sc tzvz-anipeng mz nzymne-etr-krdr badz ncblo neng King Herot Antipas, mz nzrpi-krdr kxnamu nznibq-krdr Jiszs.

Zbo Ngr Leplz Kxetuting Nzvz-nqblqlr Jiszs

⁷ Jiszs badz ncblo nedeng nzabrkapx-lzbqmqngzr mz mztea, x sc tzvzpeng Dxbu Gzlili. A' kzdq zbo ngr leplz kxetuting ngr Gzlili Provins sc tzvz-nqblqlpelr nidr. ⁸ X leplz kzbleng nzyrkr-kzpqngzr mz Jiszs mzli kc tzxlrti-ngzdr rkx kcng tqaletileng. Nzvzkiplr taon kxetu Jerusalem, x mz mztea ngr Judiz Provins amrlx, krlzbzle me nzmncngzr lr Edom kcng trngiulrJiu. Nzvz-kzpqngzr kcng mz nrlar LueJodz n kc tqyctxo.

X nzvz-kzpqng kcng Taea x Saedon, taon kx-etuting nyz lr mrkzbleng, mrkc Prla Meditrenia. ⁹⁻¹⁰ Leplz kxnzyagoxng amrlx sc tzapetr-lzbqbzng mz zbo ngr leplz kcng mz nzbxtkrbzlr nide. Murde nzrpilr na-amrlz-kzpzle nidr da kc tqwai nzamrlzpe-krde leplz kxkqlu. Zbz rpibzle mz ncblo nedeng kx naoliqtibzlr dq bot kx nadwatr-ngrmle dxbu mz nzalvztr-krde nidr. Murde ma tzolikilvztilr nide mz nzalvztr-krde. ¹¹ X mzli kznikeng drka' kxnzmncpx mz leplz nzmcpzbzlr nide, sc tztaopebzng bade, tzrpielr mz nznepx-krdr kx, "Nim mrlx Gct!" ¹² A' Jiszs rngidrlvztx-ngrbzle badr kx bzkq nzpinebzlr da lc mz leplz.

Jiszs Mcpxle Aposol Nzpnu-esz'-nrade-li (12)

Matiu 10:1-4; Luk 6:12-16

¹³ Zbz Jiszs vztxlz-ngrde kc newz x sc tqaveatipele krkcng tqsuti drtwrde, sc tzyrkrpe-bzng bade. ¹⁴ Mcpxle ncblo nzpnu-esz'-nrade-li (12) kx nanginidr ncblo nedeng kxnzmy-atxpxbzng, kx na-alvztrleng. Murde, mz nibrde na-atwzlrpx-ngrdeng mz nzyapwxtipx-krdr Nrpakxmrlz. ¹⁵ X narngiscng zmatq mz nzmazslrpx-krbzlr drka' mz leplz mz drtqde. ¹⁶⁻¹⁹ Krkcng nzpnu-esz'-nrade-li (12) tqmcpxleng nidr seleng:

Saemon, kc tqyrlq-kzpz Jiszs drtqde Pita,

Jemes nidr mz mzlede

Jon kcng tznginidr mrlx Sebedi, x Jiszs kabzle badr drtqdr *Boanrjis*, drtwr ngrde *mrlxng bzlrmei*, murde nardr mrbc,

Adu (mzle Saemon Pita),

Filip,

Batolomiu (mrlx Tolmai, kc kzdq drtqde Natzniel),
Matiu (kc kzdq drtqde Livae),
Tomas,
Jemes kc tqngi mrlx Alfizs,
Tadizs (kc tzipi-kzp Judzs, mrlx Jemes),
Saemon kc tqprtr ena mz dzbede kc tzipilr
 namaszlrtpx-ngrdr gzpman ngr Rom mz
 nzmnc-krdr Israel, x
Judzs Iskariot, kc tqamwabzle Jiszs mz enqmi
 rdeng.

?Zmatq Ngr Jiszs Vzpxm Mz Gct O Mz Setzn?

Matiu 12:22-32; Luk 11:14-23; 12:10

²⁰ Zbz Jiszs yzlu mou bzq mrkc mztea Kzpnizm. X kzdq zbo ngr leplz kxetuting nzyrlwr-ngalelvz-moulr nidr badr ncblo nedeng. Sc tqrblltxpe nzmu-krdr kxpipz mz nzokatr-krdr leplz lcng. ²¹ Mzli kc lr ma nyz Jiszs tqxlr-ngrdr da lcng, sc tzkalzpmqng mz nzoti-krdr nide. Murde nzipilr leplz kx ngqngupe-ngrde nzwz-kato-krde.

²² X mzli lcpwz kzdung kxnzavztrng mz Lou sc Mosis kx nzvzkiplr Jerusalem sc tzipipilr kx, “Mrlx la mncpx-ngrm Beelsebol, kxetu r ma ngr wq, nide kc tqaclvele drka' amrlx, x sc tqrkabz bade zmatq mz nzmaszlrpx-krde drka' mz leplz.”
 *

²³ Zbz Jiszs sc tqrpipebzle kx nayrkrmqng bade. X sc tqryapwxpebz badr mz nzymne-ebzpxngr lcde sele. Rpihzle kx, “Trtingr! Murde

* **3:22** Mz natq lr Grik drtq Beelsebol drtwr ngrde *kxetu r ma ngr wq*, kc tqngi kzdq kz drtq Setzn.

Setzn rblx nzmapulrpx-krde drka' kztedeng mz nabz leplz! ²⁴ Murde kandre kx akipx-lzbq mz dzbede sc tzota-etrpeng, e mzli kxpipezne trnatu-amqngiung. ²⁵ Mz nqmq lcpwz doa lr ma kxes' kx nzamnc-dali-lzbqng, nzatrkatilzbqng. ²⁶ X mou, nzmu Setzn badr kztedeng naotablrlr mz nidr esz'-krdr x nzaki-lzbqng, e zmatq ngrde mz nzacive-krde leplz sc tqmanepe x tqyrkrpxpebz. ²⁷ Mz nzmu-krde lcde, Setzn apule ncblo kx xplr zlwz. A' napebqtx kai, x ncblo kc tqdwatr-atebz ma nyzde mz nztwz-krde dztudeng. Da kc tqwai nzarlapx-ngrbz leplz mz mqde.

²⁸⁻³⁰ “Rpianu kx nabznge mncpx-ngrm drka'. A' da angidr tx lc napibo bamu. Gct krlzle nzippqpx-krde alwx x nzipivxitingr amrlx. A' mz nzipi-krmu lc zmatq rnge vzpxm mz drka', pivxitiamu Mqngrkxtr kc tqngi nou angidr zmatq lc. X trpnzngr nzipqkr Gct leplz kx pivxitile Mqngrkxtr, murde atao-lzbq mz alwx kx yctx alo.” †

Kx Ngì Angidr Lxede Jiszs X Mzledeng

Matiu 12:46-50; Luk 9:19-21

³¹ Zbz lxede Jiszs x mzledeng nzkrilzbzlr ma kc tqmnc-ngrde. A' rblx nzprtr-krbzlr brma, murde zbo ngr leplz kcng tzmncng mrkc. Nzatzlrltr-ngrbzng nrpa bade kx navzpx-kaip badr. ³² Kzdu

† **3:28-30** Gct krlzle nzippqtx-krpwzle leplz kcng tzlzpzbzlr alwx ngrdrng bade. A' doa kx pivxitile Mqngrkxtr pxtpx-ngrde nide. Mz nzmu-krde lcde, rblx doa lc nzyckr drtwrde alwx ngrdeng, murde Mqngrkxtr dekc tqokatrle leplz mz nzmc-krdr alwx ngrdrng. Doa kx pivxitile Mqngrkxtr trpnzngr nzmc-krde alwx ngrdeng mz nzplzpx-krbzleleng mz Gct. X trpnzngr nzipqkr Gct nide.

leplz mz zbo ngr leplz kcng tzwxbu-ngalelvzlr Jiszs, ngrpibzlr bade kx, “Lxem x mzlemqng sc tztutrpqng yz, ngrpilr namclr nim.”

³³ X sc tqrpipebzle kx, “? A' nekeng tqngi angidr lxenge x mzlengeng?” ³⁴ Obqtxbz mz kxnxrlxngiting kcng tzwxbu-ngalelvzlr nide, x sc tqrpipebzle badr kx, “Doa kxnxapulr nimu lang tqngi lxenge x mzlengeng!” ³⁵ Murde krkc tqvz-nqblqle me pnz drtwr Gct, nide la mzlenge x inwenge x lxenge angidrng.”

4

Drtc' Pwx Kx Bletipx

Matiu 13:1-9; Luk 8:4-8

¹ Mz nibrde, Jiszs dwapx ma kc x sc tqvzope mz nabz drta' ngr Dxbu Gzlili. Zbz zbo ngr leplz kcng kxnxetunepxlr kc, sc tzyrlwr-ngalelvzpelr nide. X sc tqdwaope mou mz bot, mz nzalvztr-krde nidr kcng tzyrlwrpxbzng mepz. ² Yapwxtibzle badr kzdung nzymne-ebzpxngr mz nzalvztr-krde nidr da kxkqlu. X mz zbq lcde Jiszs yapwxtibzle badr nzymne-ebzpxngr lcde seleng.

³ “Lalztqmamu bange! Kzdzq mzli kzdzq kc ncblo oliqtile drtc' ngr nrlanc nyzde. Zbz sc tqarlxpele nra wit nyzdeng, murde rpile nayrkqlvzle mz drtc' mz nibrde. ⁴ A' mzli kc tqarlx-ngrdeleng, kzdung tationg mz lrpzki kx drtc' ngrde mqngi, x nzngqtilzmqng utc. ⁵⁻⁶ X kzdung nztaong mz drtc' kxmelx, murde ycom mz rplz. Nzlvcpulz-animgng, a' nzglrting x nzmztx-ani-moung mz nepi, murde dzbrdr trvzou la. ⁷ X kzdung mou nztationg mz drtc' ngr ncngrbz. Krlcng

nzlvcpumilzm lxbi x nzyrlvilvzo lxbi nidr x trnzpa-pnzung. ⁸ X kzdung nztao mz drtc' kxm-rlz. Krlcng nzyrlvzlmqng x nzpang. Kzdung nradr pipz, kzdung nradr kqlu, x kzdung nradr kqlutx zlwz. ⁹ Doa kx yrplapx, na-abzle nztwz-krde drtwr ngr natq lc.”

Drtc' Pwx Kx Bletipx Ngı Nqmq Kr Leplz

Matiu 13:10-23; Luk 8:9-15

¹⁰ Mz nibrde mzli kc Jiszs tqmnc-ngrde esz'-krde, aposol badr kzdung kz leplz nedeng, sc tzipipebzlr bade kx nayapwx-dalitipxbzle badr nıke tqngi drtwr ngr nzymne-ebzpxngr lc. ¹¹ Sc tzipipebz Jiszs kx, “Ayrbq-angidrbo bamu nqmq kr Gct kc tqyc-kapq mzli kc mz nzngini-krde King r leplz nedeng. Murde doa kx lxngitile Gct, Gct sa na-aetunepxbzle nzrkrly-krde da angidr x sa na-axplrbzle nzrlxngiti-krde. A' mz leplz kcng tzippx-ngrdr nzxl-krdr da angidr, napipxbo badr mz nzymne-ebzpxngr. ¹² Nidr leplz kcng tqcmnetrngr profet Asaea mz nzrpipxkr Gct kx,

‘Kxmule-esz' nzobqng, a' trnzkrlylru da angidr. X kxmule-esz' nzlalztqng, a' nardr tryrplatrpwzu. Mz nzmu-krde lcde, rblxbz badr nyzylu-krmlr bange mz nzatubqti-krnge nabzdr.’” ☆

¹³ Kctipx Jiszs trnzkrly-krdr nzymne-ebzpxngr lc, sc tzipipebzle badr kx, “? Tryrplatitru narmu nzymne-ebzpxngr lc? Nzmu kx tqmule lcde, sa narblxbz bamu nztwz-krmu drtwr ngr nzymne-ebzpxngr amrlx.

¹⁴ Drtwr ngr nzymne-ebzpxngr kc nıde sele: Nra

wit kcng tqarlx ncblo ngi natq Gct. ¹⁵ Drtc' pwx ngi nqmq kr leplz. Lrpzki lc drtc' ngrde tqmqngi, drtwr ngrde leplz kcng nardr tqmqngi mz nzxlr-krdr natq Gct. Murde mzli kznikeng nzxlr-ngrdr nrpa ngr Gct, Setzn vzm x katxpxbzle badr. ¹⁶⁻¹⁷ Drtc' kc tqmelx drtwr ngrde leplz kcng nabzdr tqngrgo. Kxmule-esz' nzxlrlr natq Gct x nzabrtzlvzlr nztwz-krdrle, a' natq Gct trpnzngr dzbrde x trvzou la mz nabzdr. Nzrlxngiti-krdr mrbcnepwz, murde rblx nzlolvz-amqngi-krdrle mzli kc tqprtztngnr nzxpungnr x nzatalzngr kcng tzvzpxmqng mz nzrlxngitingr. ¹⁸⁻¹⁹ Drtc' ngr nibr ncngrbz drtwr ngrde leplz kcng drtwrdr tresz'tiu. Kxmule-esz' nzxlrlr natq Gct, a' trbrtiu drtwrdr. Murde nzaoti-zlwzkr drtwrdr dalr nrlc kxkqlu nzapulr lxbi kcng tqyrlvilvzolr nabzdr, x trpnzngr nardr. ²⁰ Drtc' kxmrlz drtwr ngrde leplz kcng nabzdr tzoliqtilr nzlxngiti-krdr natq Gct. Murde nztwzlr x nzlxngitilr natqde, x nra nzrlxngiti-krdr yc-zvzbz, mz nzvectr-krmlr leplz mz nzmnc-nqblq-krdr Gct. Kzdung mzli leplz kcng nzvectrplr nzpipzneng, kzdung mzli nzkqlung, x kzdung mzli nzkqlutx-zlwzng."

*Gct Suti Drtwrde Nrpakxmrlz Natalvzpxle
Leplz Amrlx*

Luk 8:16-18

²¹ Mz nzaelwapxkr Jiszs kx Nrpakxmrlz na-apule zyzlr, rpibzle kx, "Lam trnztekattru sc tza-lalvzope topla. X trnzawxbulzpwzu mz nabz da. A' lam nzadolzpwz wq, murde leplz namctr zyzlr mz nzdwatr-krmlr brma. ²² Mz nqmq lcpwz,

kxmule-esz' Nrpakxmrlz trkrlzkapzle leplz amrlx, a' sa naopxbz badr kalr. Murde mzli lc, sa nayrplatitr nardr x na-aelwapx-ngrbzle da kx yc-kapqbepz badr. ²³ Doa kx yrplapx, na-abzle nztwz-krde drtwr ngr natq lc.”

²⁴ Rpi-mopwz Jiszs badr kx, “Na-aoti angidr drtwrmu natq Gct kc tqxlramu murde natwz-kzamu mz nzmnc-krmu. Mz nqm qcpwz tqrka-ngrnamu, sa na-ayzlubz Gct bamu. A' nzkra-krde myaszle kxmu nzkra-krmu. ²⁵ Murde doa kx twzle natq Gct mz nzmnc-krde, sa natwz-moule nzyrplapxngr mz kzdung kz natq Gct. A' doa kx trtwzleu natq Gct mz nzmnc-krde, trnatwz-mouleu nzyrplapxngr. Kxmule-esz' nzkrlzngr kx topwzne ycbz bade, a' sa nakatpx-kzpz Gct bade.”

Nzycmne-ebzpxngr Nznginikr Gct King

²⁶ Jiszs pi-mopwzle kzdq nzycmne-ebzpxngr. Rpibzle kx, “Nzwzkr Gct mz nzvectr-krmle leplz bade mz nzngini-krde King rdr apule ncblo kx pe rtq wit mz nrlanc nyzde. ²⁷ Mz nibrde sc tqaletipele kzdung kz nzwzngr. Mwi angidr mz nrlckxbq x traotipeu drtwrde rtq wit kcng tqpetile. Nzlvcpulzmqng x nzetulzmqng, a' ncblo kc tqpe, trkrlzleu kxmu nzyrlvzlz-krmle. ²⁸ Murde drtc' esz'-krde kc tqwztr mz nzyrlvzlz-krmle x nzpa-krdr. Da ayrnrngr kx yrlqbzle nzpa-bclz-krdr, x mz nibrde nztcngzlkzkr nrpq nradr. Zbz nradr kcng tztutrpebzng. ²⁹ X mzli kc tzbrpengr nradr, kx ngi nyz nrlanc lc otile toki scde, sc tqlakitilzpempleng, murde mzli r nzkqngr nradr kaputrpem.”

Nzycmne-ebzpxngr Rtq Nc Seri

Matiu 13:31-35; Luk 13:18-19

³⁰ Zbz sc tqrpipibz Jiszs kx, “?Nzkqlukr leplz kcong namnclzbzng mz Gct kalr mz nzngini-krde King rdr apule nike? ?Nzycmne-ebzpxngr kznike takitrde nayokaetipx-ngrbole? ³¹ Apule rtq nc seri kx peti ncblo mz drtc'. Kxmule-esz' topwz zlwz, ³² a' mz nibr kzdung mzli etulzm x sc tqngipe kzdq nounc kxetu. *X utc kxkqlung nzmncng mz zmyo ngrde.*” ☆ ³³⁻³⁴ Jiszs yapwxtibzle nzycmne-ebzpxngr kxkqlu kxmule lcong mz nzalvztr-krde leplz mz nrpa ngr Gct. Alvztrle zbo ngr leplz mz nzycmne-ebzpxngr txpwz, murde da kx takitrde nzyrplatitr-krbz nardr kxpiwz nzalvztr-krde delc. A' mz nibrde, mzli kc namncpe-ngrdr esz'-krdr badr ncblo nedeng, sc tqyapwxtipebzle ng drtwr ngr nzycmne-ebzpxngr lcong badr.

Jiszs Aole Nrwx Mz Kzdq Nenq Kxetu

Matiu 8:23-27; Luk 8:22-25

³⁵ Mz zbq lcpwz mzli kc tqvzopengr nepi, Jiszs rpibzle mz ncblo nedeng kx, “Na-alilvckiopeku mz nrlar dxbu kc.” ³⁶ Zbz sc tzrlaszpelr zbo ngr leplz kcong x sc tzprtze-kzpznz mz bot kxetu kc tqwxbuope-ngrm Jiszs, x sc tzalilvcopeng. X kzdung kz leplz nzvo-nqblqopebzlr nidr mz bot kcong tzdwa-kznz mrkc. ³⁷ Zbz sc tzpwrkilvcpe-ngrdr kzdq nenq kxetu. Ebio kxnzetuting prtzm x nzvztiobznz mz nabz bot kc. X sc tzmulr naboopeng. ³⁸ A' mzli lc Jiszs sc tqmwi mz mrtwz' kxrm, glz mz pilo. Nzvzbznz bade sc

☆ **4:32** Sam 104:12; Esikel 17:23; 31:6; Daniel 4:12

tzameopelr. Nzrpibzlr kx, “Kxakrlz, okatr nigu! Nabzpeku!” ³⁹ Jiszs tulzm x lclvztxde nenq x ebio, rpibzle kx, “Esakiamu! Mnc-lrpiamu!” X mzli kcpwz nrwz kc tqvope. ✧ ⁴⁰ Zbz sc tqrpipeb-zle mz ncblo nedeng kx, “?Memule tqmwzlr-zlwz-ngrnamu? ?Trlxngitikalamu ninge?” ⁴¹ A' nzmwxlr-zlwzbeng, sc tizrpi-etrlpelr kx, “Eke! ? Ncblo kznika? Nenq x ebio nzvz-nqblqlr natqde.”

5

Jiszs Maszlrpx-ngrde Drka' Kx Xplr Mz Kzdz Ncblo

Matiu 8:28-34; Luk 8:26-39

¹ Jiszs badr ncblo nedeng nzkaputrpzng mz nrlar Dxbu Gzlili mz nrlarnrlc kc tqyengr taon kcng nzpnu-esz', mrkc tzmncngr leplz kcng trngiulr-Jiu. X kzdz taon lcdeng dekc tqngi Gergesa. *

² Mzli kcpwz Jiszs tqpoo-ngrmle mz bot, vzm bade kc ncblo kx mncpx-ngrm drka'. ³⁻⁴ Dekc tqmncpx-ngrmle mz butqbr kx nzryrtzmqpx-ngrm namz ngr leplz. Apule ncblo kxayo, xplr-esz'ngtrx x rblx nzamnc-moungr nide x nza-tolvangr. Nzwrde kqlupe kx nzpe-ngrbz mqde x nanycde mz nqvi x sen, a' zvz tqnikitileng x sa tqvz. ⁵ Zvz, ngrlx x nrlckxbq, nzvzne-krde mz butqbr x mz nra, tqkabo x tqtakrti-lzbq mz rplz.

⁶ Kx mcpxmle kc Jiszs rlr, sc tqngrlrpebz, rweobz zpr bade mz nzangio-krdele. ⁷⁻⁸ Rpibz Jiszs mz drka' kc kx, “Drka', prszpx mrlx la!” Sc tqnepe, tqrpipele kx, “Vrr! Jiszs, Mrlx Gct kc

✧ **4:39** Sam 65:7; 89:9; 107:29 * **5:1** Mz kzdung nzryrngk kcng pnz, taon lc nzrpibz Gadara o Gerasa.

tqmyalz-esz'ngr! ?Nike tqotime? Esalzngr mz drtq Gct kx bzkq ayrplapxq nrkrdrtnge!" ⁹ Jiszs veabz kx, "?Drtqm neke?" Rpibzle kx, "Drtqnge Siu Kqlu, murde kqlu-zlwzkr." ¹⁰ X sc tqyrnititr-zvzbzle mz Jiszs kx bzkq atwzlr-ngrde nidr mz nrlarnrlc kzbale.

¹¹ X mnc-aepztrpz mrkc kzdq nrtrq r poi kxetu sc tzmung mz nra. ¹² X drka' kcng nzyrnititr-mopwzlr mz Jiszs kx, "Atwzlr-ngrbz nigr mz nrtrq r poi kc, murde namncpx-alzupgr badr."

¹³ Zbz sc tqrlrpe-ngrbz Jiszs nzvz-krdr. Drka' kcng nzprsrpxlr mrlx kc x nzdwatr-alzung mz poi kcng. X nrtrq r poi kc, poi ngrde siu-li (2,000), tzngrlropeng mz nqngitrlqli, nztaong mz nabz dxbu kc, x nzboong amrlx.

¹⁴ Zbz ncblo kcng tzaclveng, nzngrlrng sc tzpinepelr nrpa ngrde mz mztea x nabz nrlanc kcng. X leplz kxnzkqlung sc tzykrpebzng mz nzmc-krdr da kc tqprt. ¹⁵ Nzvzmqng mz Jiszs x nzmpelr ncblo kc tzprszpx drka' siu kqlu, wxbulrpipe, drtwrde opxpe, x pxipe. Kx nzmc leplz kxnzkqlule, sc tzmwxlrpe-ngrdr zmatq ngr Jiszs.

¹⁶ Leplz kcng nzrmc-kaing da amrlx kcng tqprt nzpinebzlr mz kzdung kz leplz be ngr Jiszs ncd ncblo kc, x drka' x poi kcng. ¹⁷ Zbz leplz kcng nzyrnitirpzlr mz Jiszs kx navzpe.

¹⁸ Mzli kc Jiszs naprtzpe-ngrde mz bot, ncblo kc tqamrlzle vzm bade sc tqyrnititrpebzle mz Jiszs kx navzng badr.

¹⁹ A' tr-rlrtx-ngrpwzu Jiszs. Rpi-alzupwzle bade kx, "Yzlubz mz lr mrnyzm x pibz badr da kxmrlz kc tqalebz Gct bam mz nzokatr-krde nim." ²⁰ Zbz mrlx kc rkalzm x sc tqayotipele nrlarnrlc kc

mz taon kcng nzpnu-esz'. Tqyapwxtinepele da kxmrlz kcng tqalebz Jiszs bade. X leplz amrlx kcng tzxlrblzlr nzyapwx-krde nzktitxpxlr zmatq ngr Jiszs.

Inyx Kzdz Kxetu R Mangr-nzkrka'ngr X Olvz Kc Tqmaletprzle Lrpz Sc Jiszs

Matiu 9:18-26; Luk 8:40-56

²¹ Jiszs badr ncblo nedeng nzalilvckio-moulr nrlar dxbu kc x zbo ngr leplz sc tzyrlwr-ngalelvzpe-moulr nide mz nabz drta'. ²²⁻²³ Zbz kzdq ncblo drtqde Jaerzs sc tqkaputrpem. Nide kzdq kxetu r mangr-nzkrka'ngr. Rtctxo-lzbq-ngrbz mz nanyc Jiszs x sc tqyrnititrpebzle kx, "Inyxnge yagox x sc nabzpe. Vzm bagr x maletprz nrkrdrtdqde x sa namnc zpwz mou." ²⁴ Zbz Jiszs sc tzvzpeng ncd. Nzmncpxmqng mz mzlir leplz kxkqlu, kxnzrdrlvzti-lzbqng mz nzvz-krdr.

²⁵ Zbz kzdq olvz kx tresakiu nzipwx-krde temz prtr-kzpz mz zbo ngr leplz kcng. Nzipwx-alo-krde lc temz, twztipelele yiz nzpnu-esz'-nrade-li (12). ☆ ²⁶ Nzabzpebz dckta kxnzqqlung nzamrlz-krbzlr nzetqkr drtqde, x trau scdeng yrkrtepe mz nzxpeti-krde nidr x lue kxpiz kxkqlu. Tzrpilr nzamrlzngr drtqde, a' trpnzngr. X sc tqetunepx zlwz. ²⁷⁻²⁸ Olvz lc xlrle nrpa ngr nzamrlzkr Jiszs kxnzyagoxng. Sc tqrpipe drtwrde kx, "Nzmu namaletxtrpo ye lrpzde, drtqnge kc tqmrlzpe." Sc tqrbinginetrpbez mz zbo ngr leplz kcng mz nibr Jiszs, x sc tqmaletrpbezle lrpzde. ²⁹ X mzli kcpwz mepyr ngr drtqde sc tqmingrtrpe

☆ 5:25 Livae 15:19-30

x tqxngipebzele kx drtqde mrlzpe. ³⁰ X sc tqxngipe-kzpz Jiszs kx zmatq vzpxpem kcng mz drtqde x amrlzpele kzdq leplz. Lxlvrkimle mq x mzte kc tqvecpe mz nabz zbo ngr leplz kcng x sc tqveapebz kx, “?Neke tqmaletpzele lrpznge?”

³¹ Ncblo nedeng nzayzlu-ngrbzlr natqde kx, “Rlr! ?Trmcwq zbo ngr leplz kang tqmncpx-ngrme? ? Memule tqveati-ngrn kx maletpzele nim?” ³² A' Jiszs mzte sc tqvec zvz, murde namc-zpwxle leplz kc tqbxtrpzele lrpzde. ³³ Olvz kc kx krlztrpele mz drtqde nzmrlzpe-krde, sc tqrnrcnexpzebz mz zmwxlz. Kxmule-esz' mwxlz a' atuobz zpr mz Jiszs mz nzangio-krdele, x sc tqpipebzele da angidr kc tqveatile. ³⁴ Rpibz Jiszs kx, “Inyxnge. Nzlxngiti-krm ninge amrlzpele nim. Vzpe x bzkq da kx pnzpe drtwrm, nzmrlz-alo-krm lape.” †

³⁵ Mzli kc tqycmne-ngrbe Jiszs, kzdung ncblo kxnzatwzlr-ngrmqng mz ma nyz Jaerzs sc tzka-putrpemqng. Nzrpibzlr mz Jaerzs kx, “Kxetu, inyxm bzpe. Bzkq akxputipeq kxakrlz la.” ³⁶ A' rpibz Jiszs bade kx, “Kxmule-esz', bzkq drtwrm talvzo, a' lxngiti ninge.” ³⁷ X trpnzngr mou leplz kx rlr-ngrbzle nzvz-krdr badr, a' ngi txpwz Pita, Jemes, x mzlede Jon. ³⁸ Kx nzklzlbzlr kc ma nyz Jaerzs, sc tzxlrpelr nzyrni-katokr leplz kcng amrlx mrkc. ³⁹ Nzdwatrpzng x sc tqrpipebzele kx, “Bzkq yrni-katopeamu. Doa lc trbz, a' mwine

† **5:34** Mwxlrnti-lzbq zlwz mz nike na-alebz Jiszs badr zbo ngr leplz kcng bade. Murde nzyagox-krde batrpe-kzpzle trnz-takitr-krdeu nide mz nzprtrngr mz nzangiongr, x batr-kzpzle doa kcng nabxtrpzlr nide, trnztakitr-kz-krdr mz nzprtrngr mz nzangiongr mz nzvz-nqblq-krde Lou sc Mosis. Mc Livae 15:19-30.

ye!” ⁴⁰ A' nzyrpalelvzlr nide. Mz nzmu-krde lcde, avztxpxleng yz amrlx ngrdr. X sc tzvztrpeng badr trte x lxe doa kc mrkc tqyrbqngr nide.

⁴¹ Zbz malebzle mqde, sc tqrpipebzle kx, “Tzlitz, kouw!” drtwr ngrde “Doa olvz lc, tulzm!”

⁴² X mzli kcpwz doa olvz kc tulzm x sc tqvznepe. Kx nzmc lxede x trtede da lc nzkc-titxpxlr. (Yiz ngr doa olvz lc nzpnu-esz'-nrade-li.)

⁴³ A' rngidrtxtr-ngrbz Jiszs badr kx bzkq nzlenedr nrpa ngr da kc. X rpi-kzpzle kx, “Kabzmu du dakxnzng namu doa la.”

6

Jiszs Nzpxpxngr Lr Mztea Nyzde Naszret Matiu 13:53-58; Luk 4:16-30

¹ Jiszs rkalzm mrkc, sc tzvzpeng badr ncblo nedeng mz mztea nyzde Naszret. ² Kx krlzbzle kc Sabat, Jiszs sc tqvztrpe mz mangr-nzkrka'ngr nyzdr, mz nzalvztr-krde leplz nzkqlung kx nzlalztqng. X nzkctipxlr nzalvztr-krdeng. Zbz drtwrdr lctrpz bade murde mz nzobq-krdr nide ncblo txne a' alvztrle nidr apule kxrngisc zmatq. Sc tzveatipe-moulr nide mz nzrpi-etr-krdr kx, “? Myx me twzkimle nzalvztrngr lc? ?Nzyrplapxkr nar kznika tqycbz bade? ?Myx kxmu nzale-krde rkx kcng tqxlrkung? ³ ?Trnipleu mrlx ncblo kc tqrlrmzti da kx wz-ngrdeng, mrlx Mxri? ?X trngiu mzledeng Jemes, Joses, Jud, x Saemon? ?X trngiu inwedeng lcng tqmncku badr mrka? Mrlx lc trngiu ncblo kxmatq.” Zbz sc tzpxpxpe-ngdrdr nide x nzalvztr-krdeng, x trnzlxngiti-kzlru nide.

⁴ Zbz sc tqrpipebz Jiszs badr kx, “Kxmule-esz' lr

mzteá amrlx nzamatqlr profet, a' lr mzteá nyzde, x kxnginideng, x lr ma nyzdeng trnzamrluelru nide.” ☆ ⁵ X mz trnzlxngiti-krdr lc nide, rblxbz bade nzale-krde da kxmatq mrlcde, a' ngi txpwz nzbxtrkr mqde kxnzyagoxng kxnzpipzneng x nzmrlzng. ⁶ Jiszs kctitxpx-zlwzle trnzlxngiti-krdr nide.

Jiszs Atwzlrpx-ngrde Aposol Nedeng Mz Nzlep-x-krdr Nrpakxmrlz

Matiu 10:5-15; Luk 9:1-6

Mz nibrde Jiszs sc tqvzpe mz kzdung kz mzteá mrlcde mz nzalvztr-krde. ⁷ Zbz sc tqkqlepele ncblo nedeng kcng nzpnu-esz'-nrade-li (12). Mz nzmnc-lz-krbzlr bade, sc tqrkapebz badr zmatq ngr nzmazlrpx-krdr drka'. Mrlz, sc tqatwzlrpxpe-ngrdeng nzli-lxblrng mz mzteá kxesz'. ⁸ Rpibzle badr bzkq da kx natwzlr, da kx apule dakxnzng, bxli, x trau. A' nangi txpwz nctoko scdr, ⁹ x sadol ngr nanycdr. A' bzkq nzrtwzng lrpz krli. ¹⁰ X rpi-kzpze badr kx, “Mzteá kznike nzabrtzlvzlr nzmnc-krmu badr, ma kznike nzrlr-ngrbz namnc-ngrnamu, mn-camu ma lcde esz', navz mzli kx rlasz-ngrnamu mzteá lcde.” *

¹¹ Nzmu lr mzteá kx trnzamnc-zpwxlr nimu x trnzalaltq-kzpwzung bamu, rlaszamu mzteá la. X rtc-ngrbzm rplz nakrlz-ngrdrle kx nqm q krdr

☆ **6:4** Jon 4:44 * **6:10** Mz ngalrde 10, rpibz Jiszs badr kx bzkq nzaykrpxlr ma ngr mzteá mz nzmwi-krdr, da kc tzwai ncblo kxnzrlxng da. A' namwi-ngrdr ma naesz'txu, murde namatq x namrlue angidr mz drtwr lr mzteá nidr. X sa narkabzng badr dakxnzng, lrpz, x trau kx navzpxm mz nzwztr-krbzlr badr.

trka mz nzapu-krdr kxnmnc-mrbrng, x sa na-ayrplapx Gct nidr.

¹² Zbz ncblo neng Jiszs sc tzvzpeng mz mztea kxkqlu, mz nzpine-krbzlr mz leplz nztekqtr-krdr nqmq nr drtwrdr mz alwx ngrdrng. ¹³ X nzrmas-zlrpxng drka' kxznkqlu mz leplz, x nzamrlz-kzng kxnzyagoxng mz nzaelu-krdr nidr mz tolo.

Nzrnibqngr Jon Kxawrkxtr

Matiu 14:1-12; Luk 9:7-9

¹⁴ Mz mzli lcng, nrpa ngr Jiszs x da kx aletileng xlrta kz King Herot Antipas, kc tqaclvele Provins kc Gzlili, murde leplz ngr mrkang kqlu sc tzymneter-ngrdr Jiszs. Kzdung nidr nzrpilr kx, “Mwx ncblo lc, Jon Kxawrkxtr elc, tulzpe-mop mz nzbzng. Dekc tqale-ngrde rkx kcng tqmatq-esz'ngr.” ¹⁵ Mz drtwr kzdung leplz Jiszs nide Profet Elaeja kc tqaleti rkx kxkqlu mzli kc bqnc. X kzdung leplz nzrpilr kx nide profet kxmna kx apule profet kcng bqnc tznngiscng zmatq. ¹⁶ Kx xlr kz Herot nrpa ngr Jiszs, sc tqrpipeline kx, “Jon Kxawrkxtr kc tqpiibo mz ncblo ngr vea nengeng nalakipx-krbzlr narde, lupe mou.”

¹⁷⁻²⁰ Nzbzkr Jon kxmule sele. Herot twzle olvz r mzlede Filip. X Filip lc sc tqlobe kx tqyrlzti Herot kc olvz rde. Drtq olvz lc Herodizs. A' Jon pivzbzle mz Herot kx ngi-alwxbz mz Gct nzyrlzti-krde olvz r mzlede. Natq lc ngyangr drtwr Herodizs x rpile nanibq-ngrde Jon. Zbz Herot atwzlr-ngrde ncblo ngr vea nedeng, nzlolvzlr Jon x na-adwatrlr mz presin. A' rblx nznibqkr Herodizs le, murde Herot mrlue mz drtwrde Jon

x krlzle kx nide ncblo kxmrlz x tr, dekc tqamnc-zpwx-ngrdele. Suti drtwrde nzvz-krbz Jon bade mz nzlalztq-krbzle mz nzryapwx-krde, kxmule-esz' narde tryrplatrpwzu mz natqdeng amrlx.

²¹ A' kzdq zbq mrkc tqpnz drtwr Herodizs mz nznibq-krde Jon sc natutrpe. Mz zbq kc tqkaputr-ngrm nzmrcngr mz Herot, alebzle kc nzmungr badr ncblo kxnzmatq nedeng x kxnzetung mz provins nyzde. ²²⁻²³ Mzli lc tzyrlwr-ngldr, nzabrt-zlvzlr inyx Herodizs mz nzela-krbzle badr mz nzelangr kx batrpzle ncblo nzrkcmnzng nide. Sc tqrpipebz King Herot mz doa olvz kc kx, “Nike suti drtwrm, rlxtim bange mzli ka, x sa nakabo bam. Nike narlxtime bange esalz-ngrne kx sa nakabo bam, kxmule-esz' kzdq nctq drtc' ka tqaclvex o dztungeng kxkqlu!” ²⁴ Zbz doa olvz kc sc tqvzpebz mz lxede, rpibzle kx, “?Nike narlxtibo mz King?” Rpibz lxede kx, “Rlxtibz nar Jon Kxawrkxtr.” ²⁵ Doa olvz kc ngrlrbz mz King, rpibzle kx, “Suti drtwrnge nalakipxbzme nar Jon Kxawrkxtr x katim dis bange mzli ka, mz nzkrlez-krnge kx bz-angidrpe.”

²⁶ King Herot trsutiu drtwrde nznibq-krde Jon. Drtwrde vztz, a' ycakalqpe. Murde esalz lukurnngr nzm trnakapwzleu nike suti drtwr doa olvz kc, ngi da kx myangr drtqde mz mzli kxnzetu kcng. ²⁷ X sc tqatwzlrpe-ngrde kc ncblo ngr vea mz presin kx nalakipxbzle nar Jon. Ncblo ngr vea lc vz mz presin, sc tqlakipxpebzle narde. ²⁸ Zbz sc tqtwztipemle dis, tqkapebzle mz doa olvz kc. X tqtwzpebzle mz lxede. ²⁹ Kx nzxlr oblamzng Jon nznibqngr nide, sc tzotipelr

namz ngrde tzyrtzmqpelr mz gq kx nzwztrngr
mz butqbr mz nra.

Jiszs Apuleng Ncblo Siu-nzlvqn (5,000)

Matiu 14:13-21; Luk 9:10-17; Jon 6:1-14

³⁰ Ncblo neng Jiszs nyzylumqng bade mz
nibr nzwz-krdr mz nzalvz-krdr x nzamrlzti-krdr
kxnzyagoxng, x sc tzpipebzlr bade da amrlx kcng
tzalelrng x tzalvztr-ngrdrng. ³¹ Zbz sc tqrpipebz
Jiszs badr kx, “Narlasztx-kaiku ena zbo ngr leplz
kang, navzku me yc-nrwxngr x na-amatxku.”
Pibzle da lc murde trtxpengr scdr mzli kx namu-
ngrdr x na-amatlr. A' leplz kxnzkqlung sc
nzyrkrmqng mz Jiszs, tzvzmqng kcng x tzyzlung
kcng. ³² Zbz sc tzprtzipeng mz bot x tzalilvcopeng
mz kzdq nrlc kx trngiu mztea murde namncng
elr.

³³ A' leplz nzkqlung nzmclr nzrkalz-krmlr x
nzglxlr nidr. Zbz leplz lcng, nidr badr leplz ngr
mztea kxkqlu ngr nrlarnrlc lcde, sc tzvzkipebzlr
mepz, x nzmnc-kaing mrkc na-alilvckitr. ³⁴ Zbz
mzli kc Jiszs tqvztrpe-ngrbzle mepz, sc tqmcpele
zbo ngr leplz kcng tzyrlwrng tzaenzlilr nide.
X sc tqyctx-zlwzpengr drtwrde nidr. Murde
rblx nzokatr-lzbq-krdr mz nzkrlyz-krbzlr Gct, a'
nzapulr sip kcng trpnzngr kxacivele nidr. Mz
nzmule-krde lcde, kxmule-esz' Jiszs badr ncblo
nedeng nzrpilr na-amang, a' alvztr-ngrde leplz
lcng da kqlu. ☆

³⁵ A' mzli kcpe mz milzpq ncblo nedeng sc
tzrpipebzlr bade kx, “Nrlc ycpe pipz nzbq-krde,
a' trpnzngr me narmctingr leplz lcng dakxnzng.

☆ **6:34** *Matiu 9:36; Jon 4:34-38*

³⁶ Atwzlrpengr nidr mz mztea x mz nrlanc kcng tzyctineng mrlang, murde naxpeng nadr dakxnzng.” ³⁷ A' ayzlu-ngrbz Jiszs natqdr kx, “Nimu kx narkabz nadr dakxnzng.” Nzrpibzlr bade kx, “Rblx nzvz-krgr nzxpe-krgr dakxnzng kx natakitrde leplz lcng murde trau kqlu ela naxpengr.” ³⁸ Rpibz Jiszs badr kx, “Vzamu x mcamu kx yrlqamu dakxnzng tqivr.” Nzmctxdr x sc tzpipebzlz bade kx, “Yctxpqng bagr bret nzlvqn x nc kxsupe li.”

³⁹⁻⁴⁰ Zbz Jiszs sc tqrpipebzle badr kx na-awxbuong leplz mz nabr mz dzbedeng kx krlzbzle trtqki-esz' (100) x nzpnu-nzlvqn (50). ⁴¹ Mz nibr nzwxbuo-krdr, Jiszs kalzmle bret kcng nzlvqn x nc kcng li, x obqlz mz bongavz mz nzkrka'ngr, x sc tqawipebz mz Gct. Zbz lopxitile bret, x sc tqkapebzle mz ncblo nedeng, tzakipebzlz mz leplz kcng. Zbz aki-kzpzle nc kcng li mz leplz amrlx. ⁴² X nzmung x nelzdr krlctxtrpz. ⁴³ Mz nibr nzm-krdr, ncblo nedeng nznulvzolz topla nzpnu-esz'-nrade-li mz nctq bret x nc kcng tqyctxo. ⁴⁴ X mz nzrlwxngr ncblo txpwz krlzbzle siu-nzlvqn (5,000), a' trnzrlwxtrpwzu olvz x doa kxnztopwzng.

Jiszs Vzneom Mz Lue Ngr Dxbu Gzlili

Matiu 14:22-33; Jon 6:15-21

⁴⁵ Mzli lcde, Jiszs pibzle mz ncblo nedeng kx naprtzng mz bot x na-alilvckio-kailr mz nrlar dxbu kc tqycngr mztea Betsaeda, mzli kc tqatwzlr-ngrde leplz kcng mrnyzdr. ⁴⁶ Mz nibrde, sc tqvzdzpe mz newz mz nzkrka'ngr. ⁴⁷ Mz nina, ncblo nedeng sc tzmncrtpqng mz bot

mz zpzu r Dxbu Gzlili, x Jiszs sc tqmncbe esz'-krde mepz. ⁴⁸ Zbz kzdq nenq kxetu sc tqwqpe x sc tzavzopelr nqni ngr bot scdr, x tzyapeng. Mz nibr nzkrka'kr Jiszs, mzli kc tqkya'pengr kio, sc tqmcpxbzle nzyalvzkr ncblo nedeng nenq lc, x sc tqvzpebz badr mz lue. X mz nzvz-krbzle lc rpile namyape-ngrde nidr. ⁴⁹⁻⁵⁰ A' mzli kc tzmc-ngrbzlr nzvzne-krmle mz lue, sc tzmwxlrpeng x tzneplapeng murde nzrpilr kx nzrmcpeng drka'. A' mzli kcpwz Jiszs sc tqycmnepebz badr. Rpibzle kx, "Ninge lc ye! Bzkq mwxlramu!" ⁵¹ Zbz sc tqprtzipbz mz bot, x nenq kc tqamaope. X nzktitxpx-pnzlr nide. ⁵² Murde trnzkrlyti-angidrkalr nzrngisc-krde zmatq amrlx, kxmule-esz' nzmctipelr rkx kc tqalele mz nzapu-krde zbo ngr leplz. Nabzdr mqngibe nztwz-krdr drtwr ngr rkx lcng tqaletileng.

*Jiszs Amrlzle Kxnzyagoxng Mrkc Ganeszret
Matiu 14:34-36*

⁵³ Zbz sc tzalilvckio-moulr mz nrlar dxbu kc, sc tzkaputrpebzng mz nrlarnrlc kc tqycngr mztea Ganeszret, x sc tzadwatrpebzlr bot scdr mz nctq drta'. ⁵⁴ Mzli kc tzpoope-ngrmlr mz bot kc, leplz ngr mrkc nzglxtx-pnzlr Jiszs. ⁵⁵ X nzpine-anibzlr nrpa ngrde mz lr mztea amrlx ngr nrlarnrlc lcde. X drlvekeng vzkile, kxnzyagoxng nzglqtibzlr nqni bade. ⁵⁶ X drlvekeng vzkile, mz mztea, mz taon, o nrlanc, leplz nzrglqtimqng kztedrng kxnzyagoxng me nzyrlwrpx-lxblrng. X nzyrnititrpzlr bade kx narlr-ngrbzle mz kzt-edrng nzbxttrix-krpwzlr nctq lrpz scde. X leplz

kxnzyagoxng kcng tzbxtprzlr lrpzde nzmrlzng amrlx.

7

Nqmq Ngr Gct Myaszpxle Nqmq Kr Melrmq-gung

Matiu 15:1-9

¹⁻⁴ Nakrlzamu kx nigr lr Jiu rngiscgr kzdung nqmq kxyc pnz mzli kc bqnc. Kxnzalvztrng kxnzetung mz Lou sc Mosis nzyrlqlr nqmq lcng mz nzbatr-krbzlr mz leplz nzvz-nqblq-krdr Lou sc Mosis mz nzvz-nqblq-krdr nzalvztr-krdr. A' trpiu Lou sc Mosis kx leplz na-alelr da lcng. Murde nqmq lcng nzyrlqnetrpzlr leplz. A' Farzsi nzalvztr-ngrdr kx ncblo kx trvz-nqblqleu nqmq kr melrmqgrng, trvz-nqblq-kzleu Lou sc Gct. Kzdq nqmq kr melrmqgrng lcng rpilc kx leplz naycpq-kailr mqdr mz lue, x sc tzmuateng. Mz nqmq lcpwz, mzli kc tzyzlu-ngrmlr me nzyrlwrpx-lxblrng leplz kxkqlu, naycpq-kailr mqdr o nakipong, x sc tzmuateng. Nzalvztr-ngrdr kx navz-nqblqkr nqmq kr melrmqgrng lcng murde natubqbzkr mz nzobqkr Gct. X nzkqlung mz nigr nzvz-nqblqlr nqmq kqlutimoung mz nzrycpq-krdr da kx nzmutiong: kap, belue, baol, x tebol.

Kzdq zbq kzdung Farzsi x kxnzalvztrng mz Lou sc Mosis nzvzkimlr mrkc Jerusalem mz nzrmcti-lzbq-krdr badr Jiszs. Ncblo lcng nzkrzlzlr kx ncblo neng Jiszs trnzvz-nqblqlru nqmq kr lr Jiu mz nzrycpq-kaingr mq x ncblo kc tqmu ate. ⁵ Zbz nzveabzng bade kx, “?Memule ncblo nemqng tznzlvzo-ngrdr nqmq krgung?” ⁶ Jiszs

rpibzle badr kx, “Gct ycmnetr-ngrde leplz kx nzapulr nimu mz nzngi-batr-krbzle mz profet Asaea nzryr-krde kx, *‘Leplz lcng nzamlue-tpwzlr ninge mz naodr. A’ trnzvz-nqblqlru natqnge murde nqm q nr nabzdr yc-rlrup bange.* ⁷ *Nzangio-krdr ninge mane mz drtwrnge, murde nzrpilr da kcng tzalvztr-ngrdr leplz nzvzpxmqng bange. A’ trtingr.’*” ☆

⁸ Rpi-mopwz Jiszs kx, “Trvz-nqblqwamuu Lou sc Gct, a’ krlang tqvz-nqblqamu nqm q kx nzyrlq leplz. ⁹ Krlztx-angidramu nzrkatzpxngr lou angidr sc Gct, murde navz-nqblqpwxmu nqm q krmu. ¹⁰ Kzdq me aleki-kzamule nide sele: Gct rpile mz Lou kc tqkabzle mz Mosis kx, *‘Amrlue zvz trtem x lxem.’* ☆ x *‘Doa kx tramrlueleu trtede x lxede, a’ pibqtile nidr; takitxtrpwzle nznribqngr.’* ☆ ¹¹⁻¹² A’ rpi-alzu-ngrnamu kx takitrde doa trnzamlue-krdeu trtede x lxede mz nzrlr-krbzle trau scde badr mz nzokatr-krde nidr, nzm dzu r da kx naokatrle nidr yrlqpx-bekapele kx nangi blz kxtr sc Gct. ¹³ A’ mz nzale-krmu da lc yrlqtxpxamu Lou sc Gct, murde navz-nqblqamu nzalvztr-krmu nqm q krmu. X vz zvz nzale-krmu da kxkqluting kx nzbatrpzlr mz leplz nzvz-nqblq-krdr nqm q kr melrmqmgung x nzrpwa'-ngrbzlr badr nzvz-nqblq-krdr natq Gct.” *

☆ **7:7** Asaea 29:13 ☆ **7:10** Nzrlaszng 20:12; Lou Kcpwz 5:16 ☆ **7:10** Nzrlaszng 21:17; Livae 20:9 * **7:13** 7:11-12 Blz kx myapxbz mz nzobqkr Gct ngi nzvz-nqblq-kaingr natqde, x nzrka-ngrbz blz bade kc ate. [Sam 4:5; 34:10-14; 50:15; 51:16-17; 73:24; 81:83; Hosia 6:6; Mak 12:33]

Leplz Kcng Trnztakitrdru Nzprtrngr Mz Nzangiong

Matiu 15:10-20

¹⁴ Zbz Jiszs kqle-moule zbo ngr leplz kcng, sc tqrppebzle kx, “Lalztq-angidrmamu bange x yr-lqamu da kc napibo bamu. ¹⁵ Da kcng tzyrlqtr mz nrkrdrdq leplz trnzbatrwpwzlr trnztakitr-krdr nidr mz nzprtrngr mz nzangiong. Trtingr. A' ngi da kcng tzvzpxmqng mz leplz kx nzbatrpzlr trnztakitr-krdr nidr. ¹⁶ Doa kx yrplapx, nabzle nztwz-krde drtwr ngr natq lc.”

¹⁷ Zbz Jiszs badr ncblo nedeng sc tzrlaszpelr zbo ngr leplz kcng x tzdwatrppe-ngdrdr kc ma. X sc tzveatipebzlr bade nike drtwr ngr nzalvztr-krde lc. ¹⁸ Sc tqrppebz Jiszs kx, “Rlr! ?Narmu tryrplatrkapz mz natq lc? Trngiu dakxnzng x mq kx trnzycpqu kx nzbatrpzlr trnztakitr-krdr leplz mz nzprtrngr mz nzangiong. ¹⁹ Murde vztr mz lzng kr leplz, x mz nibrde sc tqvzpxpe-mop mz nrkrdrdq.” Natq Jiszs lc drtwr ngrde kx takitrde nzmungr dakxnzng amrlx. ²⁰ X sc tqrppe-mopwzle kx, “A' da kx nzvzdmqng mz nabz leplz, nidr lang tzbatrwpzlr trnztakitr-krdr nidr mz nzprtrngr mz nzangiong. ²¹⁻²² Murde drtwr kxtrka lcng nzvzdmqng mz nabz leplz. X nzmailzlr nidr mz nzale-krdr alwx lcde seleng: nzkcmnzng, nzdobung, nzglqpx-lzbqng, nzngqngung, nzesabrtingr, nzrpibqtingr leplz, nzpnangr da, nzrnibqng, drtwr kxmwa, nzrmwimingr leplz kx trngiu krnalzdr, nzamqmiti-rbrngr mz nrkrdrdq, x kzdung kz da kxtrka. ²³ Da kxdrka'ngr lcng amrlx nzvzdmqng

mz nabz leplz x alwx lcng nzbatrpzlr trnztakitr-krdru leplz x trnztubq-krdru mz nzobqkr Gct.”

*Olvz KxtrngiulrJiu A' Nzrlxngiti-krde Etu
Matiu 15:21-28*

²⁴ Zbz Jiszs badr ncblo nedeng nzrlaszlr Gzlili Provins, x sc tzvzkipelr mz nrlarnrlc kc Fon-isiz mrkc Siriz Provins, mz taon kc etu Taea. Provins lc nyz leplz kxtrngiulrJiu. Mz drtwr Jiszs namnc-nrwxngr mrlc murde trpnzngr kx naglxle nide. A' nrpa ngr nzkaputr-krbzle ani txpwz nztalvzpx-krde mrkc. ²⁵⁻²⁶ Kzdz olvz lr Taea, kx xlrle kc nrpa, sc tqvzpem bade, murde inyxde kx-topwz mncpx-ngrm drka' kxtrka. Olvz lc trngiulrJiu, sc tqyrngzopebz bade mz nzyrnitr-krbzle nzmaszlrpx-krbzle drka' kc mz inyxde. ²⁷ Jiszs ycmnebz bade mz kzdq nzymne-ebzpxngr kx, “Doa kxnztopwzng namu-kaing. Murde trmrlzu nzoti-krbzme dakxnzng nandr x kabzme mz kuli.” ²⁸ Rpibz olvz kc kx, “Kxetu, kxmule-esz', a' nzrlr-ngrbz mz kuli nzngq-krdr dakxnzng kc tqtao mz nabz tebol.” ²⁹ Jiszs rpibzle bade kx, “Nzayzlu-krme natqnge mrlzvxitx! Vzpe ma nyzm murde drka' kc rlaszpele inyxm.” ³⁰ X mzli kc tqkrlz-ngrbzle ma nyzde, sc tqmcpele inyxde nzaonepxpe-krde drtqde mz bet nyzde. Drka' kc

rlaszpele nide. †

Jiszs Amrlzle Kc Ncblo Kx Nradrtqde Ngq X Nzymne-krde Tropxu

³¹ Zbz Jiszs badr ncblo nedeng sc tzrlaszpe-moulr taon Taea. Sc tzo-ngalekipemlr nrlarnrlc nyzdr leplz kcng trngiulrJiu x nzkrzlbzlr taon Saedon, x nrlarnrlc kc mztea nzpnu, mz nyzylu-krdr Dxbu Gzlili. ³² Kzdung leplz nzvzmi-moplr kc bade kzdq ncblo kx nradrtqde ngq x nzymne-krde tropxu. Nzrlxtibzlr bade nzyrlqo-krbzle mqde mz ncblo kc murde namrlz mou. ³³ Jiszs vzmitxpxle ncblo kc rlru mrkc tzyrlwr-ngrdr zbo ngr leplz kcng. X yrlqtrpzle nratoki r mqde mz nradrtq ncblo kc, byatx x bxtr-kzpzle nalzpqde. ³⁴ X mz nzyckr drtwrde nide, krka'lz mz bongavz, x rpibzle kx, “Lvpx!” Natq lc nzrpibz lr Jiu kx, “Efata!” ³⁵ Mzli kcpwz nradrtqde kc tqxlrpe x nzymne-krde otxpx pnz kz. ³⁶ Pibz Jiszs mz leplz kcng bzkq nzpitiwnedr da lc. Kxmule-esz' rpwa'-zlwz-ngrbz Jiszs nzpine-krdrle, a' sc nzyapwxtitx-zlwzlr. ³⁷ X mzli kc tzxlrpe-ngrdr leplz nrpa, nzktipxlr x sc tzipipelr kx, “Jiszs da amrlx kx aleleng mrlzvxi esz'ngr! Amrlzpeleng leplz kcng nradrtqdr tqngq x krkcng tqrblx nzymne-krdr.”

† **7:30** Mz nzymne-ebzpxngr lc, doa kxntopwzng drtwr ngrde lr Jiu, x kuli drtwr ngrde kxtrngiulrJiu. Dakxznzng drtwr ngrde da kxnmrlzti kcng tzvzpxmqng mz Gct. Suti drtwr Gct nzamrlz-krde leplz amrlx mz nzwzkr lr Jiu, leplz nedeng kc tqmcpxleng. Delc Jiszs tqvz-kai-ngrbzle mz lr Jiu. Be lc drtwr ngrde kx trmrlzu nzamrlz-krde kxtrngiulrJiu x lr Jiu kc ate. A' natq olvz kc aelwapx-ngrbzle kx lxngiti-angidrle Jiszs, x takitrde nzokatr-krde nide.

8

*Jiszs Apuleng Ncblo Siu-pwx (4,000)**Matiu 15:32-39*

¹ Mzli trboiu mz nibr nzyzlu-krmlr Dxbu Gzlili, kzdq zbo ngr leplz kxetu nzvz-mopqng mrkc tqmncngr Jiszs. X mz nibr kzdung zbq dakxnzng nadr kc tqyrkrpe. Jiszs kc tqkglepele ncblo nedeng x tqrpipebzle badr kx, ² “Yctxpe mz drtwrnge leplz lcng. Murde nzmncnipemlr bagu mrka zbq tqpe x dakxnzng nadr yrkrtxpe. ³ Trmrlzu nzatwzlrtngr nidr mz nelzdr kxbr-tale, ma mztr tqtclvrne mz lrpzki, murde kzdung nidr nzvzkimlr rlr.” ⁴ Ncblo nedeng nzipibzlr bade kx, “Trpnzng me nzxpe-ngrgr dakxnzng kx natakitrde leplz lcng mrka.” ⁵ A' Jiszs veabz badr kx, “?Bret tqlvr kx ycbz bamu?” Nzipibzlr kx, “Rlimz.” ⁶ Zbz Jiszs rpibzle mz leplz kcng amrlx nawxbuong. Zbz otitxde dapu bret kcng rlimz, awitx-ngrbzle mz Gct, lopxititxdeng, x sc tqkatipebzle mz ncblo nedeng tzakipebzlr mz leplz kcng amrlx. ⁷ X yc-kzpz badr kcng nc kxtpowzting. Zbz awi-kz-ngrbzle nc kcng x rpibzle badr kx na-aki-kzpzlr mz zbo ngr leplz kcng. ⁸ Leplz kcng amrlx nzmung x nelzdr krlc. X nzatakqtilr mulide kcng tqyctxo x nznulvzo-ngrdrle topla kxetu rlimz. ⁹ Zbz sc tqatwzlrpengr Jiszs leplz kcng mz mztea nyzdrng mz nibr nzmupe-krdr amrlx ngrdr. Ycpwz pipz nzkrly-krbzle siu-pwx (4,000) mz ncblo txpwz kcng tzmung mz zbq lcma. ¹⁰ Mzli lcde, sc tzpztzpeng

mz bot badr ncblo nedeng x sc tzalilvckiopelr mz nrlarde kc Dalmanuta. *

Nzrkrlzngr Rkx Ngr Nzwzkr Gct

Matiu 16:1-12; Luk 12:54-56

¹¹ Zbz kzdung Farzsi nzvzmqng x sc tzalwzpeng badr Jiszs. Nzrlxtibzlr bade nzalekrde kzdq da kxmatq mz nzaelwapx-krde kx vzpx-angidrm mz Gct. ¹² A' Jiszs nabzde talvzotx murde nzpxtpx-ngrdr nike aelwapxpe-ngrbz Gct badr. X rpibzle badr kx, “Trpengr nzaelwapx-krbo rkx kc tqrlxtiamu.”

¹³ Zbz Jiszs badr ncblo nedeng sc tzalilvckiopelr mztea Betsaeda. ¹⁴⁻¹⁶ Mz nzalilvcobe-krdr dxbu, Jiszs rpibzle badr kx, “Rngidrtioamu yisti sc Farzsi x King Herot.” Zbz sc tzycmnetrpe-ngrdr, x mz nzxlr-krdr kc yisti, mz drtwrdr Jiszs kc tqycmne-ngrbzle lc murde trnztwzne-krdru bret, x bret esz'txu kx ycnebz badr mz bot. ¹⁷ Kx xlrbz Jiszs nike tzycmnetr-ngrdr, sc tqrpipebzle badr kx, “?Nike tqyc-zlwzngr mz drtwrmu trnztwzne-krmuu bret? ?Myx kxmule, trkrlzkalamu? ?Drtqmu sa nzrtwzngr nikeng aelwapx-ngrbz Gct bamu? ¹⁸ Opxm kx trpnzngr mzpū x trpnzngr nradrtqmu. Murde mrbrtr mz drtwrmu rkx kcng tqmctipeamu. ☆ ¹⁹ ? Mzli kc tqlopixiti-ngrne bret kcng nzlvqn, tqapū-ngrne ncblo kcng siu-nzlvqn (5,000), topla tqlvr kx nulvzoamu muli dakxnzng kcng tqyctxo?”

* **8:10** Trpnzngr kx rkrlz me ycng mrkc tzrpibz Dalmanuta, murde Mak esz'-krde kx yrle drtq mrlc. A' mc kz Matiu 15:39.

☆ **8:18** Jeremaea 5:21; Esikel 12:2

Nzrpibzlr kx, “Nzpnue-sz'-nrade-li (12).” ²⁰ Rpi-mopwz Jiszs kx, “Dela. ?X mzli kc tqlopixiti-ngrne bret kcng rlimz tqapu-ngrne ncblo kcng siu-pwx (4,000), topa tqlv r kx nulvzoamu muli dakxnzng kcng tqyctxo?” Nzrpibzlr kx, “Topla rlimz.” ²¹ Jiszs rveabz badr kx, “?Myx kxmule, mz drtwrmu alvztr-ngrne nimu bret o nzalvztr-rbrkr Farzsi?” †

Jiszs Amrlzle Ncblo Kx Mzte Kcba

²² Mzli kc tzkrlzpe-ngrbzlr mztea Betsaeda, kzdung leplz nzvzmimlr kc ncblo kx mzte kcba mz Jiszs x nzyrnititrpzlr bade nzmaetr-krbzle drtqde. ²³ Jiszs malebzle mqde, vzmitxpxle rlrz mz mztea kc. Zbz byatrpz mz mzte x yrlqtr-kzpzle mqde mz mzte. Jiszs rveabz bade kx, “?Myx kxmule, rmcpeq da?” ²⁴ Mrlx kc obqlvxtxde nrlc x sc tqrpipele kx, “Eu, mcpex leplz, a' tropx-angidrka nzmc-krnge nidr. Nzapunebelr nounc kxnzvneng.” ²⁵ Zbz Jiszs yrlqtr-mopwzle mqde mz mzte. X mzli lc mzte kc tqopx ate x tqrmc-angidrpe. ²⁶ Jiszs rpibzle bade kx, “Vzpe, a' mz nzvz-krm bzkq tavaunetrq mz mztea mz nzvz-

† **8:21** Jiszs rpile na-alvztr-ngrde nidr kx yisti kxpi pz krlzle nzaetunepxngr dapu bret nzqqlu-krdr, mz nqm q lcpwz nza-lvztr-rbrngr kxpi pz nzkrzlr nzatrka-atwrnr-krdr nzmncngr. A' Jiszs nzmu tr-rlxpwzu bret badr, murde krlzle nizrka-krbzle bret mz leplz kxnzqlung.

krm ma nyzm.” †

Pita Glxle Kx Jiszs Nide KxnzmcpX

Matiu 16:13-20; Luk 9:18-21

²⁷ Jiszs badr ncblo nedeng nzrlaszlr Gzlili Provins x sc tzvzdzpeng x nzvztrng mz nrlarnrlc kc tqycngr mztea Sisaria Filipae. Mzli kc tzvzne-ngrbzlr mz lrpzki, Jiszs rveabz badr kx, “?Myx kxmu nzglxkr leplz ninge?” §

²⁸ Nzrpibzlr kx, “Kzdung leplz nzrpilr kx nim Jon Kxawrkxtr yzlupe-mop mz nzbz-krde. X kzdung nzrpilr kx nim profet Elaeja yzluope-mop Heven. X kzdu-kzng leplz nzrpilr kx nim dq profet kxmyalz kc bqnc.” ☆ ²⁹ Zbz rpibzle badr kx, “?A' nimu, myx kxmu nzglx-krnamu ninge?” Rpibz Pita kx, “Nim KxnzmcpX!” ³⁰ A' Jiszs rngidrlvz-ngrbzle badr kx trkrlzkapzle mzli r nzyapwxtine-krbzlr mz leplz nzngini-krde KxnzmcpX ne Gct.

Jiszs Ycmnetr-ngrde Nzbz-krde X Kxnamu Nzrvz-nqblqngr Nide

Matiu 16:21-28; Luk 9:22-27

³¹ Zbz Jiszs alvztr-ngrde nidr da kx naprtzbz bade mz nzngini-krde Mrlx Leplz. Rpile kx

† **8:26** Lr Jiu nznzkr drtwrdr le nqbya ngr nao ngi kzdq luexpiz mz nqmq krdr. Krlc ngi kzdq mzli kx nzyrtxopwz mz Nzryrngrkxtr mzli kx Jiszs trangida-ngrdeu nzamrlz-krde leplz mzli kc ayrrngr tqale-ngrdele. A' mwX kx prtZ-kpz kzdung kz mzli. X mzli kx krka'-ngrgu leplz mz nzmrlz-krdr, bzkq aoti tpxwz drtwrgu nzmrlz-krdr mzli lapwz. A' navz zvz nzkrka'-krgu nidr nakrlz-zpwbzle mzli kx namrlz-ngrdr. § **8:27** Mz nzmncr Jiszs mz nrlc nzkrz-krde nikeng tzaoti drtwrdr leplz, vzpxm mz Mqngrkxtr. A' trkrizleu da amrlx. ☆ **8:28** 2 King 2:1-12; Malakai 4:5; Matiu 14:1-2; Luk 9:7-8; Nzaelwaxngr 11:3-6

drtqde sa na-aetqbz mz da kxkqluting. X kxnze-
tung r lr Jiu sa napxtxpx-ngrdr nide, krlcng
lrtlzlvz ngrdr, kxnzetu rdr pris, x kxnzalvztrng
mz Lou sc Mosis. X sa nanibqlr nide. A' mz
zbq kratq mz nibr nzbz-krde, sc tqlupe mou.

³² Nzpi-krbzle badr da lc opx angidr. A' katxpxm
Pita mz kztedeng x vzmitxpxle rlrur kxpipz. X
rpibzle bade kx, “Bzkq kxmu nzymne-krm lc.”

³³ A' Jiszs lxlvrzbz x obqtxbz mz ncblo nedeng,
sc tqpnanatipele Pita. Rpibzle kx, “Esopx Pita!
Bzkq apume bange Setzn. Murde nzkrlz-krm
vz-nqblqle drtwr leplz, a' trngiu me pnz drtwr
Gct.”

³⁴ Zbz Jiszs kqlele ncblo nedeng badr leplz kcng
amrlx, x rpibzle badr kx, “Doa kx navz-nqblq-
angidrle ninge, narlrpx-lzbq mz nzaetq-ngrbz
drtqde. X naesablqtile me pnz drtwrde esz'-krde,
x bzkq axtxbzle nzo-zli-krde lrpzki rnge. ☆ *

³⁵ Murde doa kx otr-zvzng drtwrde nzlu-krde, sa
namale-lvile nzlungr kxboi. A' doa kx yrlqtxole
nzlu-krde murde lxngitile ninge x Nrpakxmrlz,

sa naprtr mz nzlungr kxboi. ³⁶ Mane nzngin-
ingr bcnyr mz nrlc ka x amrbtrtrle nzlu-krde
mz nrlc kc navzm. ³⁷ Murde trpnzng da
mz nrlc ka kx takitrde nzxpepx-krde nzlungr
kxboi. ☆

³⁸ Leplz ngr nrlc ka nidr kxdrka'-
ngrng kcng trnzangiolru Gct. Krcng tzipxpx-

☆ **8:34** Luk 14:27 * **8:34** 8:33 Kxmule-esz' Pita pipx-kaile kx
Jiszs nide Kxnzmcp, a' trkrlz-atwrn-ngrdeu nke drtwr ngrde.
Mz nzmu-krde lc, na-aclvetio-kzku kxmu nzyokaetipx-krgr natq
Gct x da kx aelwapx-ngrmle bagu. 8:34 Jiszs pi-angidrle kx,
“Naglqle kros ngrde.” Kros drtwr ngrde nzaetqtingr drtq mz
nzbzngr. ☆ **8:37** Sam 49:7-9

ngrdr ninge x natqngeng mz nzngini-krnge Mrlx Leplz, sa napxtxpx-kz-ngrne nidr mzli kc nayzlu-ngr-mopwc' mz nzvzmi-krmc enjrl kxnztrng mz zmatq ngr Trtenge.”

9

¹ Zbz rpibz Jiszs badr kx, “A' da angidrtx lc napibo bamu. Kzdung nimu sa nalubeng mzli kc Gct na-aelwapx-ngrde zmatq ngrde mz nzvectr-krmle leplz mz nzmnc-lz-krbzlr bade mz nzngini-krde King rdr.” *

Nrkrdrdq Jiszs Tekqtr-lzbq

Matiu 17:1-13; Luk 9:28-36

²⁻³ Mz nibr zbq kcng esz'mz, Jiszs vzmile Pita, Jemes x Jon, x sc tzvzdzpeng mz kzdq newz kxetu mz nzmnc-krdr esz'-krdr. Mzli lcpwz, ncblo lcng nztqng nzobqzbng nrkrdrdq Jiszs tekqtr-lzbqpe mz zluli x lrpz scde prkitxpxpe x aglqpz'pe, myaszpxle lrpz kxprki mz nrlc tulvzo.

⁴ Zbz nzmclr Mosis nidr mz Elaeja, profet kcng bqnc, nzymne-krdr badr Jiszs. ⁵⁻⁶ Mz nibrde sc tqrppebz Pita mz Jiszs kx, “Kxakrlz, mrlztx angidr nzmnc-krgru mrka. Mwx nawztibzkr du matelq natq, nangi nyzm dq, nangi nyz dq Mosis x nangi nyz dq Elaeja.” A' krlc tqycmne-ngrbz Pita lc, murde nidr badr kztedeng nzmwxlr-zlwzng x trkrlzleu da kx napile. ⁷ Zbz kzdq dcbz

* **9:1** Kxnzetung mz Nzryngrkxtr, nzrpilr kx natq lc ngidatipe mz kzdq mzli lcng tq: mz mzli r nztekqtr-lzbqkr nrkrdrdq Jiszs, mz mzli r nztulz-krmle mz nzbzng; o mz mzli r nzvzo-krm Mqngrkxtr mz nibr nzvzdzkr Jiszs Heven. Murde mz mzli lcng tq, Jiszs vectrple leplz bade mz nzlzngiti-krdr nide.

akqlvztxde nidr mz zmyo ngrde. X natq Gct vzxpm mz dcbz kc, rpibzle badr kx, “Krlc mrlxng Kxnmrlzti. Lalztqbmz bade.” ⁸ Mz nibr natq lc, nzobq-mopwzng, Jiszs kc tqtutxpepwz mrkc esz'-krde. †

⁹ Mzli kc tzvzneobe-ngrmlr mz newz kc, rpibz Jiszs badr kx bzkq nzpinedr nike nzmclr nakrlz-zpwxzbzle nztulz-kr-mop Mrlx Leplz mz nzbz-krde. ¹⁰ Yc-lrpi mz nabzdr esz'-krdr, a' vz zvz nzveati-etr-krdrle kx nikeng tqpnz drtwr Jiszs mz nztulz-kr-mople mz nzbzngr. ‡

¹¹ Zbz sc tzipipebzlr mz Jiszs kx, “?Nike kxn-zalvztrng mz Lou sc Mosis tzipi-ngdr kx profet Elaeja nayzluo-kaip mrka mz nrlc x Kxnmcpk kc tqvz-atem?” ☆ ¹² Jiszs ayzlu-ngrbzle natqdr kx, “Kxnzalvztrng nztubq-angidrng mz nzrpi-krdr kx Elaeja navz-kaip mz nzoliqti-krde da amrlx. A' trnzaopxpwxu badr kx Nzryrngrkxtr rpi-kzle kx Mrlx Leplz na-aetqbz drtqde x naobqszo nide x na-atrkati nide. ¹³ A' napibo bamu kx ncblo kc tqngi Elaeja vzpem. A' leplz nzatrkatikzlr nide, da kc tzwai nzatrkatikrdr Elaeja kc bqnc, mz

† **9:8** Natq Gct lc aelwapx-ngrde kx Jiszs x nzalvztr-krde myaszpxle ncblo kxnzetu lncg li, kxmule-esz' Elaeja nide profet kxmyapxbz x Mosis yrle Lou Kxtr. X aelwapx-kz-ngrde kx Jiszs nide Gct, x trngiu ncblo kxmatq txpwz. ‡ **9:10** Rblxbz badr nztwz-krdr drtwr kx Kxnmcpk ne Gct nabz. ☆ **9:11** Malakai 4:5

nzvz-nqblqngr Nzryrngrkxtr.” §

Rblxbz Mz Ncblo Neng Jiszs Nzrmaszlrpx-krdr Drka'

Matiu 17:14-21; Luk 9:37-43

¹⁴ Mzli kc Jiszs badr Pita, Jemes x Jon tzkrlzope-ngrmlr nou newz kc, sc tzmctipelr zbo ngr leplz kxetu tzyrlwr-ngalelvzlr ncblo nedeng kcng tzmnczbzng mrkc. X sc tztalwzti-lzbqng badr kxnzalvztrng mz Lou sc Mosis. ¹⁵ Mzli kc leplz kcng tzmcpengrdr Jiszs, nzktipxlr x sc tzngrlrpebzng bade x tzalalvzpelr nide. ¹⁶ Jiszs rveabz badr kx, “?Nike tqtalwzti-lzbq-ngnamu?” ¹⁷ Kzdq ncblo rpibzle kx, “Kxakrlz, vzmimc mrlxnge mrka mz nzamrlz-krbzme nide, murde drka' kc tqmncpxm bade tr-rlr-ngrpwzleu bade nzymne-krde. ¹⁸ X mzli kznikeng drka' lc dwasz-ngarde nide, sc tqprtilzpe nimz x tqrtctxope-ngarde mz drtc', vz vz nqbya ngr naode tqwxbutxtr-pebz, madqlvztxde nqngide, x sc tqlulwxkz'pe. Rlxtibo mz ncblo nemqng nzmaszlrpx-krbzlrle, a' rblxtile nidr.” ¹⁹ Jiszs rpibzle kx, “?Nike

§ **9:13** Trnzaopxpwzu mz lr Jiu kx Nzryrngrkxtr rpile kx Kxnmcpix na-aetqbz drtqde x naobqszo nide, na-atrkati nide, x nanibq nide. [Sam 22:1-18; 69:8, 11, 20-21; 118:22a; Asaea 53:1-12.] Murde nzlxngitilr natq Gct kx rpile kx Kxnmcpix nangi king kc etu na-aovxiole enqmi rdrng amrlx x na-aclve-alole leplz amrlx. A' trnzlxngitilru natq kzbleng. Jon Kxawrkxtr ngi ncblo kc tqngi Elaeja, mz nzale-krde nzwzng kcpwz, mz nznrgisc-krde zmatq kcpwz, x mz nzmnc-krde kz lzke. X da kc tqwai Kwin Jesebel rpile nanibqle Elaeja, Kwin Herodizs kxrngi-batr-kzpz nznribqngr Jon. Mz nzmukrde lc, nzmncr Elaeja ngi rxx ngr da kx naprtzbz mz Jon. [1 King 19:1-18; 21:23-24; Malakai 4:5-6; Matiu 17:11-13]

nawai-mopwc' bamu? Nzmnc-krbo bamu mzli boipe! A' trkrlzkalamu nzrlxngitingr x narmu kc tqmqngibe. Vzmimamu doa la bange.” ²⁰ Zbz sc tzvzmipebzlr bade. A' mzli kc drka' kc tqmcpe-ngrbzle Jiszs, sc tqprtilzpe nimz tqnrncpe x sc tqrtcope-ngrde mz drtc'. Sc tqtaligxpe x nqbya ngr naode kc tqwxbutrpebz.

²¹ Jiszs veabz mz trte doa kc kx, “?Myx mzli kx dwa-ngrbz zyagox lc bade?” Rpibzle kx, “Abzo pnz mzli kc tqtopwzbe-ngrde. ²² Vz zvz nzngi-batr-krbz drka' lc nztalz-krde mz nyr x nztao-krde mz nabzde kxlr, murde rpile nanibqle nide. Nayc mz drtwrm nigr x okatrp nigr, nzmu kx tqkrlzq nzale-ngrbz da bade.” ²³ Rpibz Jiszs bade kx, “?Nike tqrpi-ngrme kx nzmu krlzx? Trpnzngr da kx rblxbz mz doa kxnzlxngitilr Gct.” ²⁴ A' trte doa kc ani txpwz nzrpi-krbzle kx, “Eu, lxngiti-angidrx. A' okatr-kzp ninge mz nzngrgokr nzrlxngiti-krnge.” ²⁵ Mzli kc Jiszs tqmc-ngrde leplz kxnzkqlung tzngrlr-ngrmlr bade mz nzmckrdr nike tqalele, sc tqpnanatipele drka' kc mz nzrpi-krbzle kx, “Drka' ngr nzangqngr nradrtq x nzanabukr leplz, rngidrlvz-ngrbo bam prszpx doa la x bzkq dwatr-mopwzme bade!” ²⁶ Zbz drka' kc sc tqnepe, x sc tqrtcope-ngrde doa kc mz drtc'. Zbz sc tqprszpxpele nide. Doa kc sc tqyrbqtxpe mrkc mz drtc' trycngrlrpeu x apupele kxbzpe. Kxnzmc leplz kxnzkqlung le, sc tzipipelr kx, “Doa la bzpe.” ²⁷ A' mz nzkrizkr Jiszs kx doa kc mrlztx-angidrpe, rtrngztiobzle mqde x sc tqokatrpele nztulz-mou-krmle.

²⁸ Zbz mzli kc Jiszs badr ncblo nedeng

tzmncpxpe-ngrmlr mz kzdq ma, nzveabzng bade kx, “?Nike tqrbxti-ngrde nigr nzmazlrpxngr drka' kc?” ²⁹ Rpibz Jiszs kx, “A' drka' kxmule la nzmazlrpxpwz mz nzkrka'ngr vzmi nzaxtxngr dakxnzng.” *

*Nzwrde Krali Kx Ycmnetrngr Jiszs Nzbz-krde
Matiu 17:22-23; Luk 9:43-45*

³⁰ Jiszs badr ncblo nedeng nzrlaszlr nrlarnrlc kc tqycngr mztea Sisaria Filipae x sc tzvzk-itrpelr Gzlili Provins. Jiszs trsutiu drtwrde nzkrlytikr leplz me mnc-ngrde. ³¹ Murde rpile namnc-tpwzng esz'-krdr badr ncblo nedeng mz nzalvztr-krde nidr. Pibzle badr kx, “Ninge Mrlx Leplz sa na-aprcbz mz zmatq ngr kxnmwati drtwrdr ninge. Nanibqlr ninge, a' mz zbq kratq mz nibr nzbz-krnge, ninge kc tqtulzpe-mopwc'.” ³² A' ncblo nedeng trnzkrlylru drtwr ngr nzrpi-krde kx Kxnmcpz sa nabz. A' naodr mya nzveati-krbzlr drtwr ngrde. ✧

*Doa Kx Myalz-zlwzbz Mz Nzobqkr Gct
Matiu 18:1-5; Luk 9:46-48*

³³ Mz nibr nyzlu-kr-mop Jiszs badr ncblo nedeng mztea Kzpnizm, sc tzvztrpeng mz ma kc tzmnc-ngrdr. Zbz Jiszs rveabz badr kx, “?Nikeng tqycmnetr-ngrnamu mzli kc tqvz-ngrmgu mz lrpzki?” ³⁴ A' naodr mya nzayzlu-krbzlr natqde,

* **9:29** Mz kzdung nzryrngr kcng pnz trnzyrou natq lcng ‘vzmi nzaxtxngr dakxnzng.’ Nakrlzku kx kzdung drka' nzxplr-krdr nzmyaszpxlr kzdung kz drka'. Mzli kc drka' trprszpx-ngrdeu ncblo mz drtq Jiszs, nakrka'ku nakrlz-zpwxbzle mzli kx prszpx-ngrdele. X kzdung mzli nakrka'ku navzmi nzaxtx-ngrbz dakxnzng.

✧ **9:32** Mak 8:31-33; 9:11-12

murde tztalwzti-lzbq-ngrdr neke kx myatxpxbz mz nzobq-krde. ³⁵ X sc tqawxbupele aposol kcng, tqrpibezle badr kx, “Mrlx kx nangi doa kxmyalz, na-avzo-lzbq x nawztrpz mz kztedeng amrlx.” ³⁶ Zbz vzmibz Jiszs kc doa kxtpwz, atubzle mz mzlirdr. X lolvztrple doa kc bade x rpibzle badr kx, ³⁷ “Mrlx kx vz-nqblqle ninge mz nzabrtzlvz-krde doa kxtpwz mz drtqnge, abrtzlvz-kzle ninge. X krkc tqabrtzlvzle ninge, trabrtzlvzleu ninge esz'-krnge, a' abrtzlvz-kzle Trte kc tqatwzlr-ngrmle ninge.” ☆

Mrlx Kx Prtr Mz Nrlarde Nyz Jiszs

Luk 9:49-50

³⁸ Zbz Jon rpibzle bade kx, “Kxakrlz, mckr kc ncblo kx rmaszlrpxngr drka' mz drtqm. A' pibzkr bade kx naesakipe, murde trprtrpuu bagu.” ³⁹ A' rpibz Jiszs kx, “Bzkq rpwa'-ngrbzmle bade! Mrlx kx alele da kxmatq mz drtqnge, rblxbz bade nzpibqti-krde ninge. ⁴⁰ Murde mrlx kx tr-rpwa'-ngrmleu bagu nzale-krngu nzwz-krngu, tukile mz nrlarde nyzgu. ⁴¹ Da angidrtx lc napibo bamu. Mrlx kx rkabz mqmu lue mz nzngini-krmu doa nengeng, sa nakabz Gct bade da kxmrlz mz nzabrtzlvz-krde nide.

Bzkq Atrkatiq Nzrlxngitkr Kzdu-kzng Lepz

Matiu 5:29-30; 18:6-9; Luk 17:1-2

⁴² “Aclvetio-lzbq murde ma tqatrkatik nzrlxngitkr doa neng Gct. Murde Gct sa na-ayrplapx-zlwzle ncblo kx ataole mz alwx doa kxpobe mz nzrlxngitingr. Nzayrplapxngr nide namyaszlvzle

☆ **9:37** Matiu 10:40; Luk 10:16; Jon 12:44

mrlx kx nzpetrpx rplz kxetu mz drtwrde x nzrt-congr prla me boongr. Mwx mrlz nznribqngr nide mz nrhc ka mzli kc tratrkatika-ngrde nznrxngitkr doa ne Gct, myaszpxle nzayrplapx-alokr Gct nide mz alwx lc kalr. ⁴³⁻⁴⁸ Mz nzmukrde lcde, aclvetio-lzbq kz murde ma tqatrkatilzbq. Mz mzli r nzatalzngr dwatx ani. Mz nzatalzngr kx batrpzle nztao-zvz-krm mz alwx, katxpx-lzbqm bade. Nzvztr-krm Heaven kalr myaszpxle nzmnc-nrwx-krm mz nrhc ka. X nzaetq-krm drtqm mz nzmncngr kxtubq mz nrhc ka, myaszpx-zlwzle nzprtr-krm mz Hxl kalr, *mrkc nzayrplapxkr Gct kxnaleng alwx tresakiu apule be kc trbzu, x nzetqkr drtqdr tryrkrpxpwzu apule nyr kx ngctx alo.* ✧ ⁴⁹ Kxmule-esz', a' mz nrhc ka nzxpukrmung nzapulr nyr mz nzalqngikrdr nzrxngiti-krmu. ⁵⁰ Nzxpungr lcng mrlz. A' rblx nzlolvz-amqngi-krmu nzrxngitikrmu nzmuknapxtxpx-ngrnamu nzatubqtingr kc navzpxm mz nzxpungr lcng. Rlr-ngrbzmu nzxpungr lcng nzatubqti-krdr nimu murde namnc-zpwx-mouamu badr kztemung.” †

10

Jiszs Alvztr-ngrde Nzyrlzngr X Nzaxtxngr Kr-nalz

Matiu 19:1-12; Luk 16:18

¹ Zbz Jiszs badr ncblo nedeng nzrlaszlr mztea Kzpnizm mrkc Gzlili Provins x nzvztrng Judiz

✧ **9:43-48** Asaea 66:24 † **9:50** 9:49-50 Rblx nzpi-angidrngr drtwr ngr ngalrde lcng. Murde trnzkrizu nike drtwr Jiszs mz nzymne-ebzpxngr lc. Vz-nqblqkr drtwr kxes' mz nztekqtr-ngrdeng.

Provins mz nrlar LueJodzn kc tqprkilzm nepi. X kzdq zbo ngr leplz nzvz-mopqng bade mrlcde, x Jiszs sc tqalvztrpele nidr, da kc tqwai-zvzle.

² Kzdung Farzsi nzvzmqng mz Jiszs mz nzatalz-krdr nide mz nzale-krde kzdung da kxvz-rbr. Nzveatibzlr bade kx, “?Nzpnzkr drtwrm le, Lou sc Gct rlrpx-ngrde ncblo nzaxtx-krde olvz rde?”

³ Jiszs rvea-mopwz badr kx, “?Myx kxmule nike pi Mosis mz nzaxtxngr?” ⁴ Nzrpibzlr kx, “Mosis rlrpx-ngrde. Murde rpile kx nzmu *ncblo nayrbzle dq letz mz olvz rde, napibzle kx nzaxtx-lzbqpeng ncdr x sc tqatwzlr-ate-ngrde nide.*” ☆

⁵ Rpibz Jiszs kx, “Mosis yr-ngrde natq lc murde leplz nzdrka'-ngrng x nardr mqngi. ⁶ A' Gct aelwapx-ngrde me pnz drtwrde mzli kc tqwz-ngrde nrlc. Murde Nzryrngrkxtr rpimle bagu kx mzli lc ayrrngr, ‘Gct wz-ngrde *ncblo esz' x olvz esz' mz nzmncr-lxblr-krdr.*’ ☆ ⁷ ‘Delc mzli kc *tzetupe-ngrdr; nayrlzng. X nzamatq-lzbq-krdr namyaszpale nzamatq-krdr kxnginidrng. X ncblo namncr-amqngipebz mz olvz rde.* ⁸ Murde *doa lcng li nznginipedr nrkrdrdq x leplz kxesz'.*’ ☆ X napibo bamu kx trnzlipeung, a' nznginipedr leplz kxesz'. ⁹ Mz nzmu-krde lcde, trpnzngr leplz kx takitrde nzakipx-krde krkcng tqaxvctrpeng Gct mz nzyrlzng.”

¹⁰ Mz nibrde, mzli kc tzmncnepe-ngrdr esz'-krdr brma badr ncblo nedeng, nzveati-mopwzlr bade nike drtwr ngrde. ¹¹ Rpibzle badr kx, “Mzli kc ncblo nzaki-lzbq-ngrdr mz olvz rde x yrlzti-moule kc olvz kzble, olvz krali lc trngiu olvz rde

☆ **10:4** Lou Kcpwz 24:1-4 ☆ **10:6** Nou 1:27; 5:2 ☆ **10:8** Nou 2:24; 1 Korint 6:16; Efisz 5:31

angidr, murde mz nzobqkr Gct sa tqyrlztibele olvz rde kc ayrrnrngr. Mz nzmwimi-krde olvz krali lc, ayzprtxde nzesalz-krbzle kc mz olvz rde kc ayrrnrngr mz nzyrlzngr mz mz Gct. ¹² X kxmu-kzle lc mz olvz kx axtxde ncblo ngrde x yrlzti-moule kc ncblo kzble.”

Doa Kx Nzlxngitilr Gct Mz Nzngini-krde King Rdr

Matiu 19:13-30; Luk 18:15-30

¹³ Kzdzq zbzq kzdung leplz nzvzmimlr doa kxnz-topwzng mz Jiszs mz nzmalet-krbzle nrkrdrtdr x nzamrlz-krde nidr. A' ncblo nedeng nzlclvzlr leplz lcng. ¹⁴ A' mzli kc tqmc-ngrbz Jiszs, drtwrde ngyatx. Sc tqrpipebzle badr kx, “Bzkq rpwa'-ngrbzmu mz doa lang tztopwzng nzvz-krmlr bange. Murde leplz kxnmulr lcng nzlxlngitilr Gct mz nzngini-krde King rdr. *

¹⁵ X trpnzngr nzmnczl-krbzmu mz Gct mz nzngini-krde King rmu nzmu kx trapuwamuu doa lcng.” ¹⁶ Zbz sc tqbrlctipele doa kxnztowp wz kcng mz mqde, yrlqo-ngrbzle mqde badr, x sc tqamrlztipele nidr.

¹⁷ Zbz mzli kc Jiszs badr ncblo nedeng narkalzpe-ngrmlr, kzdq ncblo ngrlrm mz Jiszs, atuobz zpr bade, x rveabz bade, rpibzle kx, “Kxakrlz, krlzx kx nim ncblo kxmrlz. ?Nike na-alex mz nztwz-krnge nzlungr kxboi?” ¹⁸ Rpibz Jiszs bade kx, “?Memule tqrpi-ngrme bange mrlzx? Murde trpnzngr kxmrlz, a' ngi txpwz Gct esz'-krde. ¹⁹ Krlzq natq kcng tqkapx Gct.

* **10:14** Kzdung mzli takitrde nzngyatikr drtwrgu leplz kcng tzvz-rbrng mz nqmq kr Gct, x nzlclvz-krbzkuleng badr.

Krlcde seleng: ‘Amrlue zvz trtem x lxem. X bzqk kx narnibq. Bzqk kx narmwimi doa kxtrngiu krnalzde. Bzqk kx napna da. Bzqk kx narpokiati leplz. Bzqk kx naryrlqpx da kx nakabz mz leplz.’ X kzdung kz da mou kxnmulr lcng.” ☆ 20 A’ rpibz ncblo kc kx, “Kxakrlz, abzo pnz mzli kc tqngini-ngrne obla vz-nqblq-angidrx natq lcng amrlx.” 21 Jiszs obqtxbz mz ncblo kc mz nzmrlzti-krde nide. Zbz rpibzle bade kx, “Mrbrpxbep da esz’ kx na-aleq. Amwa mclrm amrlx x kabz trau rde mz leplz kx trpnzngr scdr. Nzmu na-aleq da lc, nznrgiba-krm namyalz mou mrkc Heven. Vzm x vz-nqblqm ninge.” †

22 Mzli kc ncblo kc tqxlr-ngrbzle natq Jiszs, drtqde blotx pnz x sc tqvztxpe, drtwrde vztz zlwz. Murde nznrgiba-krde etu x trsutiu drtwrde nzalvetx-krdeleng mz nzvz-nqblq-krde Jiszs.

23 Jiszs obqlvztxde nrlc, zbz rpibzle mz ncblo nedeng kx, “Rbltx-atwrnr-ngrbz mz leplz kx nznrgiscng nzmncz-krbzlr mz Gct, murde trnzkrzlru kx nzmnc-xglelr nide mz da amrlx!” 24 Nzpwrkilvc-ngrdr natqdeng. A’ Jiszs rpi-mopwzle kx, “Doa nengeng, rbltx-atwrnr-ngrbz mz leplz nzmncz-krbzlr mz Gct. 25 Kamel trkrlzleu nzdwa-trkrde mrkc tqmrplxngr nidil. X nznrbxkr kxnznrgiscng nzmncz-krbzlr mz Gct myaszpxle da lc.” 26 Ncblo nedeng nzpwrkilvc-zlwz-ngrdr natqde x nznrpibzlr bade kx, “E kx tqmule lcde, trpengr kx narlapx!” 27 Jiszs mzte

☆ 10:19 Nzrlaszng 20:12-16; Lou Kcpwz 5:16-20 † 10:21 Jiszs krlzle kx nznrgibakr mrlx lc rpwa-ngrbzle bade nzvz-nqblq-angidr-krde nide, murde dztudeng nzapubzlr bade mqngr da kx nzlz kx angioleng.

aprtxbzle badr x rpibzle kx, “Rblxbz mz ncblo, a' tr-rblxpwzu mz Gct. Murde trpnzngr da kx rblxbz bade.”

²⁸ Zbz rpibz Pita bade kx, “Rlaszpekr dztugrng amrlx mz nzvz-nqblq-krgr nim.” ²⁹ Rpibz Jiszs kx, “Napi-angidrbo bamu. Mrlx kx rlaszpxle ma nyzde, o mzledeng, o inwedeng, o lxede, o trtede, o doa kxnztopwz nedeng, o drtc' nyzdeng mz nzvz-nqblq-krde ninge x nzlepx-krde Nrpakxmrlz, ³⁰ Gct sa naxpe-moule nide nzwrde nangi trtqki lxblr (100) mz nikeng rlaszpxle. Mz nrhc ka sa natwz-moule du ma nyzde, mzledeng, inwedeng, lxedeng, doa kxnztopwz nedeng x drtc' nyzdeng, vzmi nzatrkatl-zlwzkr leplz nide murde vz-nqblqle ninge. X mz nrhc kc navzm, sa natwz-kzle nzlungr kxboi. ³¹ A' nadcpz mz drtwrmu kx kzdung leplz kxnzetung mz nrhc ka, sa nangi leplz txneng mz nrhc kc navzm. X kzdung leplz txneng mz nrhc ka, sa nangingidr kxnzetung mz nrhc kc navzm.”

*Nzwrde Kratq Kx Ycmnetrng Jiszs Nzbx-krde
Matu 20:17-19; Luk 18:31-34*

³² Mzli kc tzvz-ngrdr mz lrpzki mz nzvzkilz-krdr Jerusalem, Jiszs rtwayzbz mz leplz amrlx kcng tzvz-nqblqlr nide. X ncblo nedeng nzmwxlr-zlwzng murde nzkrhlzr kx kxnzetu r lr Jiu nzrpilr nanibqlr nide. Zbz katxpxmle nidr, vzmitxpxleng rlru kxpipz x sc tqpipe-mopwzle badr nikeng naprtzbz bade. ³³ Rpibzle badr kx, “Ninge Mrlx Leplz. X mzli kc nakrlztrngrbzku Jerusalem, sa nakaobz ninge mz mq kxnzetu r pris x kxnzalvztrng mz Lou sc Mosis.

Zbz navzmibzlr ninge mz Kansrl x drtwrdr sa naesz'ti kx nabzx. Zbz nakao-mopwzlr ninge mz doa lr gzpman ngr Rom kxtrngiulrJiu mz nznribqngr ninge. ³⁴ X lr Rom lcng naxtrnga-ngrdr ninge, nabyatlr ninge, naviplalr ninge x nanibqlr ninge. A' mz zbq kratq ninge kc tqlupe-moux.”

Doa Kx Namyalz Mz Nzobqkr Gct Nawz-nrbalqtrpz Mz Leplz Amrlx

Matiu 20:20-28

³⁵ Zbz Jemes x Jon, mrlx Sebedi kcngr nzling, nzvzbzng mz Jiszs x nyzcmneng badr. Nzrpibzlr kx, “Kxakrlz, nayc mz drtwrm nigr x kam bagr nike suti drtwrgr.” ³⁶ Jiszs rveabz badr kx, “?Nike suti drtwrmu na-alebo bamu?” ³⁷ Nzrpibzlr kx, “Mzli kc na-amrluengr nim mz nzngini-krm king, rlr-ngrm bagr nzwxbukr kzdq nigr mz nrlarm kxrtc, x kzdq nigr mz nrlarm kxmc, mz nzngini-krgr kxnzetung kxnzmyapxbzng.” ³⁸ A' rpibz Jiszs badr kx, “Trkrlz-angidrwmuu nike tqlrx-tiamu! ?Krlzamu nzprtrngr mz nzetqkr drtq kc naprtizle ninge? ?X narlrpx-lzbq-ngrnamu mz da kznike naprtzbz bamu, da kc nawaix mzli lc navztrp?” ³⁹ Nzayzlu-ngrbzlr natqde mz nzrpikrbzlr kx, “Eu, krlzkr nzalengr da lc!” Zbz rpibz Jiszs badr kx, “Da zpwxtx, drtqmu la naetq kz, da kc nawai nzetqkr drtqng. ⁴⁰ A' trpnzng scnge zmatq mz nzka-krbo me matq lcng. Murde Trtenge kx rmcpxpwx krkcng nawxbuong mz tron lcng.” †

† **10:40** Jemes kc tznibqpe mz nzvz-nqblq-krde Jiszs. X Jon nzaetqti-kzpz drtqde mz nzvz-nqblq-krdele.

⁴¹ Mzli kc tzxlr-ngrbz kztedrng da kc tzrlxtlir, drtwrdr kc tqlctrpebz mz Jemes x Jon. ⁴² Zbz Jiszs sc tqkqlepele nidr amrlx ngrdr, x rpibzle badr kx, “Krlzamu kx king mz nrlc ka nzrtulrtr-ngrbzlr mz leplz nzalengr da mz nzmncly-krbzlr badr. ⁴³ A' bzkq mz nimu. Murde doa kx rpile namyapxbz mz nimu mz nzacive-krde leplz nengeng, nawztrpz bamu. ⁴⁴ X doa kx nangi kxetu kxmyalz, na-avzo-lzbq x nawz-nrbalqtrpz mz leplz amrlx. ⁴⁵ Ninge Mrlx Leplz. X kxmule-esz' ninge kxetu rmu, a' vz-ngrmc mz nrlc mz nzwztr-krbo mz leplz, a' trngiu leplz kx nawztrpqng bange. X vz-ngrmc nzrlrpx-krbo nzlu-krnge mz nzxpepx-krbo leplz kxnzklung mz zmatq ngr nzbzng.”

Jiszs Amrlzle Kzdz Ncblo Kx Mzte Kcba

Matiu 20:29-34; Luk 18:35-43

⁴⁶ Mz nzvz-krdr kc Jerusalem, nzvztrng mz mztea Jeriko. X mzli kc tzrlaszpe-mou-ngrdr Jeriko, nzyrkr-nqblq zbo ngr leplz kxetu. X mz nrlar lrpzki lc tzo-zlilr, wxbu zvz elr kc ncblo kx mzte kcba, drtqde Batimezs, mrlx Timezs, mz nzrlx-krbzle trau mz leplz. ⁴⁷ Mzli kc tqxlrpe-ngrde kx Jiszs kc Naszret sc tqvz mz lrpzki, sc tqnepxpe mz nzrpi-krde kx, “Jiszs, Mrlx Devet, nayc mz drtwrm ninge!” ⁴⁸ Leplz kcng nzlclvzlr nide x nzrpibzlr namnc-lrpi. A' sc natqde tqaetunelz zlwz, mz nzrpi-krde kx, “Mrlx Devet, nayc mz drtwrm ninge!” ⁴⁹ Jiszs kc tqtupe, tqrpipebzle mz leplz kx, “Kqlebzmu, navzm mrka.” Sc tzkqlepelr ncblo kc mzte tqkcba x tzrpipebzlr bade kx, “Tulzm x drtwrm

naelalzm, murde nide la tqkqlemle nim!" ⁵⁰ Zbz Batimezs aotxole lrpz ngr zbao, tutxlz-anim x sc tqvzpebz mz Jiszs. ⁵¹ Jiszs rpibzle bade kx, "? Nike suti drtwrm na-alebo bam?" Rpibzle kx, "Kxetu, naobq-moux." ⁵² Zbz rpibz Jiszs bade kx, "Vzpe. Murde nzlxngiti-krm ninge dela tqamrlz-angidrpele nim." X mzli kcpwz mzte obqtxpx pnz. X sc tqvz-nqblqpe-kzle Jiszs mz lrpzki.

11

Sade Kx Nzprlxlvztingr Nabx Nc Paam Mz Lrpzki R Jiszs Mz Nzvztr-krde Jerusalem

Matiu 21:1-11; Luk 19:28-40; Jon 12:12-19

¹ Jiszs badr ncblo nedeng nzkrilzbzlr mztea kcng li Betpeji x Betzni mrkc mz Newz ngr Nc Olivi. Mrlc esotrpebz Jerusalem. Sc tqrpipebzle mz kzdung ncblo nede nzling kx, ² "Vznamu mz mztea lcmonr tzmcpz. Mzli kc navztr-ngrbzm, sa namcamu kzdq nei dcngki kx nzatolvangr kx trnzvonekangr. Yokaepxamu x vzmimamu. ³ Nzmu kx tzipibz kzdu leplz, nike tqvzmi-ngrnamu dcngki la, rpibzmu kx, 'Suti drtwr Kxetu.' X mzli lcpwz sa na-atwzlr-ngr-mople mrka." *

⁴ Ncblo kcng nzli nzvzng. Sc tzmcpelr dcngki kc nztu-krde mz lrpzki, nzpetr mz kzdq nrlar naonrx ngr ma. ⁵ Mzli kc tzyokaepx-ngrmlr nqvi lrde, kzdu leplz kx nztung mrlcde sc tizrveape-bzng kx, "?Memule tqyokaepx-ngrnamule la?"

* **11:3** Kzdung leplz mz drtwrdr nzymnekr ncblo lcng yrkrpx mrkc tqyrkrpxngr ngalrde lc, mz nzipi-krdr kx, 'Suti drtwr kxetu. X mzli lcpwz sa na-atwzlr-ngr-mople mrka.'

⁶ Sc tzpipebzlr natq Jiszs kcng tqpihbzle badr, x sc tzlrpe-ngrbzlr nzvzmi-krdrle.

⁷ Nzvzmimlr dcngki kc mz Jiszs, nzprlxobzlr nzkq scdr mz nibr dcngki kc x Jiszs sc tqwxbuopem elr. ⁸ Leplz nzkqlu nzprlxtiolr nzkq ngr zbao scdr mz lrpzki mrkc navokipx Jiszs. X kzdung nizrplameitipxmqng nabx nc paam, nzprlxlvzti-kzlr lrpzki. †

⁹ Leplz kxkqlu kcng tzrtwayzng x krkcng tzvzbzng mz nibr Jiszs, sc tzkabo-katomipelr kx, “Hosana! *Glqpxkr King Kxnzmcpk kc tqvzm mz drtq Yawe.* ☆ ¹⁰ Nim King kc tqmcpk Gct, tqvzpxm mz nqvi lr melrmqgr Devet! Gct, ngrlvzkr nim kc tqmyalz-esz'ngr!”

¹¹ Jiszs votr Jerusalem, zbz sc tqvztrpe Mangr-nzangiongr Yawe. Kx obqlvztile da amrlx elr, sc tzyzlupe-moung mztea Betzni murde nrle milzpqpengr.

Nounc Kx Trpnzngr Nrade

Matiu 21:12-27; Luk 19:45-48; 20:1-8

¹² Nrle kx ngrlxobzle mz nourla x sc tzrlaszpelr Betzni. Jiszs nelzde brtale. ¹³ Kx nzvzbzlr kc mz lrpzki, mcle kc nc fiki kxyrlvi. Mz drtwrde sc tqdo kz, a' kx vztrpzle trpnzngr nrade kx mclzbzle, murde trngiu mzli r nzpakr nc fiki.

¹⁴ Sc tqrpipebz Jiszs mz nc fiki kc kx, “Trpnzngr

† **11:8** Krlc kxmu nzarmyalz-krdr king. X mz drtwrdr Jiszs votr Jerusalem murde na-aclevele Israel mz nzngini-krde Kxnzmcpk kc tqngi King. ☆ **11:9** Sam 118:26

doa kx namu mou nram.” X ncblo nedeng nzxlrblzlr nzpi-krdele. ‡

¹⁵ Kx nzkaputr-mopwzlr kc Jerusalem, Jiszs vztr mou Mangr-nzangiongr Yawe. X sc tqmaszlrpxpe-ngrde leplz kcng tzxpeting x tzamwating dalr nzrkangr blz. X alzngebzle tebol nyzdr lr Jiu kcng tztekqtrpzlr trau r mrkzbleng mz trau r Mangr-nzangiongr. X alzngr-kzpzle da kx nzwxbulvzo leplz kcng tzamwang nran kx nangi blz. ¹⁶ X rpwa'-ngrbzle mz leplz kxnzkqlung mz nzrprwi-krmlr mz makoa ngr Mangr-nzangiongr mz nzvz-krdr mz kzdq nrlarde ngr mzteadau. ¹⁷ Sc tqalvztrpe-leng, rpibzle kx, “Nzyro mz Nzryrngrkxtr rpi Gct kx, *‘Ma nyznge nangi ma ngr nzkrka'kr leplz ngr mrkcng kqlu mz nrlc.’* ☆ A' apusr-ngrnamule me nzamwangr da kc tqangqnguti-lzbq-ngrnamu!” ☆ §

¹⁸ Kx nzxlr kxnzetu rdr pris x kxnzalvztrng mz Lou sc Mosis da kc tqale Jiszs, sc tzyrlqpelr drtwr ngr nznribqngr nide. Murde nzdobutlir nide mz nzkcrtipxkr leplz amrlx nzalvztr-krde x nzabrtzlvzlr nide.

‡ **11:14** Mz Nzryrngrkxtr nc fiki ngi nzymne-ebzpxngr lr Israel. Mz nqm qcpwz kx nc fiki lc yrlvi a' trpnzngr nrade, lr Israel nzarmyalzlr Gct mz nzymne-krdr, a' trngiu mz nabzdr. Trpnzngr nradr kxmrlz mz nzmnc-krdr. X mz nqm qcpwz tqqlcbq Jiszs nounc lc, Gct sa nalcbq-kzle lr Israel kalr. ☆ **11:17**

Asaea 56:7 ☆ **11:17** Jeremaea 7:11 § **11:17** Da kc tqale Jiszs Mangr-nzangiongr aelwapx-ngrde kx Gct sa na-qltile Mangr-nzangiongr murde rpile leplz na-armyalz-angidrlr nide o naodatitxde mz nzapu-krdr nc fiki kx trpnzngr nrade.

¹⁹ X mz milzpq lcng, Jiszs badr ncblo nedeng sc tzrlaszpe-moulr Jerusalem.

²⁰ Nrlc ngrlxobz mz nourla, Jiszs badr ncblo nedeng nzkrly-moplr nc fiki kc tqclbqle. X nzmcpelr kx nzglrnedz-krmle kc mz dzbrde, krlztxlzle wq. ²¹ Pita dcpz mz drtwrde nike pitrpz Jiszs mz nounc kc mz zbq kc kai, sc tqrpipebzle kx, “Kxarklz, mc ena, nc fiki kc tqclbqq, leu rde glrtipe!”

²² Rpibz Jiszs badr kx, “Nabrti drtwrmu Gct. ²³ Da angidr lc napibo bamu. Mzli kznike rlx-ngrbzmu da mz Gct, bzkq drtwrmu li. A' drtwrmu nabr kx sa na-ayzlu-ngrbzle natqmu, x delc natwz-ngrnamu nike rlxtiamu. Apule mrlx kc tqpibzle mz newz kc kx, ‘Brkalzm x tao prla mz zmatq ngr Gct.’ X Gct sa narlr-ngrbzle bade nike rlxtile. ²⁴ Mz nzmukrde lcde, da kznike kx rlxtibzmu mz Gct, sa nakabzle bamu, nzmunaixngitiamu kx sa natwzamu da lcde. ²⁵ A' mzli kc tqkrka'-ngrnamu, naipq-kaiamu leplz kx ngyati drtwrmu, x Trtemu kc Heven sa naipq-kzle nimu x nakabzle nike rlxtiamu. ²⁶ A' nzmunaipqwamuu leplz, Trtemu kc Heven tripq-kzleu nimu mz alwx ngrmung.” *

²⁷ Jiszs badr ncblo nedeng nzvz-moung Jerusalem. Kx nzvznedr kc Mangr-nzangiongr Yawe, kxnzetu rdr pris, kxnzalvztrng mz Lou sc

* **11:26** 11:12-22 Kxnzlxngiti-angidrlr Gct nzapulr nounc kxmrlz kx do zvz x nrade kqlu. 11:23 Mc kz natq kxtpowz mz Matiu 21:21-22. 11:24 Nakrlzku kx Nzryrngrkxtr pi-kzle kx narlxbzku da mz Gct navz-nqblqle me pnz drtwrde. 11:26 Ngalrde lc trycu mz nzryrngr kxkqlu mz nzryrngr kcng pnz, a' drtwr ngrde yc kz mz Matiu 6:15 x 18:35.

Mosis x lrtzlvzng, nzvzmqng mz nzvea-krbzlz bade. ²⁸ Nzrpibzlz kx, “?Neke rkabz bam zmatq mz nzale-krm da lcng tqaleq?”

²⁹ Rpibz Jiszs badr kx, “Sa napibo me twzкимc zmatq kc tqale-ngrne da, nzmz na-ayzlu-kaipamu nzvea-krbo bamu. ³⁰ ?Pimamu bange, zmatq ngr nzawrkxtrkr Jon kaom Gct o kabz ncblo?”

³¹ Sc tztalwzpeng mz nidr esz'-krdr, tzrpipekr kx, “Nzmz narpiku kx, ‘Zmatq kx kaom Gct,’ sa narpimle kx, ‘?E memule trlxngiti-ngrwamuu natqde?’ ³² A' nzmz narpiku kx, ‘Zmatq kx kabz ncblo,’ namwxlrtiku leplz kxnzqqlung ma tznibqlr nigu, murde nzlxngitilr kx Jon nide profet.” ³³ Zbz sc tzrpipebzlr mz Jiszs kx, “Trkr-lzkru.” Rpibz Jiszs badr kx, “X ninge kz trpengr nzpi-krbo me twzкимc zmatq kc tqwz-ngrne.” †

12

Nzycmne-ebzpxngr Kxnzrbilqng Nrlanc

Matiu 21:33-46; Luk 20:9-19

¹ Zbz sc tqyapwxtipebz Jiszs nzycmne-ebzpxngr lc. Rpibzle mz leplz kcng tzmncng Mangr-nzangiongr kx, “Kzdq ncblo petile kc nrlanc ngr grep. Lvztrle bz ngrde, oliqtile kc da kx narwzngzr waen, x wz-ngzde kz kc me na-aukzngzr mz nrlanc kc. ☆ Zbz sc tqrlrpe-ngzrbzle mz ncblo kx narbilqng, kx naxpebzlr

† **11:33** Jon yapwxtipxle kx Jiszs nide Kxnzmcpz, mz nzrpi-krde kx nide Nei Sip ne Gct. Lr Jiu lcng nzaelwapx-ngzdr mou kx nidr nounc kx trpnzngzr nradr mz nzpxtxpx-krdr profet ne Gct.

☆ **12:1** Asaea 5:1-7; Sam 80:8-17

bade kzdung nra grep mz nrlanc lc. Zbz sc tqrlaszpele mrnyzde, vzpe rlrur mrkzble. ² Zbz mzli kc tqbrpengr grep, sc tqatwzlrpe-ngrbzle kc kxnzawz nede kx nayzlumibzle du nra grep kx nangi mqde. ³ Ncblo kc tqatwzlr-ngrbzle, kx krlzbzle kc ncblo kcng tzbilqng nrlanc, sc tzlolvzpelr nztztxdr x sc tzayzlu-nrbalqpelr. ⁴ Zbz Kxetu kc atwzlr-ngr-mopwzle kc kxnzawz nede badr. A' nzdwatibz ncblo kcng tzbilqng, nztakrtibzlr narde x nzamyatibzlr drtqde. ⁵ Zbz atwzlr-mou-ngrbzle kc kxnzawz, krlc nzotibzlr nznibqlr. Mz nqm q lcpwz, kxnzawz kxkqlu kx atwzlr-ngrbzle badr, nztztilr kcng x nznibqtilr kcng.

⁶ “Ncblo kc mncbepz bade doa esz'txu kx na-atwzlr-mou-ngrbzle badr. Krlc mrlxde kx mrlzti-zlwzle. Sc tqatwzlrpe-ngrbzle, murde mz drtwrde rpile kx, ‘Ncblo kcng na-amrluebzlr mrlxnge x sa nakabzlr du bade nra grep kx nangi dalr nzbilqngr.’ ⁷ A' kx nzmc ncblo kcng nide, sc tzbilqng kx, ‘Mrlx kxetu kc tqrnginyz nrlanc ka nide ka. Nanibqpeku nide, x da nyz trtede sa nangi nyzpegu.’ ⁸ Nzlolvzlr nide, nznibqlr x nrkrdrtqde nztctxpx-ngrdr mz nibr bz ngr nrlanc kc.

⁹ “X krlzpeamu da kx na-alebz ncblo kc tqrnginyz nrlanc! Sa navzm nanibqtile ncblo lang. X nrlanc kc sa nakabzle mz ncblo kzbleng.”
*

* **12:9** Mz be lc nrlanc ngr grep drtwr ngrde lr Israel. [Asaea 5:7] Mrlx Kxetu drtwr ngrde Jiszs, kc tqrkabz Gct zmatq mz nznigini-krde Mrlxde. Ncblo kzbleng drtwr ngrde kxtrngiulrJiu.

10-11 Jiszs rpi-mopwzle kx, “Zpwxtx! Krlz-angidramu Nzryrngrkxtr lc tqrpile kx, ‘Rplz kc etu tzpxtpx-ngrdr ncblo kcng tztwz-ngrng ma, nzaelwapxngr kx nide nou rplz kc tqmyatpx-zlwzbz. Da lc Yawe kxrwngr. X abrtztz-zlwz-ngrgu.’ ” ☆ 12 Zbz kxnzrmailzng ngr lr Jiu nzkr-lztrpebzlr kx nzyapwxkr Jiszs lc tutrpz badr, x nzrpilr nalolvzpe-ngrdr nide. A' nzmwxlrtilr zbo ngr leplz ma drtwrdr tzngya. Zbz sc tzrlaszpelr nide.

Nzrveatingr Nzxpengr Takes

Matiu 22:15-22; Luk 20:20-26

13 Mzli kc Jiszs tqmncbe-ngrde Mangr-nzangiongr, kxnzrmailz ngr lr Jiu nzatwzlr-ngrbzlr bade kzdung Farzsi x kzdung leplz ngr dzbede kc mz Herot. Nzrpilr naesabrtilr Jiszs mz nzymnengr murde nalolvzlr nide. 14 Nzvzbzng nzrpibzlr kx, “Kxakrlz, krlzkr kx nike piq x alvztr-ngrn tubq zvz. X krlz-kzkr kx tu-amqngi-zvzq mz nzalvztr-krbzme nqm q kr Gct mz leplz, kxmule-esz' trna-abrtzlvzu kxnzetung. Mz nzmukrde lcde, pim ena bagr. ?Tubq mz Lou sc Mosis nzxpe-krbzku takes mz King r Rom o trtingr? 15 ?Naxpeku o bzq?” A' mcplxtrpebz Jiszs drtwrdr mz nzatalz-krdr nide. Murde mz nzrpi-krbzle ‘Eu,’ lr Jiu lcng nangyati drtwrdr nide mz nzokatr-krde enqmi rdr. X mz nzrpi-krbzle ‘Trtingr,’ ncblo ne Herot nalolvzlr nide mz nzxpqbrlr-krde lou sc gzpman ngr Rom. Delc tqrpi-ngrbzle kx, “?Memule tqrpi-ngrnamu na-atalz-ngrnamu ninge? Kamamu dq ena srlrni

namcx.” ¹⁶ Nzka bzlr kc x sc tqveapebz kx, “? Mqng r nar nelc tqmnztr mz srlrni lc, x drtq nelc tzyrtr elr?” Nzrpibzlr kx, “King r Rom.” ¹⁷ Zbz Jiszs rpibzle kx, “Mz nzmukrde lc, kabzmu mz king da kx takitrde king x kabzmu mz Gct da kx takitrde Gct.” X ncblo kcng nzktitxpxlr natqde, murde trprtzpnzu mz trtxki scdr.

*Nzrveatingr Nztulz-ngrm Mz Nzbzngr
Matu 22:23-33; Luk 20:27-40*

¹⁸ Kzdung Sadiusi nzvzmqng mz Jiszs Mangr-nzangiong. Nidr kzdq dzbe lr Jiu kx trnzlxn-gitilru nztulz-ngr-mop mz nzbzngr. Nzveatibzlr da kx na-atrkati-ngrbzlr nzalvztrkrde mz nztulz-ngr-mop mz nzbzngr. ¹⁹ Nzrpibzlr kx, “Kxakrlz, Mosis yrphe kzdq lou kx nangi scgu. Rpile *nzmu ncblo kx bzszle olvz rde x trpnzngr nede doa, mzlede nayrlzti-alzule olvz kc. Murde nzngrinekrdr doa na-apule kx ngi doa ne mzlede kc tqbzpe. X doa lc natekqtrle nzmrbpxkrbz nqvi lr ncblo kc x natwzle dztudeng.* ✧ ²⁰ Nzmu narpingr kx kzdung mzle-lzbq nzrlimzng. Mzledr kc etu yrlz. Zbz mzli trboiu sc tqbzpe, trpnzngr nede doa. ²¹ Zbz mzledr krali yrlzti-alzule olvz kc, x bz kz trpnzngr nede doa. X wai-kzle mzledr kratq. ²² Vz, vz, olvz kc nzyrlzti mzle-lzbq kcng nzrlimz, x trpnzngr nede doa. X mz nibrde olvz kc sc tqbzpe kz. ²³ Alvztr-ngrn kx leplz tulz-mop mz nzbzngr. ?Kx tqmule lcde, neke nartwz olvz kc mzli kc natulzngr mou leplz amrlx? Murde mzle-lzbq kcng rlimz nzyrlztilr nide. ?

✧ **12:19** Nou 38:8; Lou Kcpwz 25:5-10; Rut 4:5-10

Myx kxmule, Gct batrpzle mz olvz lc nzxpqbrlr-krde natqde mz nzyrlzti-krde ncblo keng rlimz mz mzli kxes'?"

²⁴ Jiszs ayzlu-ngrbzle natqdr kx, "Nzao-krmu drtwrmu vz-rbrtx atwrnrngr. Murde tryrplatitru narmu zmatq ngr Gct x drtwr ngr Nzryrn-grkxtr. ²⁵ Mzli kc Gct na-alu-ngr-mople leplz mz nzbzng, sa na-apupelr enjrl keng tzmncng Heven. Trnzylzpeung, x trpnzngr nzyrlz-mou-krdr kalr. ²⁶ X Mosis aelwapx-ngrde kx krkcng tzbzpeng sa na-atulzmqng mz nzlungr. Murde krlz-angidramu natq Mosis mz be ngr nounc kc tqmrbz tqwou. Mzli lc Gct tqrpi-ngrbzle mz Mosis kx, 'Ninge Gct ngr Ebraam, Aesak x Jekop.' ✧ ²⁷ Kxmule-esz' ncblo lcng tq nzbz-pnzng, a' trpileu kx nide Gct ngrdr mzli kc pnz. Murde nibede Gct ngrdr mz nzlu-krdr Heven mzli ka. Delc mrkc tqpnzki drtwrmu le vz-rbrtx atwrnrngr."

Lou Kxmyapxbz

Matiu 22:34-40; Luk 10:25-28

²⁸ Mzli kc dzbe Sadiusi tztalwzti-lzbq-ngrdr badr Jiszs, kzdq kxalvztr mz Loukxtr rpibzle mz Jiszs kx, "?Lou kznike myaszpxle lou amrlx?" ²⁹ Ayzlu-ngrbz Jiszs natqde kx, "Lou kx myapxbz nide sele, 'Lxngitiamu, nimu lr Israel. Murde Yawe nide Gct rgu. X Yawe nide Gct kc esz'txu. ³⁰ Doa kx esz' mz nimu namrlztiq Yawe, Gct rmu mz nabzm atwrnrngr; x mz nzwikr nelzm atwrnrngr; x mz drtwrm atwrnrngr; x mz zmatq ngrm atwrnrngr.' ✧ ³¹ "Lou krali nide sele.

'Mrlzti kztemqng da kc tqwaiq nzmrlzti-lzbq-krm.'

☆ Trpnz-moungr lou kx nzmyaszpxlr lou lcngr li."

³² Kxalvztr mz lou kc rpibzle mz Jiszs kx, "Eu, da zpwxtr la tqpiq. *Yawe nide Gct kc esz'txu x trpnzngr mou gct kzble.* ☆ ³³ *X namrlztiq nide mz nabzm atwrnrngr; x mz drtwrm atwrnrngr; x mz nzxplr-krm atwrnrngr. X namrlzti kztemqng da kc tqwai nzmrlzti-lzbq-krm.* ☆ Da lcngr li nzmyaszpxlr nzrka-ngrbz da mz Gct x mz nzangc-ngrbz blz bade."

³⁴ Kx xlrbz Jiszs nzymne-angidr-krde, sc tqr-pipebzle bade kx, "Opxm kx ycpz pipz nzmncz-krbzme mz Gct mz nzngini-krde King rm." Mz ni-brde leplz amrlx nzmwxlrtngr nzvea-mou-ngrbz natq, murde ma tqamyatx-mopwzle drtqdr.

Nzrveatingr Kxnzmcpz Ne Gct

Matiu 22:41-46; Luk 20:41-44

³⁵ Mzli kc tqalvztrpengr Jiszs Mangr-nzangiongrr, rpibzle mz leplz kcng kx, "Kxnzalvztrng mz Lou sc Mosis nzpilr kx Mevalu kc Tqmcpz Gct navzpxm mz nqvi lr melrmqde Devet. ³⁶ Murde Mqngrkxtr batrpzle mz Devet nzymnetr-krde Kxnzmcpz mz nzrpi-krde kx, *'Yawe rpibzle mz King kc tqngi kxetu rnge kx, Wxbu mrlc tqmatq-esz'ngr mz nrlarnge kxrtc, navz nakrlz-zpwxzbzle mzli kc nangi-batr-ngrbo mz enqmi rmqng nzmctx-krbzlr bam.'* ☆ ³⁷ Mz Sam lc Devet rpile kx Kxnzmcpz ngi kxetu rde. ?A' myx kx namu Kxnzmcpz

☆ **12:31** Livae 19:18; Luk 10:27; Rom 13:9; Galesia 5:14; Jemes 2:8 ☆ **12:32** Lou Kcpwz 4:35; 6:4; Asaea 45:21 ☆ **12:33** Lou Kcpwz 6:5; Livae 19:18 ☆ **12:36** Sam 110:1

nznginikr doa mz nqvi lrde kc mzte trnzmcka, x mzli kcpwz ngi kz kxetu rde?” Zbo ngr leplz kcngr nzabrtz-ngrdr nzlalztq-krbzlr bade. †

*Bzkq Apuamu Kxnzalvztrng Mz Lou Sc Mosis
Matiu 23:1-36; Luk 20:45-47*

³⁸ Mzli kc tqalvztrngr Jiszs leplz, rpibzle badr kx, “Bzkq apuamu kxnzalvztrng mz Lou sc Mosis. Murde mrlzbz badr nzkrq-krdr nzkrq kxboi mz nzvzne-krdr, x nzamatqkr leplz nidr mz nzirpi-ngrbz badr kx, ‘Nim la trte,’ mz nzvzne-krdr me nzamwangr da. ³⁹ X mrlz-kzpz badr nzwxbu-zvz-krdr me matq mz mangr-nzkrka'ngr x mz mzli r nzmolvzngr, murde nzglqpx-lzbqng. ⁴⁰ X mz zmatq ngr nzngini-krdr kxnzrmailzng, nzangqngutitrlr olvz kxnzbzszng mz nztwz-pnati-krdr dztudrng amrlx. A' mzli kcpwz nzaboitlr nzkrka'-krdr mz nzyrlq-kapq-krdr alwx ngrdr. Mz nzmu-krde lcde, leplz kxnzmulr lcng nzayrplapxngr nidr kalr mz Hxl namyatxpx-esz'ngr.”

Nzrkangr Angidr

Luk 21:1-4

⁴¹ Mzli lcng tqalvztrngr Jiszs, wxbu aepztr mrkc Mangr-nzangiongtr tzryrlqongr trau. Tqobqlvz-ngarde leplz amrlx nzrkatr-krdr trau. Leplz kxkqlu kxnzrngiscng nzryrlqong blzmr trau. ⁴² Zbz kzdq olvz kxtr-rngiscu x bzszpe ncblo ngarde vztrpz yrlqole srlrni kxtpowzne li.

† **12:37** Jiszs na-aelwxpx-ngrbzle badr kx Kxnzmcpv trngi-tx-pwzu ncblo, a' myaszlzle ncblo murde Gct armyalzle nide. A' trpnzngtr nidr kx yrplatittr narde natqde.

⁴³ Jiszs kqlele ncblo nedeng, rpibzle badr kx, “Napibo bamu, mz nzobqkr Gct olvz lc tqabzope, srlrni kc topwz tqkapxle myaszipxle blzmr trau kcng tzkapxlr kxnzrngiscng. ⁴⁴ Murde kxmule-esz' kxnzrngiscng nzkapxlr kqlu a' kxpiipzne la ye mz nznrgisc-krdr. A' olvz lc tr-rngiscu katxpxpele da kcng amrlx namnc-xglele.”

13

Rka Ngr Nzodatingr Mangr-nzangiongrr

Matiu 24:1-2; Luk 21:5-6

¹ Mzli kc narkalzpe-ngrm Jiszs Mangr-nzangiongrr Yawe, kzdq ncblo nede rpibzle bade kx, “Kxakrlz, mc ena kxmu nzlrnzangiongrr nznzangiongrr Mangr-nzangiongrr ka mz rplz lcng etuti, x mzte nzluli-krde lxngipx-esz'ngr.”

² Rpibz Jiszs bade kx, “Mangr-nzangiongrr lc tqpime mzte tqqluli trnatu-alou. X trpnzngr rplz ngrde kx nablio me yc-ngarde. Murde sa naodati enqmi rmung kalr.”

Rkx Ngr Veax Nzxpungrr Kxkqlu

Matiu 24:3-14; Luk 21:7-19

³ Kx nzklzlbzlr kc Newz ngr Nc Olivi, Jiszs sc tqwxbupe elr, mrlcde nzmcpz Mangr-nzangiongrr Yawe. Zbz Pita, Jemes, Jon x Adru sc tzvz-lrpipebzng mrkc tqwxbu-ngarde. ⁴ Nzrpibzlr kx, “Pim ena bagr mzli kc naodatingr Mangr-nzangiongrr, x rkx kznikeng namc nakrlztingr mzli lcde.”

⁵ Rpibz Jiszs badr kx, “Aclvetio-lzbqamu mz da lcng. Bzkq rlr-ngrbzmu mz leplz nznzangiongrr-krdr nimu mz da kznikeng naprtz. ⁶ Ncblo nakqlung

sa navzmqng mz drtqnge, narpibzlr mz leplz kx, 'Ninge Kxnmcpx.' X leplz nakqlung kalr nalxngitilr nidr mz nzpokia-krdr. ☆

⁷ "X mou, bzkq nelzmu tzprlzm mz nzxlr-krmu nrpa ngr nzotangr mz vea kx esotrpq x nrpa ngr vea kx ycm rlr. Da kxnmulr lcng naprtzti-kaing, a' trngiu drtwr ngr nzykrpxpe-krbz mz nrlc. ⁸ Murde mrkcng kqlu mz nrlc sa napnz-lzbqng. Nengq kxetuting sa navzmqng, x dzbi kxetuting sa navz-kzpqng. A' da lcng naprtzting nzapulr nztangqgx-zlwzkr olvz kxyr, mzli kc tqvz-ebir-ngrm nimz ngr doa kxtpowz, x sc tqrmika ate.

⁹ "Aclvetio-angidramu, murde nimu lang tzlxn-gitilr ninge sa nalolvz kai kxnetung nimu. Sa navzmilr nimu mz kot x naiklapxmlr nimu mz nabz mangr-nzkrka'ngr. X navzmibzlr nimu mz kxnzetu mrkzbleng x mz king kxtrngiulrJiu mz nzayrplapx-krdr nimu. X mzli nyzmu lcpe kz mz nzyapwxtipx-krbzmu Nrpa rng e badr. ¹⁰ Murde Nrpakxmrlz lc nale-kaipz mz neidu amrlx mz nrlc, x Mzli Kxmatq kc na-ayzlu-ngrbz Gct da mz leplz kc ate. ¹¹ Mzli lc nalolvz-ngrmu mz nzvzmi-krdr nimu mz kot, bzkq da kx nakxne drtqmu mz da kx napiamu. Murde natq kcng napiamu trngiu nrpa kx aoti drtwrmu, a' ngi nrpa kx nakatrpz Mqngrkxtr mz nabzmu.

¹² "Mzli lcde, leplz sa nakabzlr mzledrng kcng tzvz-nqblqlr ninge mz enqmi rdr mz nznibq-krdr leng. X trte doa kz sa nawaisr-ngrde kz doa nedeng mz nznibqngr nidr. X doa na-atrkati-kzlr trtedr x lxedr x naka-kzpzlr mz enqmi

☆ 13:6 Matiu 13:21

rdrng mz nznibq-krdrle. ¹³ Leplz kxnzkqlung sa napxtxpx-ngrdr nimu, murde nimu leplz nengeng. A' nimu kcng tztu-amqngi-zvzng mz nzrlxngiti-krmu krlzbzle mz nzbz-krmu, sa narlapx Gct nimu.

Rkx Ngr Nzodatingr Jerusalem

Matiu 24:15-21; Luk 21:20-24

¹⁴ Rpi-mopwz Jiszsz kx, “Kxdrka'ngr kxmyapxbz kc tqtrka-esz'ngr sa navzm, mz nzatutr-krde da kx yro Daniel mz buk scde. ☆ X nimu kcng tzrlwxlr da lc nakrlz-angidramu drtwr ngrde. Murde Kxdrka'ngr lc sa natuom Mrkc Tqtr Mangr-nzangiongr, x trtakitrdeu nide nztuo-krmle elr. Mzli lc nimu kcng tzmncng Judiz nangrlrlzamu mz newz, mz nzmnc-kapq-krnamu nzodangr kc tqycpe pipz nzkaputr-krmle. ¹⁵ Nzmu kx tqmncome mz nibr ma nyzm, bzkq asa q nzvzo-krme x bzkq otrpeq dztum ma nyzm. A' ngrlrx pnz. ¹⁶ X nzmu kx tqwzq mz nrlanc, bzkq vzpeq ma nyzm mz nzoti-krm lrpzm, x sc tqngrlr-ateq.

¹⁷ “Agrmqng olvz kcng tzyrng x krkcng tzayqng itoto, murde rblxtile nidr nznglrlz-ani-krdr mz newz mz nzmnc-kapq-krdr. ¹⁸ Krka'-ngrbzmz mz Gct murde da lcng ma tzkaputrpqng mz mzli r zbao, mzli kc nrlc tqbao-zlwz-ngrde. ¹⁹ Murde ztrka ngr nzxpungr lcng sa namyaszpxlr ztrka amrlx abzo mz mzli kc ayrrngr tqwzng Gct nrlc krlzmle mzli ka. X trpnz-moungr nzwrd kxnaxmule lc kx naprtz kalr. ²⁰ Gct aotipe

☆ **13:14** Daniel 8:13; 9:27; 11:31; 12:11; 2 Tesalonika 2:3-4; Nzaelwapxng 13:14-15

drtwrde nzamrbcnetr-krmle mzli lc, murde leplz ma tzyrkrtxtng. X amrbcnetrple mzli lc mz nzokatr-krde leplz kcng tqmcpypeleng. ²¹ Mzli lcde, nzm xk tzipibz leplz bamu kx, 'Obqki lcomnr, Kxnmcpk kc tqmnc mrkc!' o 'Obqkim ka, nide se tqmnckibzle ka!' bzkq lxngitiamu nidr. ²² Murde Mevalu kxnpokiang x profet kxnalvztr-rbrng sa navzmng. X na-aleting rkk x da kx naktipxng mz nzesabrti-krdr leplz kcng tqmcpypeng Gct, nzm nakrlzlr nzyatr-krbzlr. ²³ Aclvetio-angidramu, murde napi-kaipo da lcng bamu x mzli rdr kc tqvz-atem."

Rkk Ngr Nzvz-krm Mrlx Leplz

Matu 24:29-31; Luk 21:25-28

²⁴⁻²⁵ Rpi-mopwz Jisz kx, "Mz nibr mzli r nzkk-pungl lcng, Gct sa na-aycngrlrltile dalr bongavz kcng tzmatqng amrlx. Nepi nawx-nzlongr x temz trnapnapxu. X vri sa natatio-lxblrmqng mz bongavz. ☆ ²⁶ "Ninge Mrlx Leplz. X mzli lc leplz amrlx mz nrlc tulvzo sa namclr ninge mz nzvz-krmc mz nabz dcbz mz zmatq kxetu x zluli. ☆ ²⁷ X sa na-atwzlrpx-ngrne enjrl nengeng mz nrlc tulvzo, mz nzvzmi-krmrlr leplz neng Gct kcng tqmcpypeleng."

Rkk Ngr Nc Fiki

Matu 24:32-35; Luk 21:29-33

²⁸ Zbz rpi-mopwz Jisz kx, "Mwx natwzamu drtwr ngr nzplcokr leu r nc fiki. Mrka Israel

☆ **13:24-25** Asaea 13:9-10; 24:21-23; 34:4; Esikel 32:7-8; Joel 2:10-11, 31; 3:15; Emos 8:9; Aposol 2:19-21; Nzaelwapxng 6:12-13

☆ **13:26** Daniel 7:13; Nzaelwapxng 1:7; 19:11-16

mzli kc namc-ngnamu nrla nc fiki tzpooti-
ngrdr x nzyrlqzbzl leu rdr kxmna, sc tqkrlz-
peamu kx mzli r nrpr ngr nranc sa tqesopem.
²⁹ Mz nqmq lcpwz, mzli kc namc-ngnamu kx
da lcng tqpiho bamu sc tqkaputrpemqng, sc
tqkrlzpeamu kx mzli esotrpem mz nzvz-krmc.
³⁰ Nakrlz-angidramu kx da lcng amrlx nangidati-
kaing, x leplz kcng tzmncng mz nrlc sc tzyrkrtr-
ateng. ³¹ Kxmule-esz' bongavz x nrlc sa nayrkr-
pxng kalr, a' natqngeng trtxpnzng nzyrkrpx-
krdr murde sa nangidating amrlx.”

Naoliqti-zvzku Nyzlu-krm Jiszs

Matiu 24:23-28, 36-41; Luk 17:26-30, 34-36

³² Rpi-mopwz Jiszs kx, “Trpnzng kxrklz zbq
x nabz nepi kc nayzlu-ngrmc. Trnzklzlru
enjrl ngr Heven amrlx x trklz-kzwxu, a' krlz
txpwz Trtenge esz'-krde. ³³ Mz nzmukrde
lcde, oliq-zvzamu murde trklzlwamuu mzli rde.
³⁴ Kxnamu narkalz-ngrmc x ninge kc tqvzpemc,
na-apule ncblo kc tqrkalm ma nyzde tqvz mz
narnrlc. X rkabz nzwzng mz kxnzawz nedeng
amrlx. X rpibzle mz ncblo kc tqaclvele naonrx,
na-aukz zvz mzli kx yzlu-ngrmle.

³⁵ “Mz nzmukrde lcde, oliq-zvzamu, murde
trklzlwamuu mzli kc nakaputr-ngrmc, ma tqngi
milzpq o aurnrlc o mz natq kio kc kai o mz
nourla. ³⁶ Trmrlzu trnzoliqti-krmuu nyzlu-
krmc, x tqrmctipex nzpwrkilvc-krmu nyzlu-
krmc. ³⁷ Mz nzmukrde lcde, natqngc lcng
tqpiho bamu, pi-kzpo mz leplz amrlx, kx naoliqti-
zvzamu nyzlu-krmc!”

tqalemle bange. ⁷ Doa kx trnzrngiscung mnc-zvzamu badr, x krlzamu nzokatrngnr nidr mzli kznike pnz ngr drtwrmu le. A' ninge trnamnc-zvzpc'u bamu. ⁸ Da lc tqale olvz lc, takitrde nide nzale-krmlele bange. Aelule ninge tolo mzli ka mz nzoliqti-krbzle nrkrdrtnge mzli kc nabz-ngrne x nzyrtzmqngr namz ngrnge kc ate. ⁹ Napi-angidrbo bamu, drlve keng nzyapwxtipxngr Nrpakxmrlz lc mrka mz nrlc, da kxmrlz lc tqalem olvz lc bange sa napipx kz, mz nzrdctipxngr drtwr nide mz nrlc tulvzo."

Judzs Ryrlq Drtwr Mz Nzamwa-krde Jiszs

Matiu 26:14-16; Luk 22:3-6

¹⁰ Judzs Iskariot nide kzdq ncblo neng Jiszs kcng nzpnu-esz'-nrade-li (12). Vzbz mz kxnzetu rdr pris mz nzamwa-krbzle Jiszs badr. ¹¹ Kxnzxlrlr da lc, nzabrtztxng x nzrpibzlr naxpe-bzlr Jiszs bade. Zbz Judzs sc tqrtangrtipele mzli kxmrlz kx na-aprc-ngrbzle Jiszs badr.

Jiszs X Ncblo Nedeng Nzmulvzlr Nzamyangr

Matiu 26:17-25; Luk 22:7-14, 21-23; Jon 13:18-

³⁰

¹² Mz z bq kc kai ngr Nzmulvzngnr Bret kx Trpnzngnr Yisti Ngrde, nei sip kx nangq mz Nzamyangr sc tznibqpe. X mzli kc tqtaopengr nepi sc tzmulvz-atelr Nzamyangr. Ncblo nedeng nzveabzng bade kx, "Myx me naoliqti-ngrbzkr dakxnzng ngr Nzamyangr?"

¹³ Jiszs atwzlr-ngrde kzdu nidr nzling, rpibzle badr kx, "Vztramu mzteadau Jerusalem, x sa narmctiamu kzdq ncblo kx rglqne da kx lrti lue. Vz-nqblqamu nide. ¹⁴ X kx tqkrlzbzmu la, ma

kc nadwakitrle, rpibzmu mz ncblo kc tqrnginyz ma kc kx, “?Kxakrlz rpile nakrlzle myx me namnc-ngrdr badr ncblo nedeng mz nzmolvz-krdr Nzamyangr?” ¹⁵ Sa navzmilzle nimu wq mz nelvq rde kxetu mrlcde nzamrlzpqpe-ngrde nigu. Mrlcde dekc naoliqti-ngrnamu dakxznzng nagu.”

¹⁶ Ncblo nede kcng tzvztrng Jerusalem, x da amrlx kcng tqpibz Jiszs badr sc tqngi-datipeng. Zbz sc tzoliqtipelr Nzamyangr.

¹⁷ Kx krlzbzle kc milzpq, Jiszs badr aposol kcng nzpnu-esz'-nrade-li (12) sc tzvpem ma kcma. ¹⁸ X mzli kc tzmulppe-ngrdr mz tebol, rpibz Jiszs kx, “Napi-angidrbo bamu kx kzdq nimu esz' sa na-amwabzle ninge mz enqmi rngeng. Kzdq nimu kang tqmu-lxblrku mzli ka.” ☆

¹⁹ Drtwrdr vztz pnz, x sc tzycmne-esz'-lxblrpebzng bade, tqtulzm kc nidr tqrpibzle kx, “?Trnipwc'u la tqpiq kx?” ²⁰ Ayzlu-ngrbz Jiszs natqdr kx, “Kzdq nimu kang ncblo nengeng, kzdq nimu kc naleole bret nade mz dis lc tqwxbutrp bange. ²¹ Ninge Mrlx Leplz nabzx navz-nqblqle Nzryrnrkxtr. A' agrmplz ncblo la na-amwale ninge. Murde takitrde bzkq mzte nzmc pnz, murde nzayrplapxngr lc nide kalr namyatxpx-esz'ngr.”

Jiszs Ayzuole Nzmungrkxtr

Matiu 26:26-30; Luk 22:14-20; 1 Korint 11:23-25

²² Mzli kc tzmube-ngrdr, Jiszs kalzmle bret. Awitx-ngrbzle mz Gct, lopxile, kabzle badr x rpibzle kx, “Twzamu murde krlc ncvr drtqnge.”

²³ Zbz glqlzmle kap. Awitx-ngrbzle mz Gct, kabzle badr x nzrmnqong amrlx ngrdr elr.

²⁴ Rpibzle badr kx, “Krlc mepyr rnge kc tqyrlepx-ngrde leplz kxkqlu, mz Nzesz'tikr Drtwr Gct badr leplz. ²⁵ Nakrlz-angidramu kx trpengr nzrmnq-mou-krnge waen, navz nakrlzbzle mzli kc narmnq-ngrne waen kxmRNA mz nrlc kc na-acle Gct kalr.”

²⁶ Mz nibrde nzngrtx-ngrdr kc Sam ngr ngr-glqpxngr, x sc tzrlaszpelr mzteadau, tzvzdzpeng mz Newz ngr Nc Olivi. *

*Plzpx-kaipz Jiszs Nzrpikr Pita Trkrlzleu Nide
Matiu 26:31-35; Luk 22:31-34; Jon 13:36-38*

²⁷ Zbz rpibz Jiszs badr kx, “Koma mz nrlck-xbq nimu amrlx ngrmu sa nadwaszamu ninge, mz nzatutrngr Nzryrngrkxtr mz nzrpi-krde kx, ‘Ninge Yawe, x sa nanibqx kxacle sip, x sip nedeng sa na-akiting nrlc.’ ☆ ²⁸ A' mz nibr

* **14:26** 14:24-25 Nzesz'tikr Drtwr lc rpile kx Jiszs tekqrle nigu mz nzayrplapxngr mz alwx ngrgung x Gct trpengr znibq-krde nigu mz alwx lng. Murde mz nzvz-nqblq-krde Nzesz'tikr Drtwr lc, Gct anulvzlzpebzle alwx ngrgung mz Jiszs, x kamle bagu nztubq-krde. Murde mzli kx obq-ngrmle bagu, namc-tpwzle kx apuku Jiszs mz nztr-krde. **14:26** Mz nzvz-nqblq-krde nqmq kr lr Jiu, mz nzmungr mz Nzamyangr, nzng-ngrdr Sam 113—118. Kzdung Sam nzng-kai-ngrde, x sc tzmu-ateng. X nzng-ngrdr Sam kzbleng mz nibr nzmungr lc. Mz nzvzdz-krdr mz newz lc, mwX trtakitru nabz nepi kxes'. ☆ **14:27** Sekaraea 13:7

nzatulz-moungr ninge mz nzbzngr, sa nartwayz-kaipo Gzlili x navz-kzpzmu mz nzrmcti-lzbq-krgru elr.”

²⁹ A' Pita rpibzle kx, “Trtxpnzngr nzdwasz-krnge nim, kxmule-esz' kztenge lcng nzdwang amrlx!”

³⁰ Jiszs rpibzle mz Pita kx, “Napi-angidrbo bam, koma mz nrckxbq, nzwrde natq nzrpi-krm trkrlzwq ninge x kio nzky'a-krde nzwrde krali kc ate.”

³¹ A' Pita natqde xplr-zlwzbz mz Jiszs nzrpi-krbzle bade kx, “Trtxpnzngr nzrpi-krnge kx trkrlzwxu nim! Kxmule-esz' nzabzminge nim!” X nzpi-kzpzlr kztede kcng amrlx.

Jiszs Krka' Esz'-krde Getsemzni

Matiu 26:36-46; Luk 22:39-46

³² Mz nzvzo-kr-moplr nzkrzbzlr kzdq nrlc drtqde Getsemzni. Jiszs rpibzle badr kx, “Wxbupwzmu mrka mzli kc nakrka'-ngrne.”

³³ Vzmile Pita, Jemes x Jon. Mzli lc nabz Jiszs talvzope x mrlepupe-ngrde nzvzkr drtwrde. ³⁴ Sc tqrpibzle badr rtqlrdr kx, “Nzvzkr drtwrge etutx-zlwzpe x rpile nanibqle ninge. Mncpwzmu mrka x aukzpwzmu.”

³⁵ Vzszpxle nidr kxpipz x sc tqrtco-lzbqpengr mz drtc' mz nzkrka'-krde. Krka'-ngrde kx nzmu kx tqrlrpxngr Gct le e bzkq drtqde nzaetq x nz-abz. ³⁶ Rpile kx, “Abba! Trte! Rngiscm zmatq ngr nzalengr da amrlx. Trsutiu drtwrge nzlrpx-lzbq-krnge mz nzetqkr drtqnge x nzbzngr. A' bzkq vz-nqblqq me pnz drtwrge, a' nangi zvz me pnz drtwrm.”

³⁷ Mz nibr nzkrka'-krde, yzlum mz ncblo kcng nztqng, a' sa tzmwing. Sc tqrpioebzle mz Pita kx, "Saemon! ?Nike tqmwilvzq? ?Rblx-zlwzbz bam nzobq-krm mz nabz nepi kxesz'?
³⁸ Aukzpwz x krka' murde natu-amqngiq mz nzatalzngr. Murde kxmule-esz' suti drtwrm nzalengr da kxtubq, a' nzxplr-krm esz'-krm tr-takitrdeu."

³⁹ Zbz Jiszs vz mou mz nzkrka'-krde, x pi-moule natqde kcng pwz. ⁴⁰ Kx yzlu-mople kc badr, mcle kx nzmwipemoung rtqlrdr, murde mztr one mwi zlwz. X trnzkrzlru da kx napibzlr bade.

⁴¹ X kx yzlu-mople kc mz nzwrdde kratq mz nzyrkrpx-krbz nzkrka'-krde, sc tzmwibeng. Sc tqrpipebzle kx, "Elr! Nimu ka tqmwibeamu. Mrlzpe ena. Mzli kc tqpi-pnzbo bamu sc tqkaputrpep. Obqbmzmu, ninge Mrlx Leplz se na-aprcpebz mz zmatq ngr ncblo kx nzaleng alwx. ⁴² Tulzamu, navzbzku narmcti-lzbqku badr. Obqbmzmu, ncblo kc tqamwale ninge sa tqvzpem."

Jiszs Nzlolvz Getsemzni

Matiu 26:47-56; Luk 22:47-53; Jon 18:3-12

⁴³ Mzli kc Jiszs tqycmnebe-ngrde, Judzs sc tqkaputrpebz. Judzs lc nide kzdq ncblo nedeng kcng nzpnu-esz'-nrade-li (12), x vz-nqblqm zbo ngr ncblo. Nzatzlrx-ngrmqng kxnzetu rdr pris x kxnzalvztrng mz Lou sc Mosis x lrtlvzng. Nzrmaleng dalr nzotangr, bz x toki r vea.

⁴⁴ Judzs rka-kaipz badr rkx mz nizrpi-krbzle kx, "Krkz natengix kcma, nide kc nalolvzamu x vzmiamu." ⁴⁵ Zbz Judzs vzm mz Jiszs. Rpihbzle

kx, “Kxakrlz!” x sc tqtcngipebze mqde. ⁴⁶ Zbz sc tzlolvzpelr Jiszs. ⁴⁷ A' kzdq ncblo nede kx tu mrlcde yrlqbzle toki r vea scde x lakitxpxbze kzdq nradrtq kxnzawz-nrbalq ne Nardr Pris.

⁴⁸ Rpibz Jiszs badr kx, “? Memule tqrtwz-ngrmamu bz x toki r vea mz nzlolvz-krmu ninge? ?Opxm kx ninge kx rmailz ncblo mz nznrlvzongr zmatq ngr gzpman? ⁴⁹ Mz zbq kang kqlu alvztr-zvz-ngrne Mangr-nzangiongr. ? Memule trlolvz-ngrwamuu ninge elr? A' kxmusr-ngrnamule lc mz nzangida-krde Nzryrngrkxtr.”

☆ ⁵⁰ Zbz ncblo nedeng amrlx sc tzdwaszpelr nide.

⁵¹ Mzli lcde kzdq obla vz-nqblqne-kzle Jiszs mz nrlckxbq kcpwz, pxi txpwz lrpz. X nznrpilr nalolvz-kzlr nide. ⁵² A' nzmale-lvitxdr nide x dwaszle lrpz scde, x sc tqvope ychql. †

Jiszs Nzvzmibz Mz Kansrl Nyz Lr Jiu

Matiu 26:57-68; Luk 22:54-55, 63-71; Jon 18:13-14, 19-24

⁵³ Jiszs nzvzmilr mz ma nyz kx ngi Nardr Pris, mrkc tzyrlwrpx-lxblr-ngrdr kxnzetu rdr pris, lrtzlvzng, x kxnzalvztrng mz Lou sc Mosis. ⁵⁴ Pita kc tqma-nqblqnebzle nidr. X dwatr-kzpz mz makoa ngr ma kc, sc twwxbu-lxblrpeng badr pulis ngr Mangr-nzangiongr mz nzmulq-krde nyr. ⁵⁵ Kxnzetu rdr pris x Kansrl nznrtangrng kzdq da kx vz-rbrti Jiszs, murde nznrpilr nanibqlr nide, a' trpnzngr da kxnzrmctilr. ⁵⁶ Murde leplz nzkqlung nznpokiatitrlr Jiszs, a' nzryapwx-krdr tresz'tiu. ⁵⁷ Zbz kzdu leplz nztulzmqng,

☆ **14:49** Asaea 53:7-12 † **14:52** Mwx obla kc nide Jon Mak kc tqyrle buk lc.

sc tzipokiape-kzngr. ⁵⁸ Nzrpilr kx, “Xlrkr nzipikr Jiszs kx, ‘Sa na-awxtxobo Mangr-nzangiongr lc tzipwzti ncblo, x nayctitxde zbq nali, x zbq kratq sa nawzti-mopwc’ dq kxmna kx trnzkrly ncblo nziprwzngr.’ ” ⁵⁹ A’ natq kcng tzipiti-lxblrlr tresz’ti-kzu.

⁶⁰ Zbz Nardr Pris tutxlzm mz mzlrdr, sc tqveapebz mz Jiszs, rpibzle kx, “?Myx kxmule, trpnzngr natq kx na-ayzlu-ngrbzme natq ncblo lcng?” ⁶¹ A’ Jiszs anabu txpwz. ☆ Zbz Nardr Pris vea-mopwz bade, rpibzle kx, “?Ngini-angidrm Kxnmcpz? ?Nim Mrlx Gct kc tqglqlzkr?” ⁶² Ayzlu-ngrbz Jiszs natqde kx, “Eu, ninge mrlxde. X sa namcamu ninge, Mrlx Lepz, nzwxbu-krnge me matq esz’ngr mz nrlar Gct kxrtc. X ninge la nayzlu-mopwc’ kalr mz nabz dcbz ngr bongavz.” ☆

⁶³ Zbz Nardr Pris sc tqpesali-zlwzpele nzqk scde, tqrpibzle mz Kansrl kx, “Trpengr nzrtangr-krgr ncblo kx narpim bagu da kx vz-rbrti mrlx lc! ⁶⁴ Murde sa tqxlrpebzmu natq kx pivxi-ngrde Gct. ?Nike aotitpz drtwrmu mz mrlx lc?” Rpibz Kansrl kx vz-rbrtx zlwz x takitxtrpwzle nzbz-krde. ☆ ⁶⁵ Zbz kzdung ncblo kcng mz Kansrl sc tzbyatipelr Jiszs. X nzpe-kilvzbzlr mzte lrpz x sc tztzpelr mz mqdr, tzipibzle kx, “Mz nzngini-krm kc profet, pim ena bagr krkc tqtzle nim.” X Jiszs nzvzmi-kzlr

☆ **14:61** Asaea 53:7 ☆ **14:62** Sam 110:1; Daniel 7:13 ☆ **14:64** Livae 24:16

pulis ngr Mangr-nzangiongr x nztz-kzlr. †

Pita Rpile Trkrlzleu Jiszs

Matiu 26:69-75; Luk 22:56-62; Jon 18:15-18, 25-27

⁶⁶ Mzli kc Pita tqmnczl-ngrmle mz nabxbz ngr ma kc, kzdq olvz kxwz mz ma nyz Nardr Pris vzm mrkc tqwxbu-ngrde. ⁶⁷ Kx mcle kc Pita nzmulq-krde nyr, sc tqobqlvzpele, x tqrpipebzle bade kx, “Nim dq kz kx mnctrpz mz Jiszs kc Naszret.”

⁶⁸ A' Pita pokiatxbz, rpibzle kx, “Trkrlzwxu da la tqycmnetr-ngrn.” Zbz tulzm x sc tqtutrpe mz naonrx, x kio kc tqkya'pe.

⁶⁹ Kx mc mou olvz kc Pita, sc tqrpipebzle badr leplz kxnztung mrkc kx, “Mrlx lc nide dq kz ncblo ne Jiszs.” ⁷⁰ Zbz Pita pokia mou, rpile kx trngiu da zpwz kc tqpi olvz kc. Zbz mzli trboiu kzdung leplz kx nztung mrkc nzrpi-kzpzlr mz Pita kx, “Krlztx-angidrkr kx nim kzdq nidr, murde mz nzymne-krm otxpx kx nim lr Gzlili.”

⁷¹ Zbz rpibz Pita kx, “Naesalzbo bamu kx nangi bongavz, da zpwz lc tqpiibo bamu. Trkrlzwxu ncblo la tqpimamu bange. Nzmu kx tqpokiabo na-ayrplapx zvz Gct ninge.” ⁷² X mzli kcpwz kio kc tqkya'pe mz nzwrde krali. X sc tqdcpxpe

† **14:65** 14:63-64 Ncblo kcng mz Kansrl trnzlxngitilru Jiszs nzngini-krde Kxnzmcpz o Mrlx Gct. Nardr Pris pesalile lrpzde mz nzvz-nqblq-krde nqmz kr lr Jiu. Kxmule-esz', a' mz Livae 21:10 Gct pipxle kx bzkq pesali Nardr Pris lrpz scde. 14:65 Mz nzpe-kilvz-krbzlr mzte, kxnzetu r lr Jiu nzvz-nqblqlr Asaea 11:3, mz nzrpi-krde kx, “Kxnzmcpz trna-aolvzleu leplz mz nzvz-nqblq-krde da kx mcle mz mzte.” A' nzxtrnga-ngdrdr nide, murde trnzlxngitilru nide x mz drtwrdr rblxbz bade nzpipx-krde neke tzle nide.

mz drtwr Pita nzrpi-krbz Jiszs bade kx, “Napibo bam, nzrpi-krm trkrlzwq ninge nzwrde natq, x natq kio krali kc ate.” Zbz Pita sc tqyrnitxpe, bztitxde nzyrningr.

15

Jiszs Nzvzmibz Mz Paelzt

Matiu 27:1-2, 11-14; Luk 23:1-5; Jon 18:28-38

¹ Mzli kc mz nourla kc topwz, kxnzetu rdr pris, lrtzlvzng, kxnzalvztrng mz Lou sc Mosis, x leplz amrlx mz Kansrl nyzdr lr Jiu nzymne-lxblrng x sc tzryrlqpeng drtwr. Nzpetxbzlr mq Jiszs x sc tzvzmipelr tzaprcpebzlr mz mq Pcntizs Paelzt, lr Rom kc tqaclvele Judiz Provins.

² Paelzt veabz mz Jiszs kx, “?Myx kxmule, nim king r lr Jiu?” Ayzlu-ngrbz Jiszs natqde kx, “Sa tqplzpxpeq kx ninge.” *

³ Kxnzetu rdr pris nzrpibzlr kx Jiszs alele da kqlu kxtrkating. ⁴ Zbz Paelzt sc tqveape-mopwz bade, rpibzle kx, “?Memule trayzlu-ngrpwe'u natqnge? ?Trxlrwq da kcng kqlu tzipilr kx otirbrbzme?”

* **15:2** 15:1 Lr Jiu, trpnzngr scdr zmatq mz nznibq-krdr leplz, a' doa lr gzpman ngr Rom txpwz kcng tzacvelr nrlarnrlc nyzdr kxrngisc zmatq lc. [Jon 18:31] Kxnzrmailz ngr lr Jiu suti drtwrdr Jiszs nabz, a' da kx alele trtakitrdeu nznibqngr nide mz lou sc lr Rom. Paelzt mnc zvz mz taon Sisaria. A' kzdung mzli vz Jerusalem, myapxbz mzli kcng tqkaputr-ngrm zbq kxetu scdr lr Jiu, mz nzrpwa'-krbzle badr nzotangr. 15:2 Mz drtwr lr Jiu, natq “King r lr Jiu” nangi drtq kx nalvr-ngrbz mz Kxnzmcpx. Nzrpilr kx Paelzt lxngitile kx Jiszs avzole zmatq ngr King kxetu mrkc Rom mz nzngini-krde kz king.

⁵ A' Jiszs sc tqvz zvz trnzycmne-krdeu. Sc tqkctitpxpe Paelzt nznabu-krde. ☆

Paelzt Rlrpx-ngrde Nzbzkr Jiszs

Matiu 27:15-26; Luk 23:13-25; Jon 18:39—19:16

⁶ Mz Nzamyangr amrlx, Paelzt aprpxmle kzdq doa lr Jiu kx mnc mz presin kx nzrlxtitrpz lr Jerusalem. ⁷ Mzli lc kzdq ncblo kxayo drtqde Barabas mnc mz presin. Murde nidr badr kztedeng nznibqlr kcng ncblo ngr vea ne Rom mz nzota-krdr badr mz nzmaszlrpx-krdr nzacivekr lr Rom nidr. ⁸ Zbz mz Nzamyangr kc, lr Jerusalem nzrlxtitrpzlr mz Paelzt kzdq ncblo mz nzvz-nqblq-krde nqm q krde.

⁹ X rpibzle kx, “?Narlr-ngrbo bamu King rmu, King r lr Jiu?” ¹⁰ Krlc tqkxmu nzycmne-krbz Paelzt lc murde krlzle kx Jiszs nzaprcbz kxnzetu rdr pris bade mz nzdobulvz-krdr nzsuti-zlwzkr drtwr leplz nide. ¹¹ A' kxnzetu rdr pris nzapqtr-pzlr drtwr zbo ngr leplz kcng kx narlxti-alzubzlr mz Paelzt Barabas.

¹² Zbz Paelzt vea-mopwz badr kx, “?Nike nawaisr-ngrne ncblo lc tqrpiamu King r lr Jiu?”

¹³ A' sc tznemipebzlr, tzrpibzlr kx, “Natqlvztr mz kros!”

¹⁴ Rpi-mopwz Paelzt kx, “?A' memule? ?Da kxtrka kznike alele?” A' sc tznemi-katobzlr kx, “Natqlvztr mz kros!”

¹⁵ Paelzt suti drtwrde nzaelalz-krmle drtwr zbo ngr leplz kcng, x sc tqaprppebzle Barabas badr. A' rpibzle mz ncblo ngr vea nedeng naiklalr Jiszs x natqlvztrlr nide mz kros.

*Jiszs Nztqlvztr Mz Kros**Matu 27:27-44; Luk 23:26-43; Jon 19:2-3, 17-27*

¹⁶ Kzdung ncblo ngr vea nzvzmitrpeir Jiszs mz makoa ngr ma kxetu nyz Paelzt, x sc tzkqlepelr ncblo ngr vea kztedrng amrlx. ¹⁷ Nzotilr kc nzkq kxprpol sc king, sc tzakqpe-ngrdr Jiszs. X nzn-grleir kc nqvi nzku ngi kraon scde, nzalaobzlr mz narde. ¹⁸ Sc tzxtrngalvztitrpelr x tzmrgepe-ngrdr nide kx, “Nim la, King r lr Jiu! Nzmnc-krm naboi.” ¹⁹ Nztakrtibzlr narde mz dapunc x nzbyatilir nide. Zbz sc tizrweopebzng zpr bade mz nzapusr-krdr nide king. ²⁰ Mz nibrde sc tzavopxpebzlr nzkq kc prpol x nzavoo-mopwzlr nzkq scde. X sc tzvzmipxpeir mz nzrtqlvztrngr nide mz kros.

²¹ Nzvzng, x sc tzmctipelr kc ncblo drtqde Saemon. Nide dalr taon kxetu Saerin, mrkc Afrika. X mrlxdeng drtqdr Aleksada x Rufzs. Tqvz-atem x navztrpe Jerusalem. A' ncblo ngr vea kcng sc tzrtulrtrpe-ngrbzlr bade nzglq-krbzle kros ngr Jiszs, murde drtqde mewetx-zlwzpe. ²² Ncblo ngr vea kcng nzvzmilr Jiszs mz kzdq newz drtqde *Gclgata*, drtwr ngrde *Bekrlz*, murde nzobq-krde apule bekrlz. ²³ Nzkabzlr bade kc waen kx ycmi luekxpiz nzrpibz mrr, a' trmnq-pnzleu. ☆ †

☆ **15:23** Sam 69:21 † **15:23** 15:22 Mz natq lr Rom, *Bekrlz* nzrpibz *Kalvzri*. 15:23 Mrr kala ngrde bla. Nzvzng mrr mz lue lr benounc kxlala nzrpibz *mrr*. Nzaleti mz da kxkqlu x ngi kz tolo x medesin. Mrlc nzyrlqmi waen, ngi dalr nzaesakingr zvzetq. Jiszs trmnq-pnzleu murde mz nzvz-nqblq-krde me pnz drtwr Gct Trte, natwzle zvzetq atwrnng x naxngitrl mrr mz nzxpepx-krde alwx ngr leplz amrlx.

24 Zbz sc tztqlvztrpelr nide mz kros. X nctq lrpz scdeng nzayrleti ncblo ngr vea kcng daes, mz nzkrllz-krde doa kx narngisc. ☆

25 Nztqlvztrlr Jiszs mz kros mz nabznepi kc tqrpxmz mz nourla. 26 X mz nzaelwapxngr da kc tqbzng Jiszs, nzyr kcng natq x nzatu mrkc tztqlvztr-ngrdr nide mz kros. Rpile kx, "KING R LR JIU." 27 X nztqlvztr kz mz kros kzbleng ncblo nzling kxnzpnang da taplxsr nrlar Jiszs. 28 Mz nzmukrde lcde, natq profet Asaea sc tqngi-datipe, mz nzirpi-krde kx, "*Mz nzaotikr drtwr leplz, ni-kzde ncblo kx xpqbrlr-zvz-ngrde lou.*" ☆ 29 Mzli kc tqdoo-ngrm Jiszs mz kros, kzdung leplz kx nzvzkiplr mrlcde nzirpitiqbzng natq kxtrka bade. Nzaycngirlzlbzlr nardr, nzirpilzbzlr kx, "Kx tqrpiq kx matq-esz'ngn mz nzawxo-krm Mangr-nzangiongr x wzti-mowq mz zbq kxtqtxu, 30 e vzom mz kros la mz nzarlapx-lzbq-krm!" ☆

31 Mz nzmukrde lcdepwz, kxnzetu rdr pris x kxnzalvztrng mz Lou sc Mosis nzxtrnga-kz-ngrdr Jiszs mz mzliplr, nzirpilr kx, "Krlzle nzarlapx-krde kzdu-kzng leplz, a' trkrlzleu nzarlapx-lzbq-krde. 32 Nzmu kxtqngini-angidrde King Kxnzm-cpx ngr Israel, navzopem mz kros mzli ka x sc tqlxngitipeku nide." X ncblo kcng nzling tzdo-kzng mz kros, nzirpiti-kzpzng natq kxtrka mz

☆ 15:24 Sam 22:18 ☆ 15:28 Asaea 53:12 ☆ 15:30 Sam 22:7; 109:25

Jiszs. †

Nzbzkr Jiszs

Matiu 27:45-56; Luk 23:44-49; Jon 19:28-30

³³ Mzli kc tqtavauo-ngrm nepi, nzlo akqlvztx-pnzle nrlc atwrnrngr, krlzbzle nabznepi kc tqtq.

³⁴ X mzli lcpwz, Jiszs sc tqetumipe natqde, nzrpi-krde kx, “Eloi! Eloi! ?Lama sabaktani?” Drtwr ngrde kx, “Gct! Gct o! ?Memule tqvzsze-ngrn ninge?” ☆

³⁵ Kzdung leplz mrkc nzxlr-rbrbzlz natq Jiszs, x sc tzrpipekr kx, “?Xlrbzmu? Kqlepele Profet Elaeja kc bqnc mz nzokatr-krde nide!”

³⁶ Kzdg nidr otilc kc kzdg da, petrle mz nounc, leole mz waen kxrkr, x sc tqglalzpebzle mz nao Jiszs. ☆ Sc tqrpipebzle kx, “Na-aenzliku ena, namcku nzvz-krm Elaeja mz nzglqo-krmle nide mz kros.”

† **15:32** 15:28 Ngaldc lc tryclzpuu mz kzdung nzryrngkr keng pnz ngr buk lc. Kxmule-esz' Jiszs trpnzngkr alwx ngrde, a' mz nzayrplapxkr Gct lc nide mz nzapu-krde kx alwx ngrde ycbz, tekqtrle nigu mz nzxpepx-krde nigu mz alwx ngrgung, mz nzzipq-krde nigu. [2 Korint 5:21] 15:32 Jiszs krlzle nzarlaxp-lzbq-krde. A' suti drtwrde nzarlaxp-krde leplz mz alwx ngrdrng, mz nztekqtr-krde nidr mz nzayrplapxkr Gct nide. Dekc trarlaxp-lzbq-ngru Jiszs. Naglqlz-ngrgu Gct nzrlrpx-lzbq-krde mz nzbz-krde nigu.

☆ **15:34** Sam 22:1; Asaea 59:2 ☆ **15:36** Sam 69:21

³⁷ Zbz Jiszs netxpx-kato mou x sc tqbzpe. §

³⁸ X mzli lcpwz lotqbr kc tqdo Mrkc Tqtr Mangr-nzangiong nřpesalikiomle wq tatxo mz noude, ncte li. ³⁹ Kzđq kxetu r dzbe ncblo ngr vea ne Rom kx trtqki-esz' (100) tulzbz mz nou kros. Kx mcle kxmu nzbzkr Jiszs, sc tqrpipele kx, "Da zpwxtx, ncblo ka nide Mrlx Gct."

⁴⁰ Kzđung olvz nzmnc-kzng mrlcde, sc tz-tumqng rlr, x nzmclr da kcng tżwaisrnr Jiszs. Olvz lcdeng seng, Mxri kc Makdala, Salome, x Mxri lxede Jemes kc tqtopwz x Joses. ⁴¹ Olvz lcng nzvz-nqblqne-zvzlr Jiszs x nzokatrlr nide mzli kc tqmnc-ngrde Gzlili Provins. Olvz nzqqlu kx nzmncng mrlcde kx nzvzkimlr Gzlili x nzvzđzng badr Jiszs Jerusalem. *

§ **15:37** 15:34 Nzetqkr drtq kc tqprtłzpele Jiszs mz Mak 15 nzplzpx kai mz Sam 22 x Sam 69. Alwx ngrgung dekng tżrbatrpzng nzvzszkr Gct Jiszs. 15:35 Mz natq Erameik *Eloi* apu-kzpwzle nřpingr drtq *Elaeja*. Mc kz 2 King 2:11. 15:37 Mz nzbz-ani-krde, Jiszs aelwapx-ngrde kx trnginideu ncblo txne, a' nide ncblo kxmatq. Murde leplz kx nztqlvztr mz kros luti-zvzle zbq kqlu, yangrngatx, drtwrde mrbr x sc tqbzpe. A' Jiszs trwaileu.

* **15:41** Kxmule-esz' ncblo neng Jiszs nzđwaszlr nide, a' ngi txpwz Jon, x olvz lcng tżbrti drtwrdr nide vz-krlztz-zpwxbzle mz kros. Salome trnzkrłz-zpwxu, a' mwz nide olvz r Sebedi, lxe Jemes x Jon. [Matıu 27:56] Kxmule-esz' mzleng Jiszs drtqdr Jemes, Joses, Jud, x Saemon, [Mak 6:3] a' Mxri kc tqngi lxede Jemes kc tqtopwz x Joses, opxm kx trngiu lxede Jiszs. Mwx Mxri lc ngi olvz r Alfızs Klopzs. [Luk 6:15; Jon 19:25] Jemes lc nřrpıbz Jemes kc topwz mz nzablepx-ngrbz nide mz Jemes mzle Jon kc tqvz-nqblq-kzle Jiszs. Mz Luk 8:2 mcku Mxri kc Makdala. Kzđq kz Mxri ngi Mxri, lxede Jiszs, x kzđq Mxri ile Mata, mzlwedr Lasarus. Mz Aposol 12:12 mcku Mxri, lxe Jon Mak. X mz Rom 16:16 mcku kzđq mou Mxri kx lxngıtile Jiszs mrkc Rom.

*Jiszs Nzyrtzmq**Matiu 27:57-61; Luk 23:50-56; Jon 19:38-42*

⁴²⁻⁴³ Zbqkranzlvcn ngi zbq ngr nzoliqtikr lr Jiu mz Sabat. Sabat yzutr mzli kc tqtaopengr nepi. Josip kc Arimatia trmwxlru, vzbz mz Paelzt x sc tqrlxtipebze nrkrdrdq Jiszs mz nzyrtzmq-krdele. Josip lc nide kzdq kxetu mz Kansrl nyzdr lr Jiu. X tqobqtixle mzli kc Kxnmcpix ne Gct nangini-ngrde King r lr Jiu. †

⁴⁴ Paelzt kctipxle nzxlr-krde kx Jiszs bz-anipe. Kqlele kxetu r ncblo ngr vea kc tqaclvele Jiszs, sc tqveatipebze kx Jiszs bz-zpwxpe. ⁴⁵ Mz nibr nzrlwa-krbz ncblo nede, Paelzt sc tqrlrpe-ngrbze namz ngr Jiszs mz Josip. ⁴⁶ Zbz Josip xpele kc lrpz kxprki. Kaomle namz ngr Jiszs mz kros, x sc tqbxtipele lrpz kc, mz nzvz-nqblq-krde nqm q kr lr Jiu x sc tqqlqtr-anipele mz gq lr kxbz kx nzekqtitr mz butqbr. Mrlz, sc tqalqlitrpebze kc rplz kxetu kx nzapqbrtr-ngrbze naonrx ngr butqbr kc. ☆ ⁴⁷ Mxri kc Makdala x Mxri lxede Joses nzmclr butqbr kc tqayrbqpx-ngrm Josip namz ngr Jiszs.

16*Jiszs Tulz-mop Mz Nzbzngr**Matiu 28:1-10; Luk 24:1-12; Jon 20:1-10*

† **15:42-43** Zbq ngr nzoliqngr Zbqkranzlvcn amrlx x Sabat ngi Satqde amrlx. Mz nqm q kr lr Jiu zbq yzutr mzli kc tqtaongr nepi mz nabznepi kc tqesz'mz. X nzyrlqlr kzdung kz zbq kxtr nzipi-kzp Sabat. Mc kz Lou Kcpwz 21:22-23 x Jon 19:31, 38.

☆ **15:46** Asaea 59:9, 12; Jon 19:39-42

¹ Mz nibr Sabat mzli kc mz nina, Mxri kc Makdala, Mxri lxede Jemes, x Salome nzvzng sc tzxpepeng da kx na-aelu-ngrdr namz ngr Jiszs. *

² Zbz mz nourla kc topwz mz Sade, olvz kcng nztqng sc tzvzpeng mz butqbr kc. ³ Mzli kc tzvz-ngrdr mz lrpzki, sc tzpi-etrapelr kx, “?Neke naokatrle nigu mz nzalqlipxngr rplz kc? Murde etu zlwz x mrlepu.”

⁴ A' kx nzkrlybzlr butqbr kc, nzmcpelr rplz kc nzalqlipxpe. ⁵ Nzdwatrpzng mz butqbr kc, nzpwrkilvc-ngrdr kzdq enjrl kx apule obla, x kq lrpz kxprki wxbu mz nrlarde kxrtc ngr gq kc.

⁶ A' rpibzle kx, “Bzkq mwxlramu. Krlzpebo kx rtangrtiamu Jiszs kc Naszret tztqlvztr mz kros. Mc-zpwxamu mrkc tzayrbq-ngrdr namz ngrde. Tryrbqpeu mrka, murde tulzpe mou. ⁷ A' yzluamu x pibzmu mz ncblo nedeng badr Pita kx, ‘Jiszs sa tqrtwayzpe kai Gzlili, x navz-kzpzmu mz nzrmcti-lzbq-krmu badr elr, da kc tqwai nzpi-pnz-krbzlele bamu.’ ” ☆

⁸ Olvz kcng nzvzpxmqng mz butqbr kc, nznrcti-lzbqng mz zmwylr x sc tzngrlrpeng. Mzli lcde trpnzngr doa kx nzpine badr le, nike

* **16:1** Mz nzvz-nqblq-krde Lou scdr lr Jiu trpnzngr doa kx naxpe da x narglqne da mz Sabat. Sade yzutr mz milzpq ngr Sabat mz nabznepi kc tqesz'mz. Olvz kcng nztqng nzxpeng da lc mzli lcde. Mz nzbzkr Jiszs kc, trpnzngr nidr kx aoti drtwrde kx sa nalu mou, da kc tqwai nzpi-pnz-krbzlele. Mc Mak 8:31, 9:31, 10:34 x 14:28.

☆ **16:7** Mak 14:28

nzmctr mz butqbr kc. †

Kzdz Me Yrkrkpx Nrpakxmrlz Lc ‡

Jiszs Adcp-x-lzbqbz Mz Mxri Kc Makdala

Matiu 28:9-10; Jon 20:11-18

⁹ Mz nibr nztulz-krm Jiszs mz nourla mz Sade, adcp-x-lzbqbz mz Mxri kc Makdala, kc tqmaszlrpx-ngrbz Jiszs bade drka' rlimz. ☆ ¹⁰ Vz x sc tqpipebzle mz ncblo nedeng kcng drtwrdr tzvzbeng x tzyrning. ¹¹ Kx nzxlrblzlr nzrpi-krbzle kx Jiszs lupe mou x mcle nide, trnzlxngitipwzlru natqde. §

Jiszs Adcp-x-lzbqbz Mz Leplz Nedeng Nzling

Luk 24:13-35

¹² Mz nibrde, mz zbz kcpwz, Jiszs adcp-x-lzbq-kzpz mz leplz nedeng nzling kx nzrkalmqng

† **16:8** 16:7 Mwx Enrl lc tqpihbzle drtq Pita lc, murde nabzde talvzo-ngrde nzpokia-krde kx trkrlzleu Jiszs. X mz nzxlr-krde drtqde apqtrpzle drtwrde, x krlzle kx Jiszs sc tqmrlztibe drtwrde nide. 16:8 Nrpakxmrlz kx yr Mak yrkrpx mz ngalrde kc rtqmx mz nzryrngr li kx nzyr pnz kai. A' kzdung kz nzryrngr kx nzyrlqtrpzlr ngalrde 8b mz nzrpi-krde kx, 8b “Zbz olvz kcng nzyapwxtibzlr kxpihpznepwz mz Pita badr kztedeng da kcng tqpihbz obla kc. X mz nibrde Jiszs sc tqatwzlrpxpe-ngrde ncblo nedeng mz nzle-krbzlr Nrpa lc tqtr x tqyctx alo mz leplz. Krlc nrpa ngr nzarlapxkr Gct leplz mz nzyrplapx-alongr mz alwx ngrdrng. Delape.” ‡ **16:8** Nzryrngr kxkqlu nzyeng mz ngalrdr 9-20. X mz drtwr kxnzetung mz makxtr takitrde nzaolvzng ngalrdr lcng mz nzngini-krdr natq Gct, kxmule-esz' mz drtwr kzdung leplz tryru Mak. ☆ **16:9** Luk 8:2 § **16:11** Rblx nzrlxngitingr nide murde lr Jiu mz nzaotikr drtwrdr nzymnekr olvz ngi da kxmane. X mz drtwrdr leplz nzlu-moungr mz nzbzng nzwdrde naesz', mz Mzli Kxmatq kc na-ayzlu-ngrbz Gct da mz leplz.

Jerusalem. Mzli kc tqadcp-x-lzbq-ngrbz Jiszs badr, nzobq-krde blepxngr x trnzglxlr nide mzli kc kai. ¹³ A' kx nzglxlr kc nide, sc tzyzlupe-moung Jerusalem, x tzrlwape-ngrbzlr mz kztedrng amrlx, a' trnzlxngiti-kzlru natqdr.

Jiszs Adcp-x-lzbq-bz Mz Ncblo Nedeng

Matiu 28:16-20; Luk 24:36-49; Jon 20:19-23; Aposol 1:2-3, 6-8

¹⁴ Mz nibrde Jiszs adcp-x-lzbq-kzpz mz ncblo kcng nzpnu-esz'-nrade-esz' (11) mz nzmukrdr. X ycmnetxbz badr, murde trnzbr-kru drtwrdr, x nzmqngikr nardr, x trnzlxngiti-krdru leplz kcng tzmclr nide mz nibr nztulz-krmle mz nzbz-krde.

¹⁵ Zbz sc tqrpipebz Jiszs badr kx, "Vzpxamu mz nrle tulvzo x lebzmu Nrpakxmrlz mz leplz amrlx. ¹⁶ X krkcng nzrlxngiting x nzwrxtrng sa na-arlapx Gct nidr. A' krkcng trnzrlxngitiung trtxpnzng nrzlapx-krdr. ¹⁷ Kxnzlxngitilr ninge sa nartwzng zmatq mz nzale-krdr rkx lcde seng: mz drtqng sa narmaszlrpx-ngrng drka', x naycmneng mz natq lr mrkzbleng mz zmatq ngr Mqngkrxtr. ¹⁸ X kxmule-esz' nzrmleng ningidoe kxrmakx x nzrmnqng lue kxrlq, a' trtxpnzng nznibq-krdr nidr. X mzli kc tzmaletr-ngrbzlr drtq kxnzyagoxng, zyagox ngrdr nayrkrpxbz x namrlz-moung." *

* **16:18** Jiszs tr-rkapwzu natq ngr nzrml-krdr ningidoe kxrmakx x nzrmnqng lue kxrlq. A' ycmnetr-ngrde nzatrkatng kxnzrlxngiting mz nztultr-ngrbz badr da kxtrka kx na-alelr, nangqdr o namnqlr. X ycmnetr kz mzli kx trnzkrzlru da kx nzalelr. Mc Aposol 28:3-6. Mwx ningidoe drtwr ngrde Setzn. Mc kz Sam 91:13.

Jiszs Yzlulz Mou Heven
Luk 24:50-53; Aposol 1:9-11

¹⁹ Mz nibr nzymne-krbz Kxetu Jiszs badr, sc tqavzdzpe Gct Heven. X wxbutxom me matq mz nrlar Gct kxrtc. ☆ ²⁰ Zbz ncblo nedeng sc tzvzpxpeng mz nrlc tulvzo mz nzrlepxngr Nr-pakxmrlz. X Jiszs okatr-zvzle nidr mz nzale-krdr da kxnzkctipxng mz nzaelwapxngr kx nzalvztr-krdr da zpwx. Eu. Delape.

☆ **16:19** Sam 110:1; Mak 12:36

Nzryrngrkxtr Kc Ate Rut x Sam
The New Testament plus Ruth and Psalms is the
Natügu language of the Solomon Islands
Buk Baibel long langguis Natqgu

copyright © 2008 Wycliffe Bible Translators, Inc.

Language: Natqgu (Natügu)

Translation by: SITAG

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-11-17

PDF generated using Haiola and XeLaTeX on 11 Nov 2022 from source files dated 30 Nov 2021

fb2b7f06-e254-5fb7-b59d-ee21d5d7a93f